

• Roman Urdu •

Sallimu Tasleemaa

- Hamd
- Naat
- Mangabat

SABĪYA
VIRTUAL PUBLICATION

Khawaja
Shauq
Shauq

Hamd, Naat, Manzumat

Sallimu Tasdeema

• Roman Urdu •

*Khawaja
Shauq*

SABĪYA
VIRTUAL PUBLICATION

DETAILS

NAME
SALLIMU TASLEEMA
(ROMAN URDU)

WRITER
KHWAJA SHAUQ

BA EHTIMAM
Syed Akber Hussaini Quadri
ROMAN TRANSLITERATION
MUHAMMAD SHAHID QADRI

SANA ISHA'AT
RAJABUL MURAJJAB 1444H
JANUARY 2023

TOTAL PAGES
180

OUR DESIGNING PARTNER



PURE SUNNI
GRAPHICS

PUBLISHER

SABIYA
VIRTUAL PUBLICATION

SABIYA VIRTUAL PUBLICATION

AMO

POWERED BY ABDE MUSTAFA OFFICIAL

✉ info@abdemustafa.com

© 2023 All Rights Reserved.

A decorative border in a golden-brown color, featuring a repeating geometric pattern of interlocking lines that form a frame around the central text.

بِسْمِ اللّٰهِ الرَّحْمٰنِ الرَّحِیْمِ

ALLAH KE NAAM SE SHURU
JO NIHAYAT MEHARBAAN, RAHMAT WAALA HAI

Contents

Hamd E Baari Ta'ala	6
Allah Tu Kareem O Ghafoor O Raheem Hai	6
Mere Sarkar Dete Hai To Hoti Hai Nazar Paida	7
Ye Wo Sooraj Nahi Jo Huwa Idhar Panha Udhar Paida	8
Ek Tajalli Ne Sab Tasfia Kar Diya	9
Ashkon Ki Khamoshi Ko Awaaz Bana Dena	11
Kirdaar E Shah E Deen Ka Aayina Dikha Dena	12
Jism Ka Jism Hai Noor Ka Noor Hai	13
Hoo Ba Hoo Noor Ka Aayina Noor Hai	14
Tum Se Hat Kar KyaTasawwur Deen Ka Emaan Ka	15
Naam Hai Irfan E Haq Sarkar Ke Irfan Ka	16
Jis Par Khule Ba Qadr E Shaoor E Nazar Khule	17
Insaan Hawaas Kho De Haqeeqat Agar Khule	18
Hone Nahi Paate Wo Andheron Ke Hawale	19
Kya Dekhenge Aaq Ka Qadam Dekhne Waale	20
Aalam Hama Poor Noor Shada Az Aks Jamale	21
Kul Kaayenat Unme Hai Wo Kaayenat Me	22
Wo Baat Hai Huzoor Ki Ek Ek Baat Me	23
Shahood O Ghaib Dono Hai Tumhare Aayina Khaane	24
Khirad Mandon Ko Dars E Aagahi Dete Hain Deewane	25
Chattan Tod De Khaali Ye Wo Kudaal Nahi	27
Kaam Darya Ka Nahi Apna Paraya Dekhna	29
Umr Bhar Dekha Kiye Phir Bhi Na Aaya Dekhna	30
Parde Ki Jo Baatien Hai Wo Ab Bhi Hai Parde Me	31
Din Ka Sooraj Hai Madina Raat Ka Mehtaab Hai	32
Aasmano Ko Banaya Hai Zamee'n Sarkar Ne	34
De Ke Quraa'n Rahmatullil Aalameen Sarkar Ne	35
Allah Allah Hai Banda Banda Hai	36

Sallimu Tasleema

Hota Hai Shar Aiso Ka Khasane Khuda Mein	38
Khushbu Mehakne Ki Mehakti Hai Fiza Mein	39
Khudai Mein Jo Kuchh Hai Aap Ka Hai	40
Khamosh Ho Zubaan to Nazar Bolti Rahe	41
Agar Jeene Ka Maqsad Zaate Min Noori Na Ho Jaaye	42
Fanaye Ishqe Shahe Deen Agar Hasti Na Ho Jaaye	43
Kya Shay Hai Jahan Ke Gulo Gulzaar Ki Khushbu	44
Jalwa Gar Hai Khuda Ki Zaat Un Se	46
Hashr Mein Sab Ki Hai Najaat Unse	47
Dekh Lete Hain To Kho Jaate Hain Jalwa Dekh Kar	48
Karne Waala Kuchh Nahin Hum Ko Zamana Dekh Kar	49
Nahin Mumkin Ke Dil Taiba Ke Nazaro Se Bhar Jaaye	50
Wahi Rauza Nazar Aaye Jidhar Meri Nazar Jaaye	51
Mumkin Nahin Nabi Ko Lagataar Dekhna	52
Kitno Ko Inqelabe Zamana Mita Gaya	54
Sooraj Gua Tulu Andhera Chala Gaya	55
Khuda Jaanta Hai Haqeeqat Nabi Ki	56
Woh Dastoor Haq Hai Shariat Nabi Ki	57
Har Ek Parday Mein Jalwa Aap Ka Hai	58
Bohat Bhi Ho to Karam Hum Pe Aap Ka Kam Hai	60
Siwaye Khuda Ke Unhein Koi Jaanta Kam Hai	61
Sab Kuch Hamaray Paas Hai Allah Ka Diya	62
Allah Jaane Aapne Kis Kis Ko Kya Diya	63
Udenge Hosh Jis Din Jalwa -e- Deedar Dekhenge	65
Sarapa Noore Haq Ka Bolta Shahkar Dekhenge	66
Namaze Ishq Ka Qibla Huzoor Ka Ghar Hai	67
Banaame Ummiyat Ik Ilm Ka Samundar Hai	68
Tum Ho Har Aalam Mein Tanha	70
Khudai Rahmatein Manzar Ba Manzar Dekh Aaya	71
Fanoos Mein Shola Hai Mehfil Mein Ujala Hai	72
Sohbat Mein Shahe Deen Ki Har Fard Jeela Hai	74

Sallimu Tasleema

Banaya Noor Ko Apne Hi Aaina Apna	75
Zubani Daawe Hain Kya Kya Amal Hai Kiya Apna	76
Khudai Noore Azal Se Bana Banaya Hai	77
Dilo Ko Aap Ne is Tarah Jagmagaya Hai	79
Haath Jaise Kisi Muflis Ke Khazana Aaya	80
Aisa Min Noor Koi Jism Na Chehra Aaya	81
Yahin Se Hain Sab Roshni Paane Waale	82
Ja Ke Milta Hai Unhi Se Har Kisi Ka Silsila	83
Sab Salasil Mein Hai Ik Sarkar Hi Ka Silsila	84
Hawase Deed Ye Kehti Hai Abhi Kya Dekha	85
Us Ne Sab Dekh Liya Jis Ne Madina Dekha	87
Har Ek Haadse Ne Rasta Diya Hai Mujhe	88
Guzar Basar Ko Dare Mustafa Diya Hai Mujhe	89
Dil Ke Sajdon Ko Wo Naqshe Kafe Pa Hona Hai	90
Un Se Doori Khud Apne Se Juda Hona Hai	91
Dunya Ka Hai Dastoor Unhein Deewana Samajhna	92
Khuda Paraston Ko Kya Kaam Aisho Raahat Se	94
Un Ka Jalwa Dekhne Ko Aankh Wala Chahiye	95
Seerate Shaahe Rasoola Kis Qadr Tehdaar Hai	97
Dil Agar Bedaar Hai to Zindagi Bedaar Hai	98
Sab Kuch Unhi Ka Tha Yahan Sab Kuch Unhi Ka Hai	99
Sirf Us Ko Kaayenaat Mein Haq Zindagi Ka Hai	100
Faasla Kitna Madine Se Hai Jannat Ke Liye	101
Husn Takhleeq Hua Hai Isi Soorat Ke Liye	103
Jaan Jaye Gi Magar Dil Se Na Jalwe Jayenge	104
Kya Hai Apne Paas Jayenge To Kya Le Jayen Ge	105
Ishhq Sarkar Mein Har Gham Se Guzar Jana Hai	106
Wahi Ik Zaat Tanha Hai Har Ik Aaina Khane Mein	107
Jab Tak Hai Kaayenaat Imamat Ali Ki Hai	108
Mustafa Hi Mustafa Shehzadi -e- Kaunain Hain	110
Ghaus Azam Hain Nubuwwat Ke Gharane Walay	111

Sallimu Tasleema

Kon Aye Shahe Jilaa Teri Manzil Ka Pata De	112
Kis Kis Ko Ghause Paak Ne Kya Kya Bana Diya	114
Dil Ko Har Ke Kusha Kash Gham Se Chhuda Diya	115
Khulta Nahin Kisi Pe Jo Unka Maqam Hai	116
Faizane Ghaus Ab Bhi Zamane Mein Aam Hai	117
Jo Mila Ghausul Wara Se Wo Khuda Se Ja Mila	118
Aapka Dar Kya Hua Qudrat Ka Aiwaan Ho Gaya	120
Na Ho Ye Log to Maidan Ka Maidan Khali Hai	121
Buro Ki Zimmedari Ghause Aazam Ne Sambhali Hai	123
Khayale Ghause Paak Aa Jaata Hai Be Sakhta	124
Laakh Toofan Mein Bhi Jeete Hain Itmenan Se	126
Sharf Unka Hai Mauroosi, Ghulami Apni Aabai	127
Nahin Hai Dastgeeri Ghause Aazam Ki Alaqai	129
Rabt Jaisa Faiz Waisa Hai Bade Sarkar Ka	130
Haajate Mausam Nahin Rakhta Gulistaan Ghaus Ka	132
Mere Jeene Ko Na Dekho Karam Un Ka Dekho	133
Khulti Hai Saari Haqeeqat Parda Uthane Ke Baad	135
Kis Ko Pinhaa Dekhiye Kis Ko Numaya Dekhiye	136
Jo Bade Hain Wo Wasila Bhi Bada Lete Hain	137
Jo Bhi Ghulam Unka Hua Taajwar Hua	139
Naam Baghdad Hai Un Shara Ki Deewaro Ka	141
Kitne Zarrat Ko Khursheed Banaya Tum Ne	142
Ik Nazar Mein Kiya Har Gham Ka Madawa Tum Ne	143
Unke Qadmo Mein Wilayat Ke Hain Samaan Kitne	144
Uska Iman Humesha Taro Taaza Dekha	146
Ye Dil, Dil Nahin Unka Naqshe Qadam Hai	147
Har Wali Sarkar Ka Daman Girafta Ho Gaya	148
Mujhe Apne Hone Ka Ehsaas Kam Hai	149
Har Wali Sarkar Ka Daman Girafta Ho Gaya	150
Har Zamane Ko Tera Taabe Farman Dekha	152
Ghareebo Ko Dare Sarkar Hi Kaaba Nazar Aaya	153

Sallimu Tasleema

Kitni Haqeeqato Ka Ujala Kahoon Tujhe	155
Aastan Kya Hai Tera Markaze Roohani Hai	156
Faiz Saara Hai Ye Kis Ka Khwaja Ajmer Ka	158
Badshahi Tere Dar Ki Fuqara Dete Hain	160
Bande Hain Sab Tu Ek Hi Banda Nawaz Hai	161
Unki Nazar Hai Jis Pe Wahi Sar Buland Hai	163
Manqabate Qutbe Deccan Sharfuddin Suharwardi	165
Ho Jaaye Inayat Ki Bas Ek Nazar Baba	165
Aankh Waalo Ko Nazar Aate Hain Anwaare Qadeer	166
Jab Tak Hai Sar Pe Saaya -e- Daaman Qadeer Ka	167

Hamd E Baari Ta'ala

Allah Tu Kareem O Ghafoor O Raheem Hai

Baar E Gunah Se Meri Haalat Saqeem Hai
Allah Ta'ala Tu Kareem O Ghafoorur Raheem Hai
Kis Se Ihata Ho Teri Zaat O Sifaat Ka
Jo Bhi Sifat Hai Zaat Ki Soorat Qadeem Hai
Mohtaj Har Koi Hai Tera Kaayenat Me
Wo Shaan Teri Saahib E Lutf E Ameem Hai
Asraar Tere Hai Ye Huroof E Muqatta'at
Quraan Ka Pehla Lafz Alif Laam Meem Hai
Maula Kisi Ka Haal Bhi Tujh Se Chupa Nahi
Tanha Tu Wo Qadeer O Baseer O Aleem Hai
Kya Teri Azmaton Ma Tasawwur Kare Koi
Aajiz Hai Fikr Hairati Aql E Saleem Hai
Har Aan Shauq Fazl O Karam Ka Hai Multaji
Us Para Chala Jo Ise Rah E Musaqeem Hai

Mere Sarkar Dete Hai To Hoti Hai Nazar Paida

Na Khaliq Tha Na Khalqat Qabl Shah E Behrobar Paida
Zahoor E Noor E Awwal Se Huwa Sab Kuch Magar Paida

Nabi Fehmi Se Haq Beeni Ka Hota Hai Hunar Paida
Sha'oor E Motabar Karta Hai Chashm E Motabar E Paida

Safar E Noor Ka Kya Ho Alaamat E Safar Paida
Nishaan Arshi Qadam Ke Hai Na Gard E Hagandar Paida

Kitaabon Se Kisi Ko Bhi Baseerat Mil Nahi Sakti
Mere Sarkar Dete Hain To Hoti Hai Nazar Paida

Zara Padna Hai Saaya Rehmat E Aalam Ke Daman Ka
Use Lag Jaate Hain Par Jo Huwa Be Baal O Bar Paida

Huwe Qaatil Bhi Qurbaan Aapki Insaan Nawazi Par
Sulook Insaniyay Ke Dil Me Kar Leta Hai Ghar Paida

Hira Ke Gaar Me Noori Qadam Yunhi Nahi Aaye
Yahin Se Ek Din Honi Thi Quraani Sehar Paida

Khudaayi Rehmaton Ka Abr E Nisyaan Is Tarah Barsa
Huye Dil Ke Sadaf Me La Ilaha Ke Gohar Paida

Khayalon Me Nabi Ke Doobna Hai Roshni Dil Ki
Nazar Ka Ghaib Hojana Bhi Karta Hai Nazar Paida

Farishte Tak Yahan Be Izn Shauq Aane Nahi Paate
Adab Gaaheest Zer E Aasmaan Ba Karr O Far Paida

Ye Wo Sooraj Nahi Jo Huwa Idhar Panha Udhar Paida

Shah E Taiba Se Ho Jis Qadar Qalbi Talluq Paida
Khuda Ki Marifat Karti Hai Utna Dil Me Ghar Paida

Khuda Karta Hai Is Ummat Me Aise Bhi Bashar Paida
Lahu Se Dasht Me Karte Hai Jo Gulhaaye Tar Paida

Jab Anwaar E Madina Dil Me Kar Leti Hai Ghar Paida
Ujale Khud Ba Khud Hote Hain Ta Hadd E Nazar Paida

Sehar Kehte Hain Jisko Naam Hai Deedar Aaqa Ka
Nahi To Roz Hoti Hai Zamane Me Sehar Paida

Do Aalam Jalwa E Minn Noor Se Har Aaan Roshan Hai
Ye Wo Sooraj Nahi Jo Huwa Idhar Panha Udhar Paida
Faqat Ummi Laqab Sarkar Ke Qadmon Ka Sadqa Hai
Karodon Hogaye Sahib E Dil Sahib E Nazar Paida

Na Jaane Kun Fakaan Kitne Awaalam Ka Marqa' Hai
Be Har Aalam Hai Noor Unka Be Andaz E Digar Paida

Ihata Ho Nahi Sakta Maqamat E Mohammed Ka
Hazaar Insaan Kar Le Wusa't E Fikr O Nazar Paida

Shoor E Bandagi Par Naaz Karna Baad Aye Naadan
Rasool Allah Ke Chaukat Ke Qaabil Sar To Kar Paida

Ghulaman E Shah E Taiba Hai Aise Hunar Waale
Jahan Jaate Hain Kar Lete Hain Apne Rah Guzar Paida

Ek Tajalli Ne Sab Tasfia Kar Diya

Noor Ko Shaki Di Mustafa Kar Diya
Ik Tajalli Ne Sab Tasfia Kar Diya
Khudnumai Ki Khwahish Ne Kya Kar Diya
Zaat Ko Zaat Ka Aayina Kar Diya
Zarra E Khaak Ko Haq Rasaa Kar Diya
Ik Nazar Ne Teri Kya Se Kya Kar Diya
Aap Par Khatam Har Irteqa Kar Diya
Ik Ik Baar Ko Mo'jiza Kar Diya
Wo Azal Se Hi Sultan E Lau Lak Hai
Kam Kahan Tha Jo Rutba Bada Kar Diya
Sa'at E Lee Ma' Allahu Muayyan Nahi
Qurb Ko Kitna Be Fasla Kar Diya
Dil Ke Weerane Noori Chaman Ban Gaye
Sabz Gumbad Ne Sab Kuch Hara Kar Diya
Qibla E Deen O Emaan Wahi Zaat Hai
Jisne Qibla Ka Rukh Doosra Kar Diya
Jab Na Samjhi Gayi Aap Ki Azmatien
Naashnaso Ne Fitna Barpa Kar Diya
Shaan E Misl E Bashari Shauq Be Misl Hai

Laakh Elaan E Qul Innama Kar Diya
Saari Duniya Ko Hairat Zada Kar Diya
Kun Fakaan Ko Nabuwat Kadah Kar Diya
Jehal Ko Hosh E Haq Kya Ata Kar Diya
Azdahe Ko Kaleemi Asa Kar Diya
Roshni Door Sooraj Se Hoti Nahi
Aap Ko Kisne Haq Se Juda Kar Diya
Inqelaab Aisa Taintees Barson Ka
Saari Duniya Ko Hairat Zada Kar Diya
Paikar E Khaak Ka Haq Se Rishta Hi Kya
Zaat E Minnoor Ko Waasta Kar Diya
Masnad E Faqr Aisi Tumhien Haq Ne Di
Taaajdaron Ko Dar Ka Gada Kar Diya
Wo Badan Hai Haqeeqat Me Ya Noor Hai
Qaaba Qausain Ne Faisla Kar Diya
Ik Sahabi Ne Mehmaan Nawazi Wo Ki
Kar Diya Roshan Imaan Bujha Kar Diya
Aap Ki Shaan E Rehmat Wo Aejaaz Hai
Aandhiyon Ko Bhi Mauj E Saba Kar Diya
Khaak E Dar Unki Hai Shauq Wo Kimiya
Jis Ne Paayi Usne Kimiya Kar Diya

Ashkon Ki Khamoshi Ko Awaaz Bana Dena

Rehmat Hai Nabi Fehmi Har Dil Ko Juda Dena
Jis Umr Ka Bachha Hai Waisi Hi Ghiza Dena
Manzoor E Mashhiyyat Tha Noor Apna Dikha Dena
Khud Parde Me Reh Jaana Har Parda Utha Den
Beemar Hai Dil Ya Rab Rehmat Se Shifa Dena
Gulzar E Madina Ki Kuch Taaza Hawa Dena
Aaye Dil Ki Tadap Jab Bhi Aaq Ko Sada Dena
Ashkon Ki Khamoshi Ko Awaaz Bana Dena
Har Aayat E Qurani Ma Aa'zama Shaani Hai
Seerat Ka Saboot Is Se Kya Aur Bada Dena
Mil Jayega Khaliq Ke Milne Ka Pata Mujh Ko
Pehle Mujhe Aaq Ke Milne Ka Pata Dena
Duniya Ho Ke Uqba Ho Koi Nahi Deta
Deta To Nabi Dena, Dena To Khuda Dena
Aaq Ko Sana Goi Ek Farz E Ghulami Hai
Kis Munh Se Kahunga Mai Sarkar Sila Dena
Har Taar Hai Ashkon Ka Zanjeer Dar E Rehmat
Rona Gham E Shah Me Zanjeer Hila Dena

Ghar Waale Jo Unke Hai Tatheer Ki Aayat Me
Quran Hai Khud Naatiq Hum Naam Unhien Kya Dena
Shauq Arz E Madina Ko Kya Toor Se Nisbat Hai
Waan Hosh Uda Dena Yaan Hosh Jaga Dena

Kirdaar E Shah E Deen Ka Aayina Dikha Dena

Aejaaz E Shah E Deen Hai Wo Hosh E Anaa Dena
Zehnon Ko Badal Dena Roohon Ka Jila Dena
Ik Noor Kiran Aisi Khursheed E Hara Dena
Emaan Ki Hararat Ko Phir Nasho Numa Dena
Ishq E Shah E Taiba Me Hasti Ko Mita Dena
Dar Asl Qatre Ko Darya Me Mila Dena
Khalqat Ko Jo Dete Hain Khalqat Unhien Kya Degi
Dene Ka Tasawwur Hi Zehno Se Mita Dena
Idraak Na Ho Jisko Quran Ke Baatin Ka
Kirdaar E Shah E Deen Ka Aayina Dikha Dena
Bu Jahel Aduu E Deen Kaafir Ka Raha Kaafir
Emaan Ki Hidayat Bhi Dena To Khuda Dena
Dushman Bhi Munafiq Bhi Sab Saamne The Lekin
Sarkar Ki Rehmat Ko Na Aaya Saza Dena

Sallimu Tasleema

Ishq E Shah Be Saaya Inaam E Ilahi Hai
Nemat Ko Marz Keh Kar Kehte Hain Dawa Dena
Kyun Misl Bashar Ban Kar Aata Na Wo Noor E Kul
Zehan E Bashri Ko Tha Ik Mod Naya Dena
Quran Ne Toda Hai Har Kufr Dimaghon Ka
Seerat Ka Ye Rukh Bhi Tha Duniya Ko Dikha Dena
Shauq Unke Gada Ho Kar Daaman Kahan Phailaaye
Aata Hai Bhala Kis Ko Aaq Ke Siwa Dena

Jism Ka Jism Hai Noor Ka Noor Hai

Zaat E Minn Noor Salle Ala Noor Hai
Jism Ka Jism Hai Noor Ka Noor Hai.

Pairahan Se Haaqeeqat Badalti Nahi
Roz E Awaal Se Jo Noor Tha Noor Hai

Noor Seerat Bhi Hai Noor E Quran Bhi Hai
Shaan E Sarkar Noor Un Alaa Noor Hai

Maaddi Aankh Dekhe Gi Kya Noor Ka
Noor Ko Dekhta Jaanta Noor Hai.

Qurb E Noorain Ki Sharah Kya Ho Sake
Do Kamaanon Ka Faasla Bhi Noor Hai

Kya Numayaan Ho Jismaniyat Noor Ki
Noor Paikar Ka Har Zawiya Noor Ka

Noor Ka Parda Hota Nahi Hai Koi
Parda E Zaat Khud Zaat Ka Noor Hai
Hat Ke Noor Qadam Se Kahin Kuch Nahi
Kitne Naamon Se Badrudduja Noor Hai
Noor E Be Fasl Ka Shauq Ihata Ho Kya
Har Jehat Silsila Silsila Noor Ka

Hoo Ba Hoo Noor Ka Aayina Noor Hai

Mazhar E Haq Za Sartaba Pa Noor Hai
Hoo Ba Hoo Noor Ka Aayina Noor Hai
Aql Hadd E Ta'yyun Me Dekhe Gi Kya
Har Ta'yyyn Se Wo Ma Waraa Noor Hai
Unki Manzil Ka Kaise Nishaan Mil Sake
Noor E Kul Hai Wo Unka Pata Noor Hai
Mustaqil Mojza Hai Zahoor Aap Ka
Shakl E Insaan Me Allah Ka Noor Hai
Baraf Paani Jahaan Mil Gaye Ek Hai
Noor Se Muttasil Jo Huwa Noor Hai
Kya Makaan La Makaan Arsh Kya Farsh Kya
Noor Jis Jaa Huwa Jalwa Numa Noor Hai

Sallimu Tasleema

Aaftab E Nabuwwat Hai Apni Jagah
Dono Aalam Me Phaila Huwa Noor Hai
Sabz Gumbad Ke Parde Me Kya Kuch Nahi
Baargah E Shah E Ambiya Noor Hai
Shauq Aejaaz Hai Ye Bhi Us Noor Ka
Sab Me Reh Kar Bhi Sab Se Juda Noor Hai

Tum Se Hat Kar Kya Tasawwur Deen Ka Emaan Ka

Bas Yahi Meyaar E Azmath Hai Har Ik Insaan Ka
Jis Qadr Ishq E Nabi Qad Us Qadr Emaan Ka

Kya Taaruf Ho Mukammal Saahib E Quraan Ka
Ek Gosha Hai Do Aalam Unke Nooristaan Ka

Bazm E Kun Me Haal Hai Aap Ke Faizan Ka
Jism Me Aalam Jaisa Khoon Ke Dauraan Ka
Deen O Emaan Hum Ghulamon Ka Tumhin Sarkar Ho
Tum Se Hat Kar Kya Tasawwur Deen Ka Emaan Ka

Jaan O Dil Ki Roshni Milti Hai La Ilaha Illallah Ki
Kaam Karta Hai Khayal E Taiba Roshandaan Ka
Kya Mere Aaqah Ke Deewane Samajh Me Aayenge
Koi Kisi Shaan Ka Hai Koi Kisi Shaan Ka

Sallimu Tasleema

Dekh Leti Hai Nazar To Band Hoti Hai Zubaan
Ittesaal Aisa Hai Zaat E Wajib O Imkaan Ka

Saahib E Laulak To Phir Saahib E Lau Laak Hai
Unke Deewane Badal Dete Hain Rukh Toofaan Ka

Naat Ka Maidaan Khaja Shauq Wo Maidaan Hai
Aakhri Hadd Fikr Ki Aaghaz Hai Wijdaan Ka

Naam Hai Irfan E Haq Sarkar Ke Irfan Ka

Hosh Khalqat Ko Kaha Takhleeq Ke Unwaan Ka
Parda E Noor Mujarrad Hai Libaas E Insaan Ka

Har Zamane Me Hai Zinda Mojiza Quraan Ka
Daaimi Meyaar Hai Sarkar Ki Pehchaan Ka

Jaiza Mumkin Hai Kisse Aap Ke Ehsaan Ka
Ek Ek Saa't Ka Ek Ek Pal Ek Ek Aaan Ka

Jo Na Jaane Aap Ko Kya Jaane Wo Allah Ko
Naam Hai Irfan E Haq Sarkar Ke Irfan Ka

Jitni Toofano Me Thi Paighambarana Zindagi
Har Qadam Tha Utne Isteqlaal O Itminaan Ka

Faiz E Ummyyat Na Ho Jab Tak Pata Chalta Nahi
Baatini Quraan Ek Ek Lafz Hai Quraan Ka

Sallimu Tasleema

Kalma E Wahdat Me Iqraar E Risaalat Asl Hai
Paaya Bhi Noori Hai Kitna Noor Ke Aiwaan Ka
Zaat Ki Pehchaan To Phir Zaat Ki Pehchaan Hai
Ilm Tak Poora Na Ho Paaya Kisi Bhi Shaan Ka
Haq Shanasi Ko Bhi Paighambar Shanasi Chahiye
Noor Hota Hai Waseela Noor Ke Irfaan Ka
Aise Shehr E Ilm Ko Ummi Laqabi Kehte Hain Shouq
Zaahir O Baatin Hai Jo Aayat E Quraan Ka

Jis Par Khule Ba Qadr E Shaor E Nazar Khule

Poore Kisi Par Bhi Na Shah E Behrobar Khule
Jis Par Khule Ba Qadr E Shaor E Nazar Khule
Kya Shaan E Mustafayi Har Ek Shaks Par Khule
Dar Parda Noor E Haq Hai Wo Misle Bashar Khule
Ye Ek Dar Ho Band To Darwaze Saare Band
Ye Ek Dar Khula To Do Aalam Ka Dar Khule
Kat Jaaye Umar Gumbad E Khazra Ke Chaaon Me
Ya Rab Hamare Saaye Se Na Ye Abr E Tar Khule
Lafzon Se Haq Ke Raaz Samajhne Muhal Hai
Quraan Jabhi Khulega Ke Quraan Ka Ghar Khule
Anwaar E Mustafayi Wo Asraar E Zaat Hai
Barso Me Bhi Khule To Bohat Mukhtasar Khule

Deedar Koi Shay' Nahi Raste Me Noor Ke
Kya Lazmi Hai Gumbad E Khazra Ka Dar Khule
Ghazwat Ho Ke Amn O Hijrat O Ya Qiyaam
Jis Mod Par Khule Wo Be Shaan Digar Khule
Jab Tak Nazar Hai Band Pata Kya Chalega Shouq
Aalam Kahi Khulenge Tabhi Jab Nazar Khule

Insaan Hawaas Kho De Haqeeqat Agar Khule

Anwaar E Lam Yazal Jo Ba Shakle Bashar Khule
Darwaze Kitne Band Huye Kitne Dar Khule
Tehrega Waqt Sahib E Lau Laak Agar Khule
Jab Tak Safar Na Khatm Ho Kyun Kar Kamar Khule
Andaza Shehr E Ilm Ki Wusa't Kisko Hai
Khulne Ke Jis Qadar The Ramooz Us Qadar Khule
Rehmat Ki Baargah Hai Har Dam Khuli Huyi
Dar Band Ho Agar To Kahengey Ke Dar Khule
Phaila Huwa Hai Halqa E Minn Noor Kis Qadar
Saare Aseer E Daam Hai Par Bande Par Khule
Idraak Me Na Aaye Maqamat E Mustafa
Sadiyon Huyi Hai Daftar E Ilm O Hunar Khule

Khulte Hain Saare Parde Mohammed Ke Naam Se
Mumkin Nahi Ke Meem Ka Parda Magar Khule
Aadam Se Ta Maseeh Kisi Par Na Khule
Asraar E Haq Jo Sahib E Qausain Par Khule
Sab Ko Ba Qadr E Hosh Hai Irfaan Nabi Ka Shouq
Insaan Hawaas Kho De Haqeeqat Agar Khule

Hone Nahi Paate Wo Andheron Ke Hawale

Jin Seenon Me Hote Hain Madine Ke Ujale
Hone Nahi Paate Wo Andheron Ke Hawale
Khul Jayengey Jitne Hai Dil O Zehan Ke Taale
Pehle Qadam E Sahib E Lau Laka Lama Le
Thande Hai Kuch Itne Dar E Aaqa Ke Ujale
Jo El Jhalak Dekh Le Ta Hashr Maza Le
Be Ishq E Nabi Dil Na Ho Kyun Zulmat Waalo
Weeran Makaanon Me Bohat Hote Hai Jaale
Yun Tarbiyat E Zehan E Bashar Aap Ne Ki
Baccho Ko Diye Jaate Hain Jis Tarah Niwaale
Quraan Wo Aejaaz Sarapa Hai Nabi Ka
Taa Hashr Likhe Jayengey Duniya Ke Maqale

Konain Ki Sab Se Badi Nemat To Tumhi Ho
Kya Maangengey Sarkar Tumhien Maangne Waale
Ummyyat Sarkar Ka Aejaaz To Dekho
Quraan Ki Har Aayat Me Hai Aaqa Ke Hawale
Yun Ahle Junoon Shouq Raah E Nabi Me
Raste Ki Rukavat Na Bane Paaon Ke Chaale

Kya Dekhenge Aaqa Ke Qadam Dekhne Waale

Faizan E Nabi Rooh Ko Jab Tak Na Ujale
Mumkin Hi Nahi Manzil E Haq Ko Koi Jaa Le
Aye Soz E Gham Hijr E Nabi Dam To Zara Le
Aankhon Se Na Beh Jaaye Kahi Seene Ke Chaale
Jis Waqt Se Gardish Me Hai Hasti Ke Pyaale
Tanha Hai Nabi Bojh Khudaayi Ka Sambhale
Kuch Bhi Sahi Mehro Ma O Anjum Ke Ujale
Kya Dekhengey Ke Aaqa Ke Qadam Dekhne Waale
Us Noor E Mujassam Ka Koi Jayeza Kya Le
Jiske Qadam E Pak Se Suraj Bhi Ziya Le
Khud Aagahi Mumkin Na Khuda Aagahi Mumkin
Har Gaam Pe Jab Tak Karam Unka Na Sambhale

Sallimu Tasleema

Hoti Hai Badi Shaan Bade Dar Ke Gada Ki
Chupte Hain Kahan Daman E Sarkar Ke Paa Le
Manzoor Tahaffuz Tha Kamalat E Nabi Ka
Quran Ke Paare Bane Seerat Ke Maqale
As'haab E Nabi Shouq The Kis Darja Dil War
Tareekh E Do Aalam Me Nahi Aise Jiya Le

Aalam Hama Poor Noor Shada Az Aks Jamale

Aye Khatm E Rasool Bar Tu Sazd Jumla Kama Le
Ausaaf Che Ausaaf Jamale Pe Jama Le
Aaan Noor Ke Dar Parada Asraar E Nihaan Bood
Be Misl Bashar Gasht O Bar Aamad Ba Misa Le
Chu Noor E Azal Kardi Tajjali Pe Jamalish
Aalam Hama Pur Noor Shada Az Aks Jama Le
Anwaar Safatish Shuda Qismat Ba Khalaiq
Har Noo' Az Wo Yaaft Maqamat E Kama Le
Mardan Ba Tamanna E Nabi Ain E Hayat Ast
Daanind E Ajal Ra Hum Ushhaq Wisa Le

Kul Kaayenat Unme Hai Wo Kaayenat Me

Izhar E Noor E Kul Na Ho Kyun Mojizaat Me
Aata Nahi Libaas Se Kuch Faraq Zaat Me
Jalwa E Nabi Ke Kya Ho Muqeed Jihaat Me
Kul Kaayenat Unme Hai Wo Kaayenat Me
Kya Dakhal Fehm O Fikr Ka Aaaa Ki Zaat Me
Konain Gum Hai Sirf Jamaal E Sifa'at Me
Sarkar Ka Karam Bohat Aage Ki Baat Hai
Hum Jee Rahe Hain Sirf Karam Ki Zakat Me
Hojaaye Apne Aap Se Begana Zindagi
Ho Kuch Kami Jo Us Naga E Iltefaat Me
Hai Ma Ramaita Parda E Be Jismi Huzoor
Kaafir Kahan Se Dekhte Hijrat Ki Raat Me
Makhlooq Jitni Bhi Hai Ta'yyun Ki Had Me Hai
Sirf Ek Noor E Zaat Hai Mustansiyaat Me
Hum Jitni Door Markaz E Anwaar Se Huye
Utni Hi Zulmatien Huyi Daakhil Hayat Me
Dilkash Tamam Sinaf E Sukhan Shouq Hai Magar
Naaton Ki Baat Aaye Gi Kya Ghazaliyaat Me

Wo Baat Hai Huzoor Ki Ek Ek Baat Me

Daaman Rasool E Pak Ka Jab Tak Hai Haath Me
Lagzish Ki Kya Majal Hai Paaye Sabaat Me
Jo Noor E Haq Hai Mustaqilan Apni Zaat Me
Dekhengey Kis Ko Apne Siwa Kaayenat Me
Dushman Lage Huye Rahe Har Waqt Ghaat Me
Aaya Na Farq Aap Ki Masroofiyat Me
Aa Us Yaqeen Se Bazm E Shah E Kaayenat Me
Na Mumkinaat Bhi Hai Yahan Mumkinaat Me
Faiz O Ata E Sarwar E Konain Dekhiye
Kisra Ke Kangan Aaye Suraqa Ke Haath Me
Tehdariyon Ko Jiski Samajhna Muhal Hai
Wo Baat Hai Huzoor Ki Ek Ek Baat Me
Makhzan Hai Roshni Ka Jo Sadiyon Me Waaste
Quran Wo Zinda Mojiza Hai Mojizaat Me
Faiz E Nabi Ne Waqt Ka Dhaara Badal Diya
Aaya Wo Inqilaab Sabhi Sho'ba Jaat Me
Deewangi Pahunch Gayi Ma'ana Ki Rooh Tak
Duniya Phansi Huyi Hai Faqat Lafziyaat Me

Har Dil Me Jalwa E Shah E Konain Shouq Hai
Yaksaniyat Nahi Hai Magar Waardaat Me

Shahood O Ghaib Dono Hai Tumhare Aayina Khaane

Abhi Takhleeq Me Aaye Na The Hasti Ke Afsaane
Tajalli Haq Ki Thi Noor E Nabuwwat Ki Ridataane

Haqeeqat Bas Yahi Paindah Hai Baaqi Sab Afsaane
Chiragh E La Ilaha Ek Hai Konain Parwane

Jahaan Dastoor E Ishq E Sahib E Qausain Kya Jaane
Ji Deewane Wo Farzane Jo Farzane Hai Wo Deewane

Uthe The Josh Me Hum Seerat E Sarwra Ko Nazmane
Magar Pehle Qadam Par Rah Gaye Lafzon Ke Nazrane

Tuyi Ya Rehnatull Lil Aalameen Deen O Emaane
Suroor E Qalb Paa Kaane Qaraar E Jaan Khasaane

Ze Madh E Tu Zabaan Aajiz Khird Qaair E Irfaane
Ba Har Aane Khudand Ba Har Shaane Khuda Shaane

Azal Ke Noor Ki Be Chere Gi Ka Tum Wo Chehra Ho
Shahood O Ghaib Dono Hai Tumhare Aayina Khaane

Sallimu Tasleema

Yahi Mehboobiyyat Sab Se Bada Unka Taaruf Hai
Wo Hai Be Jaane Pehchane Bhi Sab Ke Jaane Pehchane

Kise Mauqa Mila Aise Shah E Deen Ko Uthane Ka
Muqaddar Laaye The Faqat Ye To Siddique Ke Shaane

Unhu Ke Haath Se Allah Sab Khilqat Ko Deta Hai
Sabhi Aate Hain Jinke Aastane Par Haath Phailaane

Zabaan Daane Arab Waqif Huye Quraan Ke Baatin Se
Nabi Ki Shaan E Ummyyyat Dikhaayi Haq Taala Ne

Nazar Waale Use Ahle Baseerat Shouq Kehte Hain
Mashiyyat Haq Ki Jo Sarkar Ke Tewar Se Pehchane

Khiraad Mandon Ko Dars E Aagahi Dete Hain Deewane

Qad Aawar Kab The Itne Fikr E Insaani Ke Pemaane
Diye Quraan Ko Maani Seerat E Noor E Sarapa Ne

Farogh Emaan O Deen Ko Jab Diya Inna Fatahna Ne
Kiya Majboor Sabko Sonchne Par Fath E Makka Ne

Bithaya Ummyyyat Ke Sikka Aise Shah E Waala Ne
Kamar Todi Ghuroor E Ilm Ki Illa Qaleela Ne

Sallimu Tasleema

Diya Hosh E Mohabbat Apna Jinko Shah E Taiba Ne
Wo Deewane Ke Deewane Hai Farzane Ke Farzane

Yahin Haq Ki Tajalli Bhi Yahy Khalqat Ke Jalwe Bhi
Us Aayine Me Hai Sab Jagmagate Aayina Khaane

Wo Noor E La Makaani Qaid Kya Hota Makaano Me
Faqat Parto Se Roshan Har Ik Aalam Ke Kashaane

Rahegi Hashr Tak Insaaniyat Duniya Me Ta Binda
Banaye Aap Ne Insaaniyat Ke Aise Paimaane

Zameen O Aasmaan Ka Gosha Gosha Noor Me Dooba
Do Aalam Me Ujale Haq The Aaqa Ko Phailaane

Nabi Me Zikr Me Shaamil Khuda Ka Zikr Rehta Hai
Haqeeqat Me Khuda Ka Ghar Hai Jitne Hai Nabi Khaane

Shaoor E Bandagi Shouq Unka Kamil Itna Rehta Hai
Khirad Mandon Dars E Aagahi Dete Hain Deewane

Chattan Tod De Khaali Ye Wo Kudaal Nahi

Shahe Huda Se Agar Dil Ka Ittesal Nahi
To Zikr Jeene Ka Kya Saans Bhi Halal Nahi
Mita Jo Raah E Nabi Me Wo Paayemaal Nahi
Wajood Mustaqlan Hijr Hai Wisaal Nahi
Nazar Rasaa Nahi Gunjaish Khayal Nahi
Jahan Hai Aap Kisi Ki Wahan Majaal Nahi
Tumhari Shaan Hai Be Maange Be Sabab Dena
Suwal Karne Pe Dena Koi Kamaal Nahi
Zamana Maslak E Ishq E Rasool Kya Jaane
Kharab Haal Wo Hai Jo Kharab Haal Nahi
Tajalli Basharum Misulkum Ishara Hai
Shahood Gaah Hai Ye Aalam E Misaal Nahi
Nabi Ke Ghar Me Faqat Rehmaton Ki Thandak Hai
Jalal Kaabe Me Hai Taiba Me Jalal Nahi
Nazar Ke Saath Wo Taabe Nazar Bhi Dete Hain
Ke Sehal Manzil E Nazzara Jamaal Nahi
Bohat Hai Makdi Ka Jaala Bachane Dushman Se
Panah E Haq Koi Duniya Ki Dekh Bahaal Nahi

Sallimu Tasleema

Khudarasi Ke Liye Unka Saath Laazim Hai
Wo Saath Hai To Bhatakne Ka Ehtemaal Nahi
Naveed E Fatah Bhi Hai Saath Room O Eraan Ki
Chattan Tod De Khaali Ye Wo Kudaal Nahi
Agar Haqeeqat E Aaqa Samajh Me Aajaye
To Phir Khuda Ko Samajhna Koi Muhaal Nahi
Khyala Me To Raha Karte Hain Wo Shouq Magar
Khayal Bolte Kisko Hai Ye Khayal Nahi

Kaam Darya Ka Nahi Apna Paraya Dekhna

Zindagi Kya Hai Shah E Taiba Ka Rasta Dekhna
Wo Nazar Aajaye To Phir Isko Bhi Kya Dekhna
Dekhna Sarkar Ko Aye Dil To Aisa Dekhna
Jaanna, Pehchanna, Padhna, Samajhna, Dekhna
Meem Ke Parde Me Hai Asraar Kya Kya Dekhna
Laakh Pardon Ka Hai Haamil Ek Parda Dekhna
Sab Bhujalete Hain Aa Kar Apni Apni Tishnagi
Kaam Darya Ka Nahi Apna Paraya Dekhna
Seerat E Sarkar Zinda Mojozon Ka Naam Hai
Kitne Goshe Kholta Hai Ek Gosha Dekhna
Noor E Kamil Aap Ka Kya Dekhe Chadhm E Zaahiri
Ho Na Paaya Dekhne Waalon Se Parda Dekhna
Kuch Sahaba Kho Chuke Binaayi Tak Baad E Nabi
Dekhne Ke Waaste Kya Reh Gaya Kya Kya Dekhna
Dekhte Hain Unka Jalwa Dil Khayal Ehsaas Bhi
Sirf Aankhon Se Nahi Hota Hamesha Dekhna
Neel Me Zarb E Asa Se Ad Gaya Tha Raasta
Arsh Par Daala Hai Un Qadmon Ne Raasta Dekhna
Gumbaz E Khazra Se Aankhien Shouq Kyun Na Roshan HoHo
Deedah O Dil Ke Liye Farhat Hai Sabza Dekhna

Umr Bhar Dekha Kiye Phir Bhi Na Aaya Dekhna

Kis Se Mumkin Hai Maqam E Shah E Batha Dekhna
Jis Nazar Ki Jitni Hadd Uska Utna Dekhna
Jalwa Aur Nazron Me Doori Ho To Hoga Dekhna
Khud Nazar Agar Jalwa Ban Jaaye To Kya Dekhna
Azmat E Aaqa Ka Qad Uncha Hai Kitna Dekhna
Umr Bhar Dekha Kiye Phir Bhi Na Aaya Dekhna
Har Qadam Aawa Ka Hai Kya Fatehan DekhnaDekhna
Ahle Baatil Ko Pada Har Waqt Neecha Dekhna
Shama Ho Fanoos Me To Jagmagata Wo Bhi Hai
Kya Chupaye Noor Ko To Tan Pe Libaada Dekhna
Sahib E Lau Lak Dekhengey To Dekhengey Kise
Shash Jihat Ke Aayine Me Apna Chehra Dekhna
Aastaan E Saahib E Qausain Hai Wo Aastaan
Aaj Bhi Kon O Makaan Hai Sar Ba Sajda Dekhna
Kaayenat Ek Gosha E Daaman Me Hai Simti Huyi
Daaman E Sarkar Hai Kitna Kushada Dekhna
Aayine Me Apna Munh To Dekh Lo Pehle Zara
Sahal Hai Kya Chashm E Mazaghal Basar Ka Dekhna
Phir Madina Dekhne Ki Hasrat Dil Me Rah Na Jaaye
Dekhna Kehte Hain Jisko Shouq Waisa Dekhna

Parde Ki Jo Baatien Hai Wo Ab Bhi Hai Parde Me

Hai Kitni Hum Aahangi Allah Me Bande Me
Maujood Hai Dono Bhi Tauheed Ke Kalme Me
Nooraniyat Aisi Hai Taiba Ke Nazaron Me
Koi Bhi Wahan Ja Kar Rehta Nahi Apne Me
Hai Kon O Makaan Roshan Nalain Ke Saaye Me
Zarraat Chamakte Hain Suraj Ke Ujale Me
Ik Hok Se Utthi Hai Reh Reh Ke Jo Seene Me
Kya Dil Me Madina Hai Ya Dil Hai Madine Me
Hai Hosh E Nazar Laazim Har Dekhne Waale Me
Allah Ka Jalwa Hai Sarkar Ke Jalwe Me
Qausain Ka Parda Ho Ya Meem Ka Parda Ho
Parde Ki Ko Baatuen Hai Wo Ab Bhi Hai Parde Me
Kya Saahib E Asra Ki Manzil Ka Ta'yyun Ho
Khud Arsh E Mualla Hai Sarkar Me Raste Me
Jaisi Hai Samajh Jiski Waisi Hai Nabi Fehmi
Hai Farq E Nazar Laazim Har Ik Nazariye Me
Saaye Me Kisi Ke Wo Mar Kar Bhi Nahi Jaata. Aaqa
Jise Rakhte Hain Nalain Ke Saaye Me
Alfaaz Ke Baatin Ka Idraak Bhi Unhien Hota Hai
Quraan Jo Samajhte Hain Seerat Ke Ujale Me

Sallimu Tasleema

Taufeeq E Sana Jinko Allah Se Milti Hai
Mohtat Wo Rehte Hain Lafzon Ko Baratne Me
Aaqa Ka Lab O Lehja Kis Darja Hai Quraani
Quraan Huwa Naazil Sarkar Ke Lehje Me
Jin Qadmon Ke Saaye Me Aasooda Do Aalam Hai
Guzri Hai Hayaat Unki Talwaaron Ke Saaye Me
Allahu Ghani Azmat Us Pehli Tajalli Ki
Shouq Ab Bhi Do Aalam Hai Irfaan Ke Alif Be Me

Din Ka Sooraj Hai Madina Raat Ka Mehtaab Hai

Sabz Gumbad Roshni Ka Mustaqil Ik Baab Hai
Din Ka Sooraj Hai Madina Raat Ka Mehtab Hai

Jalva -e- Noore Mujassam Kitna Aalame Taab Hai
Kainat Ik Noor Ke Tufaan Mein Garqaab Hai

Ishhq Shah Ambiya Har Gham Ka Sadde Baab Hai
Khasta Haali Mein Bhi Aalame Rooh Ka Shadaab Hai

Kitney Pardon Mein Jamale Noor Khush Alqab Hai
Jism Jaan Phool Mein Khushbu Gehar Mein Aab Hai

Chhod Kar Damane Rehmat Bach Nahi Sakta Koi
Dushman Jaan Is Qadr Halaat Ka Gardaab Hai

Sallimu Tasleema

Ab Kaha Seenon Mein Woh Ishqe Nabi Ki Roshni
Aqal Ki Bohtat Hai Deewangi Kamyaab Hai

Faiz Ka Dar Band Hai Har Be Adab Ke Wastay
Shart Awwal Ishhq Mein Pabandiye Aadaab Hai

Hain Wohi Bedaar Dil Aaqa Se Jo Wabasta Hain Warna Yeh
Duniya Bhi Khawab Aur Zindagi Bhi Khwab Hai

Janisaraane Nabi Hain Mutmaen Apni Jagah
Laakh Ouncha Inqilab Waqt Ka Selaab Hai

Zindagi Qadmo Se Unkay Hatt Ke Jaegi Kahan
Rehmat Aaqa Badan Mein Soorate Asaab Hai

Un Ko Dena Hoto Peda Karte Hain Koi Sabab
Un Ka Mohtaaje Karam Yeh Alam Asbaab Hai

Shoq Jo Khaali Sadaf Hain Woh Hain Sathe Aab Par
Jis Sadaf Mein Band Hai Moti Wo Zere Aab Hai

Aasmano Ko Banaya Hai Zamee'n Sarkar Ne

Kardiya Kitna Mukammal Nazme Dee'n Sarkar Ne
Jisko Rakhna Tha Jahan Rakha Hain Sarkar Ne
Jantay Thay Kis Ka Kya Miyaar Aqal O Hosh Hai
Kehnay Ki Baatein Hi Logon Se Kahin Sarkar Ne
Kaisi Kaisi Zulmaton Mein Zindagi Mahsoor Thi
Roshni Phailai Noore Awwaleen Sarkar Ne
Saans Tak Insaan Ki Zikar Ellahi Ban Gayi
Kar Diya Kalme Ko Aisa Dil Nashee Sarkar Ne
Di Khudaye Pak Ne Mairaj Unhein Kis Shaan Ki
Aasmano Ko Banaya Hai Zamee Sarkar Ne
Hatt Nahi Satke Qayamat Tak Qadam Imaan Ke Rastay
Aisay Banaye Shaahe Dee'n Sarkar Ne
Kya Qadam Koi Uthatay Marziye Haq Ke Siwa Baat
Tak Khwahish Se Apni Ki Nahi Sarkar Ne
Do Ghari Istarah Ji Kar To Bataday Koi Shoq
Zindagi Jaisi Guzari Shah Den Sarkar Ne

De Ke Quraa'n Rahmatullil Aalameen Sarkar Ne

Kya Fazeelat Paai Khatmul Mursaleen Sarkar Ne
Tay Kiya Nalain Se Arshe Baree Sarkar Ne
Khaak Ke Zarraat Ko Taare Banaya Arsh Ke
Faiz Bakhshi Aisi Ki Taiba Makee Sarkar Ne
La Ilaha Ke Siwa Jin Ka Asasa Kuchh Na Tha
Un Ko Rakha Apne Qadmo Ke Qareeb Sarkar Ne
Mansabe Paighambarana Jitna Aalishan Tha
Raahe Haq Mein Aafatein Utni Sahi Sarkar Ne
Dono Aalam Ke Khazane De Diye Insan Ko
De Ke Quraa'n Rahmatullil Aalameen Sarkar Ne
Be Yaqeen Se Raha Koi Na Rishta Deen Ka
Bhar Diya Seeno Mein Wo Noore Yaqeen Sarkar Ne
De Rahe Hain Khutba Maida'n Jung Ka Nazro Mein Hai
Di Umar Ko Kya Nigahe Door Bee'n Sarkar Ne
Ek Pul Apni Faqeerana Rawish Chhodi Nahin
Do Jahan Rakhte Hue Zere Nagee'n Sarkar Ne
Kya Ghiza Thi Kya Maishat Thi Shahe Taiba Ki Shauq
Pet Bhar Khai Nahin Naane Jawein Sarkar Ne

Allah Allah Hai Banda Banda Hai

Basharum Mislukum Wo Parda Hai
Zaate Haq Jis Mein Jalwa Farma Hai
Sau Sitaro Ka Jo Sahara Hai
Shahe Law Laak Ka Wasila Hai
Saans Ka Naam Fazle Maula Hai
Warna Insan Ki Zindagi Kya Hai
Kuchh Ajab Bazme La Ilaha Hai
Aks Laakho Hain Ek Chehra Hai
Yahi Tauheed Ka Khulasa Hai
Allah Allah Hai Banda Banda Hai
Un Ke Jalwe Nahin Hain Parde Mein
Apni Ghaflat Ka Naam Parda Hai
Noor Ke Jin Se Kainaat Bani
Kainaat Un Ke Saamne Kya Hai
Ho Jahan Bhi Qiyaam Aaqa Ka
Wahi Jannat Wahi Madina Hai
Jis Ka Maqsad Rasool Paak Na Ho
Mustaqil Maut Us Ka Jeena Hai
Noor Chahe Kisi Libas Mein Ho

Apni Pehchan Aap Hota Hai
Un Ko Un Ki Nigah Se Dekhiye
Hausla Aisa Kis Ne Paaya Hai
Shara Ki Raah Se Haqeeqat Tak
Ibteda Inteha Madina Hai
Raushni Kya Hai Mehfile Kun Ki
Unke Qadmo Ka Sab Ujala Hai
Shauq Kitni Basaat Hai Apni
Kaam Unka Hai Naam Mera Hai

Hota Hai Shar Aiso Ka Khasane Khuda Mein

Mit Jaate Hain Jo Ishqe Rasoole Do Saraa Mein
Hota Hai Shar Aiso Ka Khasane Khuda Mein
Noore Qadam Jo Aaya Nubuwwat Ki Quba Mein
Tauheed Ki Subho Mein Dhali Kufr Ki Shaamein
Zu'af Aa Gaya Jis Waqt Se Aaqa Ki Wila Mein
Imaa'n Ki Hararat Na Rahi Dil Ki Sada Mein
Aijaz Hai Aisa Shahe Qausain Rasa Mein
Asrar Khudai Ke Hain Ek Ek Ada Mein
Kyunkar Na Hile Kohe Uhud Wazan Se in Ke
Jumbish Se Nigaho Ki Jo Kaunain Ko Thaamein
Ehsas Zubaa'n Lafzo Ki Banne Nahin Paate
Nooraniyat Aisi Hai Madine Ki Fiza Mein
Kya Jaanein Jabee'n Kab Se Jhukate Hain Zamane
Sajdo Ke Kai Naqsh Hain, Naqshe Kafe Paa Mein
Chamka Gaye Dunya Mein Gharibo Ke Muqaddar
Din Umr Ke Aaqa Ne Jo Kaate Ghuraba Mein
Aayega Bhala Hosh Kahan Baaise Kun Ka
Makhlooq Abhi Khair Se Hai Kun Ki Fiza Mein
Sarkar Ke Daaman Ki Hawa Jis Ko Lagi Shauq
Aaram Na Aaya Use Jannat Ki Fiza Mein

Khushbu Mehakne Ki Mehakti Hai Fiza Mein

Jeene Ko to Jeeta Hoon Ghame Shahe Huda Mein
Subhein Meri Subhein Hain Na Shamein Meri Shamein
Taaqat Na Hawadis Mein Na Zor Itna Bala Mein
Kya Koi Giraaye Use Aaqa Jise Thaamein
Sarkar Madine Mein Ho Ya Dil Ki Hira Mein
Khushbu to Mehakne Ki Mehakti Hai Fiza Mein
Wo Jazb Hue Noore Shahe Salle Ala Mein
Sarkar Ne Jin Jin Ko Liya Apni Aba Mein
Sarkar Zameen Par Hain to Sab Kuchh Zameen Par Hai
Insan Ko Milne Ka Hai Kya Ja Ke Khala Mein
Wo Kaam Kiya Fatahe Makka Ke Karam Ne
Dakhil Hua Ailan Maafi Ka Saza Mein
Khake Dare Sarkar Se Raushan Karo Aankhein
Kaam Aati Hai Ye Khaak Dare Imaa'n Ki Jila Mein
Khulti Nahin Jab Shane Nabi Kam Nazro Par
Nadaan Faqat Teer Chalate Hain Hawa Mein
Allah Mila Un Ko Nabi Jin Ko Mile Shauq
Tha Za'ame Ana Jin Ko Mare Za'ame Ana Mein

Khudai Mein Jo Kuchh Hai Aap Ka Hai

Khuda Taala Hi Jab Aap Ka Hai
Khudai Mein Jo Kuchh Hai Sab Aap Ka Hai
Kitabein Fida Aap Ki Ummyat Par
Ik Aijaz Ummy Laqab Aap Ka Hai
Bade Se Bade Martabe Waale Gum Hain
Maqam Aisa Mahboobe Rab Aapka Hai
Zaroorat Hi Padti Nahin Maangne Ki
Wo Joodo Karam Be Talab Aapka Hai
Kai Pahu Shamil Hain "La Tarfaoo" Mein
Bada Ehtiramo Adab Aapka Hai
Yun Hi Kab Hai Soorat Giri Kun Fakaa'n Ki
Musabbab Khuda Hai Sabab Aapka Hai
Khudai Hai Hairan Sadiyo Se Ab Tak
Safar Aisa Asra Ki Shab Aapka Hai
Hawaas Aadmi Ke Nahin Rehte Qaaim
Jamali Sarapa Ajab Aapka Hai
Shariat Wahi Hai Khuda Aagahi Ki
Jo Tarze Amal Muntakhab Aapka Hai

Koi Khalq Mein Hamsaro Hum Maratib
Na Jab Aapka Tha Na Ab Aapka Hai
Dunya Shauq Ko Aasra Apne Dar Ka
Karam Mere Maula Ye Sab Aapka Hai

Khamosh Ho Zubaan to Nazar Bolti Rahe

Ishqe Nabi Mein Itni to Waraftagi Rahe
Khamosh Ho Zubaan to Nazar Bolti Rahe
Jin Se Wujoode Haq Ki Numaindagi Rahe
Kya Unki Zaaate Paak Ka Mahram Koi Rahe
Tabeer Hai Ye Zaaate Siraje Muneer Ki
Muhtaaj Jis Ke Noor Ki Har Raushni Rahe
Us Aastan Se Rabt Ke Mayene Hain Zindagi
Warna Na Main Ragoon Na Meri Zindagi Rahe
Mehshar Ki Dhoop Bhi Mujhe Ho Jaaye Chandni
Saaya Figan Jo Aap Ki Be Saayegi Rahe
Hai Deed Sabz Rauze Ki Mushkil Bhi Sehal Bhi
Qaaim Khayal Ho to Nazar Khud Jami Rahe
Aadab Hain Ye Bazme Risalat Panaah Ke
Apne Hudood Mein Rahe Chahe Koi Rahe
Iman Ka Bigaad Hain Bad Aetqadiyaan
Bunyad Theek Ho to Imarat Khadi Rahe

Sallimu Tasleema

Kya Waqt Ke Andhero Ki Parwah Kare Koi
Ishqe Nabi Ki Dil Mein Agar Raushni Rahe
Aaqa Ki Waisi Waisi Garam Gustari Rahi
Halaat Jaise Jaise Jahan Muqtada Rahe
Aisa Koi Maqam Nahin Kainat Mein
Maujoodgi Na Huzoor Jahan Aap Ki Rahe
Iman Uska Mar Nahin Sakta Ajal Se Shauq
Dil Se Jise Yaqeen Hayatun Nabi Rahe

Agar Jeene Ka Maqsad Zaate Min Noori Na Ho Jaaye

Agar Jeene Ka Maqsad Zaate Min Noori Na Ho Jaaye
Nahin Mumkin Ke Dil Anwaar Ka Ganjina Ho Jaaye
Karam Farma Jo Noore Ayyukum Misli Na Ho Jaaye
Wujoode Kainat Afsana -e- Paarina Ho Jaaye
Tabahi Zindagi Ki Ho Magar Itni Na Ho Jaaye
Ke Khaali Ulfate Shahe Huda Se Seenaa Ho Jaaye
Madine Ke Ujale Apne Seene Se Laga Kar Rakho
Ghamo Ki Tergi Ehsas Par Taari Na Ho Jaaye
Is Andeshe Se Khul Kar Dard Me Maare Nahin Rote
Kahin Be Ikhteyari Mein Sada Oonchi Na Ho Jaaye
Tasawwur Kiya Ho Shahe Ambiya Ki Shaano Rif'at Ka
Shabe Meraj Jab Khud Arshe Aazam Zeena Ho Jaaye

Sallimu Tasleema

Jamaal Apna Chhupaya Isliye Noore Mujassam Ne
Jahan Mein Husne Yusuf Ki Nazar Neechi Na Ho Jaaye
Taras Jaaye Zamane Ki Nazar Haq Ke Ujalo Ko
Chiraghe Rah Jo Wo Kirdare Qurani Na Ho Jaaye
Na Jeena Apna Kaar Aamad Na Marna Apna Kaar Aamad
Rasai Unke Qadmo Mein Agar Apni Na Ho Jaaye
Mujhe Barbadiyo Ka Gham Nahin, Sarkar Ye Gham Hai
Gunahgare Azal Mahroome Pabosi Na Ho Jaaye
Nahin Hai Surkhurui Shauq Mumkin Dono Aalam Mein
Jo Khake Paaye Aqdas Naqshe Peshani Na Ho Jaaye

Fanaye Ishqe Shahe Deen Agar Hasti Na Ho Jaaye

Fanaye Ishqe Shahe Deen Agar Hasti Na Ho Jaaye
Kahin Ye Lafz Hi Begana -e- Maana Na Ho Jaaye

Koi Saa'at Bhi Meri Umr Ki Aisi Na Ho Jaaye
Ghame Shahe Umam Mein Zindagi Bhaari Na Ho Jaaye

Zuhoore Noore Awwal Hai Khula Maqsad Taaruf Ka
Tajalli Zaat Ki Khud Zaat Ka Aaina Ho Jaaye

Sada -e- La Ilah Har Dum Hisaar Kun Mein Jaari Hai
Ye Wo Kalima Nahin Jo Hissa -e- Paarina Ho Jaaye

Na Chhodo Waqt Ke Rahmo Karam Par Hum Ghulamo Ko
Humari Zindagi Sarkar Dar Dar Ki Na Ho Jaaye

Sallimu Tasleema

Main Khud Se Door Ho Jaun Ya Dunya Door Ho Mujhse
Magar Ya Rab Tere Mahboob Se Doori Na Ho Jaaye

Sana Ke Silsile Mein Naarsa Hai Hosh Sadiyo Ka
Sana Poori Ho Kya Jab Marfat Poori Na Ho Jaaye

Sambhaal Ummat Ki Aaqa Aap Hi Chahein to Mumkin Hai
Kahin Toofan Mein Gharqab Ye Kashti Na Ho Jaaye

Pahunchna Qadmo Mein Kuchh Aur Dar Ki Haaziri Kuchh Aur
Sabhi Mushkil Hai Jab Tak Aapki Marzi Na Ho Jaaye

Rasoolullah Se Doori Ke Maana Haq Se Doori Hai
Nabi Na Aashna Manzil Teri Khoti Na Ho Jaaye

Dilo Jaa Se Hifazat Shauq Kijiye Yaade Suroor Ki
Rahe Ishqe Nabi Mein Koi Kotahi Na Ho Jaaye

Kya Shay Hai Jahan Ke Gulo Gulzaar Ki Khushbu

Kya Shay Hai Jahan Ke Gulo Gulzaar Ki Khushbu
Khushbuo Mein Khushbu Mere Sarkar Ki Khushbu

Dunya Ke Kisi Itr Mein Wo Baat Nahin Hai
Jaisi Ke Hai Us Zaate Haq Aasar Ki Khushbu

Chalta Tha Pata Guzre Hain Sarkar Idhar Se
Aati Thi Jidhar Se Shahe Abraar Ki Khushbu

Sallimu Tasleema

Guftaar Ki Khushbu Hai Muattar Hai Hadeesein
Quraan Ki Har Aayat Mein Hai Kirdaar Ki Khushbu

Wash Shams Mein Hai Raushni Rukhsare Nabi Ki
Wallayl Mein Hai Gesu E Khamdar Ki Khushbu

Iman Mehkat Hai Madine Ki Fiza Se
Aisi Hai Wahan Ke Daro Deewar Ki Khushbu

Aaqa Ke Pasine Ki Mehak Jis Mein Ho Shamil
Hai Apni Nazar Mein Wahi Miyaar Ki Khushbu

Mitti Hai Madine Ki Muattar to Ajab Kya
Sadiyo Se Hai Paaye Shahe Abraar Ki Khushbu

Taa Hashr Koi Itr Use Mehka Nahin Sakta
Jo Soongh Le Ek Jalwa -e- Deedar Ki Khushbu

Asra Ka Safar Kis Qadr Aijaze Qadam Tha
Paai Nahin Jaati Kahin Raftaar Ki Khushbu

Khushbu Koi Mehkayegi Kya Noore Khuda Ko
Khud Usko Bhi Mehkati Hai Sarkar Ki Khushbu

Khushbuyein to Aafaq Mein Hain Shauq Hazaaro
Hai Sabse Alag Makhzane Anwaar Ki Khushbu

Jalwa Gar Hai Khuda Ki Zaat Un Se

Jalwa Gar Hai Khuda Ki Zaat Un Se
Jagmagati Hai Kainat Unse
Kya Chhupe Koi Wardaat Unse
Haq Ne Be Parada Ki Hai Baat Unse
Kitne Nadaar Tajdaar Bane
Maang Kar Husn Ki Zakaat Unse
Wo Bihi Qaide Tayyunaat Nahin
Hain Ye Saare Tayyunaat Unke
Mojize Shohrat Unko Kya Dete
Khud Hain Mashhoor Mojizaat Unke
Aaina Hain Wo Noore Mutlaq Ka
Hain Numood Tajalliya Unse
Kaise Kaise Khuda Raseeda Hue
Le Ke Darse Ilahiyaat Unse
Shauq Jitne Bhi Bazme Kun Mein Hain
Rakhte Hain Sab Tawaqqoat Unse

Hashr Mein Sab Ki Hai Najaat Unse

Raushni Unse Hai Hayaat Unse
Jaante Hain Muqaddaraat Unse
Jo Bhi Unki Nazar Mein Rehte Hain
Door Rehte Hain Hadisaat Unse
Ambiya Ho Ke Jinno Insan Ho
Hashr Mein Sab Ki Hai Najaat Unse
Rubaru Khuda Ke Wo Tanha Hain
Dono Aalam Ko Hai Sibaat Unse
Inhesar Un Pe Kainat Ka Hai
Chal Rahi Hai Ye Kainat Unse
Shane Hallale Mushkilaat Hain Wo
Sehal Hoti Hain Mushkilat Unse
Mojizaati Jamaal Hai Un Ka
Hain Ibarat Jamaliyaat Unse
Unko Ghaibo Shuhood Yaksaa Hain
Kya Chhupe Shash Jihaat Unse

Dekh Lete Hain To Kho Jaate Hain Jalwa Dekh Kar

Dekhna Phir Chahte Hain Log Taiba Dekh Kar
Pyaas Ka Ehsaas Badh Jaata Hai Darya Dekh Kar

Bhool Jaata Hai Bashar Har Gham Wo Rauza Dekh Kar
Teergi Chat'ti Hai Iman Ka Ujala Dekh Kar

Maanta Tha Kaun Be Dekhe Khuda -e- Paak Ko
Log Imaa'n Laaye Sab Wo Noor Chehra Dekh Kar

Kaar Farmai Hai Aisi Jalwa Min Noor Ki
Jiski Jitni Hai Nazar Wo Gum Hai Utna Dekh Kar

Ghir Ke Dunya Ke Ghamo Mein Jee Raha Hai Aadmi
Sarware Aalam Ke Jeene Ka Saliqa Dekh Kar

Dekhna Aasan Hai Kya, Jalwa Rasoolullah
Khud Kahan Rehta Hai Baaqi Aankh Waala Dekh Kar

Ho Libase Zaahiri Se Kya Taaruf Noor Ka
Koi Pehchana Nahin Jaata Libada Dekh Kar

Pardadari Kis Saleeqe Se Hai Shehre Ilm Ki
Sab Ne Umme Un Ko Samjha Hukme Iqra Dekh Kar

Log Kehte Hain, Bahut Kuchh Dekhte Jab Tak Nahin
Dekh Lete Hain to Kho Jaate Hain Jalwa Dekh Kar

Sab Fasahat Bhool Baithe Dawedaraane Arab
Maana Quran Wa Ilm Mojizana Dekh Kar

Sallimu Tasleema

Ik Tamasha Shauq Ye Andaze Aqlo Hosh Hai
Haq Ko Kya Samjhe Jo Bande Ko Na Samjha Dekh Kar

Karne Waala Kuchh Nahin Hum Ko Zamana Dekh Kar

Shahe Deen Ko Noore Be Chehre Ka Chehra Dekh Kar
Rooh Jaagi La Ilaha Ka Ujala Dekh Kar

Ilme Haq Ki Nukta Daani Aql Se Mumkin Na Thi
Maana E Quraan Khule Uswa Nabi Ka Dekh Kar

Log Khushbu Se Chala Lete the Aaqa Ka Pata
Har Gali Kooche Ko Khushbu Se Mehakta Dekh Kar

Hum Hain Jis Dar Ke Gada Us Dar Se Hum Ko Kaam Hai
Karne Waala Kuchh Nahin Hum Ko Zamana Dekh Kar

Lamha -e- Fikro Nazar Sabke Liye Sarkar Hain
Dono Aalam Par Hukumat Unki Tanha Dekh Kar

Rahmate Haq Ki Hai Har Dum Ek Nai Jalwa Gari
Dil Kisi Ka Bhi Nahin Bharta Madina Dekh Kar

Hosh Nazro Ke Uda Dete Hain Jalwe Noor Ke
Khoeye Khoeye Rehte Hain Sab Unka Rauza Dekh Kar

Sallimu Tasleema

Khasta Haali Mein Bhi Hum Jeete Hain Kitni Shaan Se
Unke Dar Ko Zindagani Ka Sahara Dekh Kar

Zaate Haq Ka Kis Ko Irfaan Hai Bajuz Zaate Nabi
Gum Hain Sab Shaane Sifaato Noor Asma Dekh Kar

Aitrafe Ajaz Karne Par Hai Majboor Aadmi
Rutba Aaqa Tasawwur Se Bhi Baala Dekh Kar

Barhami Khaliq Ki Rahmat Se Badal Jaati Hai Shauq
Rahmatullil Aalameen Ka Rooye Zeba Dekh Kar

Nahin Mumkin Ke Dil Taiba Ke Nazaro Se Bhar Jaaye

Maqame Qurb Aw Adna Pe Kya Khaki Bashar Jaaye
Wahan Jaaye to Tanha Noore Ma Zaaghal Basar Jaaye

Rahe Dunya Mein Koi Chahe Dunya Se Guzar Jaaye
Magar Dil Se Na Ishqe Sahibe Shaqqul Qamar Jaaye

Sanwara Hai Dilo Ko Isliye Faize Nubuwwat Ne
Agar Ek Dil Sanwar Jaaye to Phir Sab Kuchh Sanwar Jaaye

Zuhoore Noore Kul, Aawaze Kun Ka Ain Maqsad Hai
Nahin Mumkin Ke Zinda Noor Ho Aawaz Mar Jaaye

Sallimu Tasleema

Fizaye Gumbade Khazra Hawaas Insan Ke Khoti Hai
Wahan Sab Bhool Jaata Hai Yahan Jo Soch Kar Jaaye

Bashar Ke Roop Mein Pehli Tajalli Ka Ye Aalam Hai
Kahenge Kya Libase Abdagar Unka Utar Jaaye

Jamaale Rauza -e- Aqdas Hai Har Dam Nau Ba Nau Aisa
Nahin Mumkin Ke Dil Taiba Ke Nazaro Se Bhar Jaaye

Banaye Aise Raste Shahe Deen Ne Shauq Jeene Ke
Jila Ho Rooh Ki Insan Ki Fitrat Nikhar Jaaye

Wahi Rauza Nazar Aaye Jidhar Meri Nazar Jaaye

Agar Parde Pe Dil Ke Jalwa -e- Min Noor Ubhar Jaaye
Tasawwur Tak Khud Apna Zehan Se Apne Utar Jaaye

Nazar Sarkar Ke Qadmo Pe Dar Par Rauze Par Jaaye
Kisi Soorat Se Jaaye Apne Markaz Par Magar Jaaye

Meri Deewangi Ya Rab Kuchh Aisa Kaam Kar Jaaye
Wahi Rauza Nazar Aaye Jidhar Meri Nazar Jaaye

Madina Wo Khudai Aasra Hai Zindgaani Ka
Na Ho Ye Aasra to Aadmi Be Maut Mar Jaaye

Usi Ek Noor Ki Kaunain Mein Hai Jalwa Farmai
Ba Har Range Ba Har Shakle Ba Har Aane Ba Har Jaaye

Sallimu Tasleema

Main Samjhunga Meri Mitti Thikane Lag Gai Ya Rab
Jo Garde Raah Ban Kar Un Ke Raste Mein Bikhar Jaaye

Kitab Aisi Utari Rab Ne Ummi Keh Ke Aaqa Ko
Ke Nasha Ilmo Danish Ka Dimagho Se Utar Jaaye

Zamane Ka Safar Jaari Hai Un Qadmo Ke Sadqe Mein
Jo Wo Thehrein to Nabze Gardishe Dauraa Thehar Jaaye

Sabhi Majboor Hain Shauq Apni Apni Hadd Mein Rehne Par
Faqat Ek Noore Aaqa Hai Jo Har Hadd Se Guzar Jaaye

Mumkin Nahin Nabi Ko Lagataar Dekhna

Mushkil Ko Meri Ya Shahe Abraar Dekhna
Aazar Hai Na Dekhna, Dushwar Dekhna

Pehla Usool Jaada -e- Sarkar Dekhna
Hasti Ko Apni Ishq Mein Deewar Dekhna

Maidan Dekhna Na Koi Ghaar Dekhna
Aaqa Ke Jis Jagah Bhi Ho Aasar Dekhna

Shane Jamaale Sayyide Abraar Dekhna
Har Aankh Ka Juda Juda Miyaar Dekhna

Parde Mein Man Raani Ke Deedar Haq Ka Hai
Itna Samajh Ke Jalwa -e- Sarkar Dekhna

Sallimu Tasleema

Be Soorati Ke Noor Pe Jamti Nahin Nazar
Mumkin Nahin Nabi Ko Lagataar Dekhna
Qurane Paak Lafzo Mein Seerat Ka Naam Hai
Quraan Ko Janna Ho to Kirdaar Dekhna
Jin Ke Safar Ki Aakhiri Manzil Huzoor Hain
Aaya Na Un Ko Rasta Hamwaar Dekhna
Har Haal Mein Tumhi Ho Gharibo Ka Aasra
Kis Ko Kahein Gharibo Ke Ghamkhar Dekhna
Kis Ne Diya Hai Hoshe Nazar Aapke Siwa
Tameer Mein Tajalli -e- Maimaar Dekhna
Panha Nahin Hai Unse Kisi Dil Ka Mudd'aa
Maqsad Karam Hai, Kehte Hain Sarkar Dekhna
Meraj Ke Safar Se Wahi Ba Khabar Hain Shauq
Aata Hai Jin Ko Noor Ki Raftar Dekhna

Kitno Ko Inqelabe Zamana Mita Gaya

Jeene Ka Lutf, Taa'ate Haq Ka Maza Aa Gaya
Sab Kuchh Gaya Jo Ishqe Shahe Ambiya Aa Gaya

Hatna Nabi Ki Raah Se Qiyamat Utha Gaya
Dunya Dilo Mein Bas Gai Khaufe Khuda Gaya

Dil Se Har Aarzu Gayi, Zaeme Ana Gaya
Rauza Nabi Ka Dekhna, Kya Kya Dikha Gaya

Ek Saans Bhi Zamane Ki Gardish Na Le Sake
Unki Nawazisho Ka Agar Silsila Gaya

Madham Hui Na Shama -e- Nuboowat Ki Raushni
Kitno Ko Inqelabe Zamana Mita Gaya

Ek Yaade Mustafa Thi Jo Dil Se Na Ja Saki
Jitne Khayal Bhi the Zamana Bhula Gaya

Chhoota Jo Humse Damane Sultane Ambiya
Hum Khud Hue Tabah Kisi Ka Bhi Kya Gaya

Phooti Isi Jagah Se Thi Iqra Ki Raushni
Daman Se Deen Ke Kahan Ghaare Hira Gaya

Jo Zaat Apne Aap Se Raushan Ho Noor Hai
Raushan Kiya Gaya Na Use Gul Kiya Gaya

Sallimu Tasleema

Mahwar Rahe Har Zamane Ka Taiba Ki Sarzameen
Aaya Jo Ek Qafila Ek Qafila Gaya

Nisbat Huzoor Se Hai Salamat to Bas Hai Shauq
Ab Sochna Hi Kya Hai Use Jo Gaya Gaya

Sooraj Gua Tulu Andhera Chala Gaya

Nikla Hira Se Noor Do Aalam Par Chhaa Gaya
Sooraj Hua Tulu Andhera Chala Gaya

Taiba Ke Rastay Mein Na Mujh Se Raha Gaya
Apne Khayaal Se Bhi Main Ho Kar Juda Gaya

Noore Madina Rooh Mein Aisa Sama Gaya
Har Gosha Zehen O Dil Ka Mere Jagmaga Gaya

Yaad Nabi Mein Yun Hi Kati Apni Zindagi
Rehna Tha Jo Bhi Reh Gaya Jana Jo Tha Gaya

Damaane Mustafai Ka Saya Mila Mujhe
Jab Waqt Hauslo Ke Qadam Dagma Gaya

Hum Jitna Jantay Hain Nabi Utne Hi Nahi
Jo Bhi Kaha Gaya Woh Bahut Kam Kaha Gaya

Har Aik Ki Bisaat Hai Roshan Huzoor Par
Jitna Tha Jis Ka Zurf Use Utna Diya Gaya

Sab Hain Bahadde Ilm Sana Khawane Mustafa
Kis Ka Khayaal Had Se Magar Maawara Gaya
Raftaar Noor Ki to Samajh Mein Nah Aa Saki
Kehte Hain Log Waqt Ko Tehra Diya Gaya
Har Daur Uss Zamane Ki Had Mein Hai Abhi Shauq
Zahir Mein to Nabi Ka Zamana Chala Gaya

Khuda Jaanta Hai Haqeeqat Nabi Ki

Khudai Mein Hai Woh Fazeelat Nabi Ki
Saji Mehfil Kun Badaulat Nabi Ki
Na Maane to Kya Koi Maane to Kya Hai
Na Ghat'ti Na Badhti Hai Azmat Nabi Ki
Nuboowat Ki Hum Qad Hui Aadmiyyat
Woh Aijaz Hai Aadmiyyat Nabi Ki
Mohabbat Jab Aati Hai Hadde Junoo Mein
To Doori Bhi Banti Hai Qurbat Nabi Ki
Khayalon Ki Duniya Jahan Naarsa Hai
Woh Qausain Manzil Hai Khalwat Nabi
Nabi Ke Hain Kirdaar Jab Arshe Qaamat
To Naapay Ga Kya Koi Qaamat Nabi Ki

Mizaaje Aashnae Nabuwat Wohi Hain
Muyassar Hui Jin Ko Sohbat Nabi Ki
Khuda Ki Haqeeqat Nabi Jaante Hain
Khuda Jaanta Haqeeqat Nabi Ki
Haqeeqat Hai Imaan Ki Shauq Itni
Ke Hai Aine Imaan Mohabbat Nabi Ki

Woh Dastoor Haq Hai Shariat Nabi Ki

Khule Kya Kisi Par Haqeeqat Nabi Ki
Li Pehli Tajalli Ne Soorat Nabi Ki
Mili Deen Ko Sar Bulandi Isi Se
Ajab Mojizaatu Hai Hijrat Nabi Ki
Madinah Hi Un Ki Qadam Gah Nahi Hai
Har Ik Qalb Mein Hai Sukoonat Nabi Ki
Jahan Ka Hai Nazam O Nasq Jis Pay Qaim
Woh Dastoore Haq Hai Shariat Nabi Ki
Kkhuda Se Hai Woh Ittesale Mohammad
Jo Sunnat Khuda Ki Woh Sunnat Nabi Ki
Faqat Hain Wohi Rabta Abd O Rab Mein
Har Ik Gaam Par Hai Zaroorat Nabi Ki

Unhi Ke Hai Sartaaj Inna Fattahna
Azal Taa Abadd Hai Hukoomat Nabi Ki
Khuda to Nazar Anay Wala Nahi Hai
Karam Hai Jo Ho Jaye Ruyyat Nabi Ki
Kalaam Ellahi Se Hai Shauq Zahir
Sifaate Ilahi Hain Seerat Nabi Ki

Har Ek Parday Mein Jalva Aap Ka Hai

Azal Ijlaas Pehla Aap Ka Hai
Abad Tak Har Zamana Aap Ka Hai
Madinah Hi Faqat Kya Aap Ka Hai
Har Ik Aalam Pay Qabza Aap Ka Hai
Sharf Woh Laile Asra Aap Ka Hai
Shaneeda Sab Ka Deeda Aap Ka Hai
Khudai Mein Woh Rutba Aap Ka Hai
Sabhi Kuch Aap Ka Tha Aap Ka Hai
Saraapaa Aap Noore Kibriya Hain
Jahan Bhi Hai Ujala Aap Ka Hai
Hai Iqraare Risalat Asale Imaan
Mataa -e- Deen Kalima Aap Ka Hai

Haqeeqat Aap Ki Allah Jaane
Har Ik Parday Mein Jalva Aap Ka Hai
Madine Mein Raha Dil Apna Itna
Ke Ab Dil Mein Madinah Aap Ka Hai
Kahan Hai Aap Ki Manzil Na Jane
Khuda Ka Arsh Rasta Aap Ka Hai
Kya Haq Dost Sab Haq Dushmanon Ko
Karam Sarkar Aisa Aap Ka Hai
Musalsal Roshni Hai Zehen O Dil Mein
Nazar Mein Jab Se Roza Aap Ka Hai
Hai Zindah Moujza Quran Jab Tak
Har Ik Kirdaar Zindah Aap Ka Hai
Nahi Hai Shauq Par Moqoof Tanha
Sahara Sab Ko Aaqa Aap Ka Hai

Bohat Bhi Ho to Karam Hum Pe Aap Ka Kam Hai

Rasool Pak Ka Jo Faiz Yafta Kam Hai
Khuda Se Kya Woh Khud Apne Se Aashna Kam Hai

Bashar Mein Noor Mein Kuch Itna Faasla Kam Hai
Judai Dono Mein Honay Ka Shaiyba Kam Hai

Nazar Mein Bas Gayi Aisi Fiza Madeeney Ki
Kisi Ke Wastay Bhi Dil Mein Ab Jagah Kam Hai

Qabuliat Ussay Millti Hai Chasham Rehmat Mein
Jisay Khayaale Ana Chhoo Ke Bhi Gaya Kam Hai

Dare Rasool Pe Aawaz Kaisay Onchi Ho
Yahan to Dil Ke Dhadakne Ki Bhi Sada Kam Hai

Sahara Kon Hai Sarkar Be Saharon Ka
Bohat Bhi Ho to Karam Hum Pe Aap Ka Kam Hai

Nabi Ka Qurb Hai Duniya -e- Khud Faramoshi
Yahan Tasweer Halaat Hazrh Kam Hai

Ab is Maqam Par Hai Shoq Maaddi Duniya
Ghiza -e- Tan Hai Bahut Rooh Ki Ghiza Kam Hai

Siwaye Khuda Ke Unhein Koi Jaanta Kam Hai

Deyaare Noore Qadam Mein Jo Dil Laga Kam Hai
Woh Aaina Hai Ba Zahir Magar Jilaa Kam Hai

Madeeney Jaisi Fiza Doosri Jagah Kam Hai
Yahan Jo Aaya Woh Aap Apne Mein Raha Kam Hai

Nazar Haqeeqate Sarkar Tak Rasa Kam Hai
Siwa Khuda Ke Unhein Koi Jaanta Kam Hai

Khudai Noor Ki Hai Shaan Alag Alag Har Ja
Nah Kaaba Kam Hai Na Roza Huzoor Ka Kam Hai

Kahan Hai Nuqta -e- Aaghaz O Intahaa Unn Ka
Khud Ambiya Ko Bhi is Baat Ka Pata Kam Hai

Agar Khayaal Nabi Dil Mein Ho Gaya Qaim
To Fasila Bhi Haqeeqat Mein Faasla Kam Hai

Ba Qadre Faham Sana Ho Rahi Hai Sadiiyon Se
Haq Unn Ki Madah Ka Phir Bhi Ada Hua Kam Hai

Nabi Ke Shehar Mein Chalta Nahi Yeh Daawa Shauq
Ke Aadmi Kabhi Apne Ko Bhoolta Kam Hai

Sab Kuch Hamaray Paas Hai Allah Ka Diya

Zaat Shahe Huda Hai Woh Muajiz Numa Diya
Jis Ne Wujode Kon O Makan Jagmaga Diya

Haq Ka Shaor Aap Ne Insaan Ko Kya Diya
Fikar O Nazar Ko Aik Naya Zavia Diya

Insaaniyat Ko Shah Ne Ajab Irtiqa Diya
Insa Ki Zindagi Ko Ibadat Bana Diya

Qudrat Ne Woh Waseela Kherul Wara Diya
Sab Kuch Hamaray Paas Hai Allah Ka Diya

Quran Ke Harf Harf Mein Seerat Ka Noor Hai
Sau Mojizo Ka Aap Ko Ik Moujza Diya

Marnay Ko Bhi Samajhney Lagey Log Zindagi
Ishqe Nabi Ne Zehnon Ko Woh Rasta Diya

Duniya Tasawwure Rage Jaan Ki Aseer Thi
Qurbe Shahe Anaam Ne Qurb Khuda Diya

Naqshe Qadam Jahan Shahe LauLaak Ke Mile
Deewangi Ne Kaaba -e- Imaan Bana Diya

Sallimu Tasleema

Ab Tak Bhi Chhoo Saken Nah Jahan Ki Bulandion
Itna Bashar Ko Aap Ne Ouncha Utha Diya

Hotay Jo Khaak Qadmon Mein Rehtay Huzoor Ke
Kambakht Zindagi Ne Bara Faasla Diya

Sab Kuch Hai Shoq Un Ki Inayat Par Munhasir
Chaha Jisay Bhi Chaha Jisay Jo Diya Diya

Allah Jaane Aapne Kis Kis Ko Kya Diya

Har Rukh Se Haq Ne Un Ko Bada Martaba Diya
Himmat Badi Nazar Badi Dil Bhi Bada Diya

Aisa Maza Ghulami -e- Shahe Ne Chakha Diya
Dunya Ki Nemato Ko Bashar Ne Bhula Diya

Nikli Nahin Ana Bashar Se Khirad Abhi
Min Noor Ne to Zaat Ka Parda Utha Diya

Samjhega Un Ki Quwwate Imaan Ko Kya Koi
Kohe Uhud Ko Wazan Ne Jin Ke Hila Diya

Jin Ke Safar Ki Aakhiri Manzil Madina Ho
Yaksan Hai Unke Haq Mein Chaman Ho Ya Baadiya

Sallimu Tasleema

Hain Maa Waraye Aql Sahaba Ki Azmatein
Allah Jaane Aapne Kis Kis Ko Kya Diya

Rakha Na Apne Waaste Kuchh Bhi Huzoor Ne
Sab Kuchh Ba Naame Millate Islamiya Diya

De Kar Libada -e- Bushra Apne Noor Ko
Khaliq Ne Mojizaat Ka Ik Silsila Diya

Kaante Bichhayee Ke Bu Lahbi Kuchh Na Kar Saki
Ahle Nazar Ne Raaho Mein Khud Ko Bichha Diya

Har Gham Saha Nabi Ne Jis Ummat Ke Waaste
Us Mohsine Aazam Ko Ummat Ne Kya Diya

Dunya Ki Zulmato Se Hirasaa Wo Kya Ho Shauq
Taiba Ne Jis Nazar Ko Ujala Hara Diya

Udenge Hosh Jis Din Jalwa -e- Deedar Dekhenge

Madine Ko Khudai Markaze Anwaar Dekhenge
Naya Aalam Nazar Aayega Jitni Baar Dekhenge

Dikhaye Jo Bhi Kuchh Halaat Ki Raftar Dekhenge
Humein to Dekhna Hai Janibe Sarkar Dekhenge

Koi Weerana Ho Ya Dasht Ho Ya Ghaar Dekhenge
Jahan Aaqa Qadam Rakh Dein Wahan Gulzaar Dekhenge

Sana Aaqa Ki Sab Jitni Bhi Karte Hain Bahut Kam Hai
Udenge Hosh Jis Din Jalwa -e- Deedar Dekhenge

Jo Miyaar Aapki Seerat Ka Hai Tarikhe Aalam Mein
Qiyamat Tak Na Phir Aisa Koi Miyaar Dekhenge

Mizaaje Baaise Kun Pur Nigaa Hain Jinki Rehti Hain
Wo Kya Halaat Ka Rukh Waqt Ki Raftar Dekhenge

Nahin Jab Neend Haq Ko Neend Kaisi Mazhare Haq Hai
Jo Dil Bedaar Hain Har Dum Unhein Bedaar Dekhenge

Zara Zikre Nabi Se Qalb Jaari Ho to Jaane Do
Sada Kab Tak Na Denge Ye Nafs Ke Taar Dekhenge

Rahe Taiba Mein Deewarein Uthane Do Zamane Ko
Kahan Tak Rasta Rokegi Har Deewar Dekhenge

Shu'oore Qudsiya Tak Naarsa Hai Shauq Sadiyo Se
Maqam Aaqa Ka Kya Hum Jaise Dunyadar Dekhenge

Sarapa Noore Haq Ka Bolta Shahkar Dekhenge

Shahe Taiba Ko Jo Badeeda -e- Bedaar Dekhenge
Sarapa Noore Haq Ka Bolta Shahkar Dekhenge

Ajab Aijaz Asre Abdiyate Sarkar Dekhenge
Nuboowat Mein Mashiyat Ko Rubaru -e- Kaar Dekhenge

Ba Qadre Faham Zahno Mein Nabi Ka Ek Tasawwur Hai
Unhein Dekhenge to Apni Samajh Bekaar Dekhenge

Khuda Ki Hai Nazar Shahe Risalat Ki Nazar Kya Hai
Udhar Khinch Aayega Sab Kuchh Jidhar Sarkar Dekhenge

Bahut Hai Ek Pal Bhi Noor Ko Qausain Ki Doori
Safar Jaisa Qadam Waise Nazar Raftar Dekhenge

Yahi Aalam Hai Sadyo Se Fidakaraane Ummat Ka
Fida Honge Jahan Sarkar Ke Aasar Dekhenge

Rasoolullah Ke Jalwo Ki Had Kya Koi Dekhega
Sab Apne Apne Hoshe Deed Ka Miyaar Dekhenge

Jihat Jiski Na Ho Us Noor Ka Rukh Kaun Samjhega
Nazar Kab Kis Taraf Hai Aur Kidhar Sarkar Dekhenge

Ghulamane Nabi Jeete Kahan Hain Shauq Rahat Se
Zamane Ko Humesha Darpe Aazar Dekhenge

Namaze Ishq Ka Qibla Huzoor Ka Ghar Hai

Tu La Ilaha Ke Gulshan Ka Wo Gule Tar Hai
Ke Tujh Se Bazme Hudoos Wa Qadim Muattar Hai

Jamale Noore Azal Jis Pe Saaya Gustar Hai
Wahi Zamane Mein Sabse Bada Qad Aawar Hai

Khudai Noor Jo Tanzeeha Ka Samandar Hai
Shuhood Mein Basharum Mislukum Ka Paikar Hai

Hayaate Shaahe Umam Itni Mojiza Gar Hai
Faqat Zamana Hi Kya Kainat Shashdar Hai

Khuda Ke Ghar Ka Mila Rasta Isi Ghar Se
Namaze Ishq Ka Qibla Huzoor Ka Ghar Hai

Ghubare Raahe Nabi Kab Ka Ho Gaya Hota
Mera Wujood Mere Raste Ka Patthar Hai

Qadam Qadam Pe Hai Jung Apne Aap Se Jaari
Nabi Ke Hijr Mein Jeena Jihade Akbar Hai

Azal Se Halqa -e- Rahmat Hai Taa Abad Un Ka
Koi Kahin Bhi Ho is Daaire Ke Andar Hai

Sallimu Tasleema

Khudai Noor Ko Haajat Nahin Charagho Ki
Jo Noore Zaat Hai Wo Khud Ba Khud Munawwar Hai

Shu'oor Kis Ko Hai Poora Nabi Shanasi Ka
Khayal Jitna, Nazar Utnei, Utna Mahwar Hai

Haqeeqatan Hain Shahe Huda Ke Deewane
Ajal Bhi Shauq Unhein Zindagi Barabar Hai

Banaame Ummyiat Ik Ilm Ka Samundar Hai

Wo Zaat Paak Jo Kauno Makaa Ka Mahwar Hai
Tamam Khalq Ka Daaro Madaar Usi Par Hai

Makaniyat Hai Na Aangan Na Chhat Barabar Hai
Makaane Baaise Kun Kya Hai Noor Ka Ghar Hai

Jo Sar Se Paaon Tak Asraare Haq Ka Daftar Hai
Banaame Ummyiat Ik Ilm Ka Samundar Hai

Nigah Jam Nahin Sakti Kisi Bhi Jalwe Par
Ke Aine Zaat Ka Har Jalwa Na Mukarrar Hai

Nazar Mein Rauze Ka Manzar Sama Gaya Itna
Nazar, Nahin Ab Raushni Ka Manzar Hai

Sallimu Tasleema

Usi Ke Husn Ka Par Tu Hain Sooratein Saari
Wo Ek Chehra Jo Be Chehargi Ka Mazhar Hai

Mukhalifeene Shahe Dee Ke Surkhuru Kya Ho
Ke Taaje Inna Fattahna Huzoor Ke Sar Hai

Sharf Har Ek Ki Taqdeer Mein Nahin Aisa
Nabi Hain Farsh Par Maddah Zebe Mimbar Hain

Agar Ho Ishqe Shahe Deen Junoon Ki Manzil Mein
Tawafe Rauza -e- Sarkar Hajje Akbar Hai

Makaa Ki Qaid Mein Noore Khuda Nahin Rehta
Jahan Ho Shaahe Huda Jalwa Gar Wahi Ghar Hai

Ajab Hai Shaane Gadayaane Shaahe Taiba Ki
Tihi Hain Haath Magar Shauq Dil to Nagar Hai

Tum Ho Har Aalam Mein Tanha Rahmatullil Aalameen

Noore Jism Wa Noore Chehra Rahmatullil Aalameen
La Ilaha Ka Ujala Rahmatullil Aalameen

Jis Ka Hai Imaan Jitna Rahmatullil Aalameen
Us Ne Utna Tum Ko Samjha Rahmatullil Aalameen

Mushtamil Hai Kitne Hi Aalam Pe Saari Kainat
Tum Ho Har Aalam Mein Tanha Rahmatullil Aalameen

Zaat Ko Pehchane Jaane Ki Tamanna Jab Hui
Banke Chamki Wo Tamanna Rahmatullil Aalameen

Haq Ta'ala Ka Koi Chehra Na Koi Jism Hai
Aap Aaina Hain Kis Ka Rahmatullil Aalameen

Qibla -e- Deen, Markaze Beenai, Maqsoode Nazar
Gumbade Khazra, Madina, Rahmatullil Aalameen

Aitbare Zaaate Haq Hai Aap Ki Jalwa Giri
Warna Kis Ko Hoshe Haq Tha Rahmatullil Aalameen

Sab Ne Dekha Apni Apni Fikr Ki Had Mein Tumhein
Had Se Aage Kis Ne Dekha Rahmatullil Aalameen

Sallimu Tasleema

Man Raani Ka Milta Na Agar Hum Ko Aaina
Haq Nazar Aata Kise Ya Rahmatallil Aalameen

Farsh Par Jab Aap Ko Poora Na Samjha Ja Saka
Arsh Par Idraak Ho Kya Rahmatullil Aalameen

Zaat Ki Pehli Tajalli Pehli Soorat Noor Ki
Dusra Hai Kaun Illa Rahmatullil Aalameen

Shauq Saari Khalq Wajhe Khalq Ki Muhtaaj Hai
Wo Azal Se Hain Sarapa Rahmatullil Aalameen

Khudai Rahmatein Manzar Ba Manzar Dekh Aaya Hoon

Nabi Ke Shehar Ko Anwaar Ka Ghar Dekh Aaya Hoon
Khudai Rahmatein Manzar Ba Manzar Dekh Aaya Hoon

Wo Rauza Jo Hai Bazme Kun Ka Mahwar Dekh Aaya Hoon
Zameen Par Ek Muqaddar Saaz Daftar Dekh Aaya Hoon

Ujala Kya Ujalo Ka Samundar Dekh Aaya Hoon
Dino Se Badh Kar Raato Ko Munawwar Dekh Aaya Hoon

Qadam Sarkar Ke to Dekhna Bas Mein Na Tha Mere
Main Apni Haisiyat Badeeda -e- Tar Dekh Aaya Hoon

Jahan Ki Ek Saa'at Par Tasadduq Zindagi Saari
Isi Dunya Mein Wo Dunya -e- Deegar Dekh Aaya Hoon

Sallimu Tasleema

Zubaa'n Banne Se Ehsasaat Qasir Reh Gaye Kya Kya
Karam Aaqa Ka Aisa Har Qadam Par Dekh Aaya Hoon

Wahan Se Laut Aane Ka Na Aaya Aitbar Ab Tak
Nazare Kaise Kaise Rooh Parwardigaar Dekh Aaya Hoon

Nazar Gum Aql Gum Ehsas Gum Main Khud Bhi Gum Sum Tha
Tasawwur Bhi Na Tha Jiska Wo Manzar Dekh Aaya Hoon

Bahut Kuchh Dekh Kar Bhi Na Dekha Ja Saka Mujh Se
Shabo Roz Aise Jalwe Na Mukarrar Dekh Aaya Hoon

Mujhe Ab Dekhna Kuchh Bhi Nahin Hai Zindagani Mein
Shahe Qausain Noore Arsh Ka Dard Dekh Aaya Hoon

Nigaho Dil Ko Phir Bhi Hasrate Deedar Baaqi Hai
Fiza -e- Noor Agarche Shauq Jee Bhar Dekh Aaya Hoon

Fanoos Mein Shola Hai Mehfil Mein Ujala Hai

Aye Kanze Kafi Tera Har Raaz Nirala Hai
Jab Koi Na Tha, Kis Ko Parde Se Nikala Hai?

Pehli Jo Tajalli Allah Ta'ala Hai
Khalq Uska Hawala Hai Wo Haq Ka Hawala Hai

Aijaze Nuboowat Se Dunya Teh Wa Baala Hai
Aaqa Ne Khudai Ka Har Bojh Sambhala Hai

Sallimu Tasleema

Noor Un Ka, Koi Parda Kab Rokne Waala Hai
Fanoos Mein Shola Hai Mehfil Mein Ujala Hai

Peshi Mein Nazar Waale Lab Kholte Darte Hain
Marzi -e- Shahe Taiba Ki Sab Se Bada Taala Hai

Tha Khushk Sutoon Lekin Ghabra Gaya Doori Se
Hannana Ka Rona Bhi Deewane Ka Naala Hai

Kya Noore Ilahi Ko Batil Ki Nazar Paaye
Waa'n Saur Pe Jaala Tha Yaa'n Aankho Mein Ujala Hai

Iqrare Ilaha Bhi Hai Iqrare Nubuwwat Mein
Tauheed Ka Bunyadi Kalima "La" Hai

Min Noor Tajalli Ka Lafzo Se Talluq Kya
Suraj Ka Taaruf Khud Suraj Ka Ujala Hai

Aawaz Kahan Se Di Aur Saariya Kis Jaa the
Ye Door Been Kaisi Hai Ye Kaunsa Aala Hai

Damaane Shahe Deen Par Shauq Aa Na Saka Dhabba
Har Daur Mein Aada Ne Keechad to Uchhala Hai

Sohbat Mein Shahe Deen Ki Har Fard Jeela Hai

Faizane Qul in Kuntum Kin Rifato Waala Hai
Raste Ka Ye Rasta Hai Haale Ka Ye Haala Hai

Ma Zaagh Nigahi Ne Jis Dil Ko Ujala Hai
Har Aalame Baala Se Qaamat Mein Wo Baala Hai

Aafaq Ka Khaliq to Allah Taala Hai
Lekin Shahe Taiba Ke Naam is Ka Qabala Hai

Jin Logon Ne Aaqa Ko Makke Se Nikala Tha
Sarkar Ne Ghussa Bhi Un Par Na Nikala Hai

Har Zulmo Sitam Sehne Himmat Bhi Badi Hona
Sohbat Mein Shahe Deen Ki Har Fard Jeela Hai

Meraj Wo Rasta Hai Qausain Ki Khilwat Ka
Khud Haq Ne Jo Asra Ke Unwan Se Daala Hai

Sadiya is Ujale Mein Hain Mehwe Safar Ab Bhi
Wo Naqshe Qadam Kya Hai Sadiyo Ka Ujala Hai

Deewano Mein Aaqa Ke Wo Josh Tha Imani
Kya Dasht Wa Jabal, Seena Darya Ka Khangala Hai

Sallimu Tasleema

Qurane Mujassam Hi Quran Ke Mahram Hain
Har Ik Ne Alag Matlab Lafzo Se Nikala Hai

Hadde Bashari Mein Bhi Wo Shauq Khule Kis Par
Quran Mein Jin Ki Azmat Ka Maqala Hai

Banaya Noor Ko Apne Hi Aaina Apna

Wujood Hi Nahin Juz Noore Mustafa Apna
Yahi Hai Apni Shanakht Aur Yahi Pata Apna

Taaruf Aap Hai Wo Zaate Haq Numa Apna
Basaat Kya Hai Nazar Kya Hai Ilm Kya Apna

Bana Ke Noor Ko Apne Hi Aaina Apna
Kya Hai Husne Azal Ne Mushahida Apna

Hawaye Gulshane Taiba Asar Dikha Apna
Ke Ek Zamane Se Dil Hai Bujha Bujha Apna

Khiraad Nikal Na Saki Mislukum Ke Chakkar Se
Jino Ne Kar Liya Rasta Alahida Apna

Rasoole Paak Ke Qadmo Se Jo Qareeb Kare
Wo Irteqa Hai Haqeeqat Mein Irteqa Apna

Sallimu Tasleema

Khuda Ka Ghar Koi Mismaar Nahin Kar Sakta
Natija Dekh Chuki Fauje Abraha Apna

Qadam Se Saanso Ke Chal Rasta Madine Ka
Nishan Bhi Chhod Na Umre Gurez Paa Apna

Kisi Ko Jin Ka Na Aaghaz Na Inteha Maloom
Wahi Hain Nuqta -e- Aaghaz Wa Inteha Apna

Wo Jo Dekhte Hain Nabi Ko Wo Shauq Gum Sum Hain
Daleel Be Basi Ki Hai Tabsira Apna

Zubani Daawe Hain Kya Kya Amal Hai Kiya Apna

Nabi Se Koi Rabt Nahin Hai Naya Apna
Chala Hai Roze Azal Se Ye Silsila Apna

Shuore Haq Tha Bashar Ko Na Hosh Tha Apna
Inayat Unki Hai Jo Aasra Diya Apna

Nabi Ko Samjhega Kya Ilme Naarsa Apna
Bhula Diya Hai Zamane Ne Rasta Apna

Pata Jo Kuntu Nabiyya Ka Noore Kul Ne Diya
Khirad Ko Mil Na Saka Aaj Tak Pata Apna

Sallimu Tasleema

Bado Ki Chashme Inayat Bada Banati Hai
Na Hum Bade Hain Na Hai Martaba Bada Apna

Chiraghe Deene Nabi Gul Na Kar Saka Koi
Dikha Ke Gaye Zor Kitne Soorma Apna

Hum Ummati to Rasoole Khuda Ke Hain Lekin
Zubani Daawe Hain Kya Kya Amal Hai Kiya Apna

Agar Tu Chahe Ke Sarkar Tujh Ko Apnayein
To Un Ke Taur Tariqo Ko Bhi Zara Apna

Nabi Ke Faisle Se Ikhtelaf Ho Jis Ko
Sunate Hain Use Faruqi Faisla Apna

Rasoole Paak Se Doori Ho Shauq Kam Kyunkar
Abhi Na Tay Hua Apne Se Fasila Apna

Khudai Noore Azal Se Bana Banaya Hai

Banaye Kun Fayakun Zaate Ghair Saaya Hai
Ye Shandaar Makaan Kya Buland Paaya Hai

Ye Lafze Mislukum Aisa Ajab Kinaya Hai
Humesha Fahame Bashar Ne Fareb Khaya Hai

Sallimu Tasleema

Wo Noore Arsh Jo Qaide Makaan Mein Aaya Hai
Tajalliyo Ne Hijabo Ka Naam Paaya Hai

Koi Ghataye Badhaye Kya Maqam Unka
Khudai Noore Azal Se Bana Banaya Hai

Huzoor Aakhiri Manzil Hain Ilme Insan Ki
Sabhi Wo Padhte Hain Jo Aapne Padhaya Hai

Mitayenge Humein Kya Hadise Zamane Ke
Saro Pe Aap Ki Be Saayegi Ka Saaya Hai

Koi Bhi Baare Tajalli Utha Na Sakta Tha
Ye Sirf Aap Ka Dil Hai Jo Taab Laaya Hai

Sahaba Samjhe Tijarat Na Deeno Imaa Ko
Kamaya Kuchh Nahin Jo Kuchh Bhi Tha Lutaya Hai

Nabi Ne Khoon Paseena Jab Apna Ek Kiya
To Jab Ye Gulshane Tauheed Lahlahaya Hai

Zameen Madine Ki Hijrat Se Pehle Kya Thi Shauq
Qadam Huzoor Ke Aaye to Arsh Paaya Hai

Dilo Ko Aap Ne is Tarah Jagmagaya Hai

Bashar Ko Aapne Itna Buland Uthaya Hai
Jahaane Rang Wa Boo Ab Uske Zere Saaya Hai

Khuda Ne Jitna Bada Aapko Banaya Hai
Huzoor Itni Ghareeb Aap Ki Riaaya Hai

Zara Shuoor Jo Unke Karam Ka Aaya Hai
Mera Wujood Mere Wasite Paraya Hai

Nahin Hai Hosh Zamane Ko Aaj Tak Iska
Nazar Ne Aap Ki Kis Kis Ko Kya Banaya Hai

Na Tha Kisi Ko Bhi Gham Ghar Ki Be Chiraghi Ka
Dilo Ko Aap Ne is Tarah Jagmagaya Hai

Nabi Ke Faiz Ne Zehan Aadmi Ka Kya Moda
Zameen Ka Silsila Aflaak Se Milaya Hai

Baghair Noore Khuda Zikr Kiya Ujalo Ka
Na Ho Jo Noor to Suraj Bhi Ek Saaya Hai

Bashar Ka Khoon Jahan Subho Shaam Behta Tha
Karam Ka Aap Ne Darya Wahan Bahaya Hai

Bahaare Lam Yazli Hain Adayein Shauq Unki
Qadam Jahan Bhi Rakha Hai Chaman Khilaya Hai

Haath Jaise Kisi Muflis Ke Khazana Aaya

Dono Qiblo Ka Jo Qibla Hai Wo Batha Aaya
Be Thikano Ka Khuda Daad Thikana Aaya

Is Tarah Rooh Mein Taiba Ka Ujala Aaya
Haath Jaise Kisi Muflis Ke Khazana Aaya

Sab Ko Sarkar Ka Deedar Kahan Hota Hai
Ye Sharf Jis Ke Muqaddar Mein Bhi Aaya Aaya

Hum Maqame Shahe Abraar Kahan Samjhenge
Khud Na Samjhe Gaye Jab Unko Samajhna Aaya

Noor Ke Saath Tasawwur Hi Nahin Saaye Ka
Noor Jis Roop Mein Aaya Tane Tanha Aaya

Dar Se Jaana Hai Kahan Zarra -e- Khake Dar Ko
Kahin Jaaunga to Bolunga Ke Aaqha Aaya

Yaad Farmai Ne Be Khud Kiya Aisa Mujh Ko
Khud Mujhe Hosh Nahin Hai Ke Main Kaisa Aaya

Ilm Ke Shehar Se Hi Ilm Mila Karta Hai
Jo Sahifo Ke Siwa Seena Ba Seena Aaya

Naate Sarkar Faqat Deen Hai Allah Ki Shauq
Ye Na Kehna Ke Mujhe Naat Ka Kehna Aaya

Aisa Min Noor Koi Jism Na Chehra Aaya

Haq Parasto Pe Sitam Waise to Hota Aaya
Phir Bhi Sarkar Ke Jaisa Na Zamana Aaya

Yaad Jis Dum Tala Al Badru Alaina Aaya
Zehan Mein Saara Wo Guzra Hua Naqsha Aaya

Paikare Noor Qadme Saahibe Asra Aaya
Shakle Insani Mein Khuda Ka Ujala Aaya

Yaad Sab Kuchh Tha Na Pahunche the Madina Jab Tak
Apni Bhi Yaad Na Aai Jo Madina Aaya

Yun Rahe Mehwe Safar Raahe Khuda Mein Aaqa
Jis Tarah Saans Ke Chalne Mein Na Waqfa Aaya

Saamne Noore Mujassam Ke Kisi Ki Na Chali
Har Adu Soorate Shamsheere Barhana Aaya

Shano Rifat Ki Pata Un Ki Koi Kya Paaye
Jin Ke Aizaz Mein Zikre Warafana Aaya

Hosh Khaliq Ka, Shuoor Apna Hunar Jeene Ka
Mere Sarkar Ke Aa Jaane Se Kya Kya Aaya

Sallimu Tasleema

Husne Yusuf Ki Badi Dhoom Hai Dunya Mein Magar
Aisa Min Noor Na Koi Jism Na Chehra Aaya

Der Tak Shauq Khayal Na Aa Saka Apna Bhi
Zikre Jab Sahibe Lo Laak Lama Aaya

Yahin Se Hain Sab Roshni Paane Waale

Madeeney Mein Hain Jo Nazar Aane Waale
Woh Jalwey Hain Dil Mein Utar Jane Waale

Dare Shahe Deen Par Thehar Jane Aale
Nahi Hain Hawadis Se Ghabranay Waale

Charaghoon Se Ghar Ko Sajaate Nahi Hain
Ujala Do Aalam Mein Phelanay Waale

Yeh Duniya Hai Un Ke Liye Qaid Khanah
Jo Pedaishi Hain Nabi Khane Waale

Kisi Aasmaa Ke Bhi Shams O Qamar Hon
Yahin Se Hain Sab Roshni Paane Waale

Khudai Ke Asraar Samjha Gaye Hain
Ishaaron Ishaaron Mein Samjhane Waale

Sallimu Tasleema

Samaya Nahi Noor Lafz O Bayan Mein
Hain Heran Seerat Ko Nazmaane Waale

Kkhuda Boltaa Hai Zabaane Nabi Se
Nabi Khud Nahi Kuch Bhi Farmane Waale

Yahan Aate Hi Bhool Jaate Hain Sab Kuch
Bahut Kuch Samajh Soch Kar Aane Waale

Jinhen Log Ghaire Khuda Jaante Hain
Wohi to Kkhuda Tak Hain Pahunchane Waale

Haqeeqat Mein Jo Hain Gadaaye Madinah
Kise Shauq Khatir Mein Hain Laane Waale

Ja Ke Milta Hai Unhi Se Har Kisi Ka Silsila

Haq Shanasi Haq Parasti, Haq Rasi Ka Silsila
Baaise Kun Hai Musalsal Roshni Ka Silsila

Jis Saraapaa Ilm Ka Khud Ilm Bhi Mohtaaj Hai
Uss Ke Aage Kya Uloome Zahiri Ka Silsila

Qable Aadam Hai Nubuwwat Sahibe Laulak Ki
Hazrate Aadam Se Kaisa Aadmi Ka Silsila

Sallimu Tasleema

Silsilay Ahle Tareqat Ke Hain Jitne Deher Mein
Ja Ke Milta Hai Unhi Se Har Kisi Ka Silsila

Zaat Ki Pehli Tajallii Jab Se Aayi Shakal Mein
Chal Raha Hai Tab Se Uski Bandagi Ka Silsila

Saans Bhi Lene Na Paye Kaayenaate Hasto Bood
Band Ho Pal Bhar Jo Faizane Nabi Ka Silsila

Laa Nabiya Baadi Bhi Kuntu Nabiya Bhi Hain Aap
Darmiyani Hai Har Ik Paigambri Ka Silsila

Shauq Har Gham Door Ho Jata Hai Un Ki Yaad Se
Kya Mubarak Hai Yeh Apni Khastagi Ka Silsila

Sab Salasil Mein Hai Ik Sarkar Hi Ka Silsila

Dam Qadam Se Apke Hai Zindagi Ka Silsila
Warna Kya Hasti Kisi Ki Kya Kisi Ka Silsila

Mustafai Noor Se Nikle Hain Saare Silsile
Zaate Haq Se Hai Rasoole Hashmi Ka Silsila

Laakh Padh Lo Seerat Aaqa Mi Kitabon Mein Magar
Phir Bhi Reh Jata Hai Baqi Tishnagi Ka Silsila

Sallimu Tasleema

Dono Aalam Mein Munawwar Ik Usi Ke Faiz Se
Door Tak Hai Apkee Be Saayegi Ka Silsila

Sirf Ahle Hosh Hi Aaqa Ke Deewany Nahi
Ik Alag Dunya Hai Yeh Deewangi Ka Silsila

Reedh Ki Haddi Par Jaisa Hai Badan Thehra Hua
Qasre Kun Mein Hai Yun Hi Aale Nabi Ka Silsila

Awwal O Aakhir Se Jiske Koi Bhi Waaqif Nahi
Salasil Mein Hai Ik Sarkar Hi Ka Silsila

Gumbade Khazra Khudai Noor Ka Woh Ghar Hai Shauq
Jis Ke Zere Saya Hai Har Roshni Ka Silsila

Hawase Deed Ye Kehti Hai Abhi Kya Dekha

Kis Ne Us Paikare Anwaar Ko Poora Dekha
Jitna Dekha Gaya Har Ik Ne Bas Utna Dekha

Dekhne Ko to Kai Baar Madinah Dekha
Dekhna Bolte Hain Jis Ko Na Waisa Dekha

Jitna Jalwa Shahe Lolaak Lama Ka Dekha
Hawase Deed Yeh Kehti Hai Abhi Kya Dekha

Sallimu Tasleema

Mar Gaye Kufro Zalalat Ke Andhere Kitne
Haq Ke Sooraj Ko Jo Faraa Se Chamakta Dekha

Qudrat Allah Ki Hai Shaane Nubuwwat Kya Hai
Sangrezo Ko Bhi Parhte Hue Kalma Dekha

Thak Gaye Zulmo Sitam Tod Ke Qaatil Saare
Phir Bhi Damane Karam Un Ka Na Mela Dekha

Raaz Sarkar Ke Sarkar Hi Behtar Jaanen
Qaaba Qosain Mein Kya Kya Hua Kya Kya Dekha

Dil O Jaan Un Se Munawwar Hain to Hairat Kya Hai
Unkay Qadmon Se to Ghaaro Mein Ujala Dekha

Unkay Jalwo Mein Hai Anwaar Ka Aalam Aisa
Dekhnay Walon Ko Bhi Noor Mein Dooba Dekha

Shauq Khalqat Jinhin Kehti Hai Madeeney Walay
Sau Saharo Ka Unhein Ek Sahara Dekha

Us Ne Sab Dekh Liya Jis Ne Madina Dekha

Ajab Aijaz Tera Roza Khazra Dekha
Jis Ko Dekha Tere Deedar Ka Pyasa Dekha

Noore Haq, Khulde Bari Arshe Mualla Dekha
Us Ne Sab Dekh Liya Jis Ne Madina Dekha

Unkay Jalwo Ka Yeh Ejaaz Nirala Dekha
Boltaa Koi Nahi Jis Ne Jo Dekha Dekha

Uski Duniya Kabhi Tareek Nahi Ho Sakti
Jis Ne Sarkar Ke Qadmon Ka Ujala Dekha

Mein to Ik Umar Se Raste Mein Para Hon Unke
Kis Zubaan Se Kahoon Sarkar Ka Rasta Dekha

Khaak Kya Noor Ki Khalqat Pe Sharf Paati Thi
Unheen Nisbat Se Maqame Bashar Ouncha Dekha

Ilm Ka Shehar to Phir Shehar Hai Ilm Haq Ka
Uskay Darwazay Ko Bhi Feham Se Baala Dekha

Har Zamane Mein Woh Allah Ke Mehboob Rahay
Jin Nazar Walon Ne Sarkar Ko Samjha Dekha

Sallimu Tasleema

Azmaton Ka Woh Samandar Hain Madeeney Walay
Jis Samandar Ka Kisi Ne Na Kinara Dekha

Khaake Paaye Nabi Chehray Pay Jab Apne Mil Li
Apna Chehra Na Nazar Aaya Jo Chehra Dekha

Naate Sarkar Ka Maidan Hai Shauq Itna Wasee
Tang Alfaaz O Maani Ka Libada Dekha

Har Ek Haadse Ne Rasta Diya Hai Mujhe

Shahe Madina Ka Gham Haq Ne Kya Diya Hai Mujhe
Zamane Bhar Ke Ghamo Se Bacha Diya Hai Mujhe

Khudaye Pak Ne Taiba Dikha Diya Mujhe
Bade Saliqay Se Mera Pata Diya Hai Mujhe

Hujoome Gham Mein Puraka Hai Jab Bhi Aqa Ko
Har Aik Haadse Ne Rasta Diya Hai Mujhe

Nabi Ke Hijr Ka Ehsas Jaan Lewa Tha
Khuda Ka Shukar Ke Zauqe Fanaa Diya Hai Mujhe

Har Aik Saans Ko Yaado Ki Roshni De Kar
Karam Ka Aap Ne Ik Silsila Diya Hai Mujhe

Sallimu Tasleema

Dikha Ke Shah Huda Ne Dayaare Noor Apna
Dil O Dimagh Hi Kya Jagmaga Diya Hai Mujhe

Ataa Huzoor Ki Kis Ki Samajh Mein Aati Hai
Diya Hai Jo Bhi Talabb Se Siwa Diya Hai Mujhe

Main Us Ki Deen Ke Sadqe Ke Deen Duniya Mein
Waseela Sahibe Qosain Ka Diya Hai Mujhe

Karam Huzoor Ka Hai Shauq Zindagi Meri
Qadam Qadam Par Naya Hosla Diya Hai Mujhe

Guzar Basar Ko Dare Mustafa Diya Hai Mujhe

Ghamo Ki Dhoop Ne Jab Bhi Thaka Diya Hai Mujhe
Nabi Ne Saya -e- Daman Ghana Diya Hai Mujhe

Khuda Ne Martaba Kitna Bara Diya Hai Mujhe
Dare Rasool Ka Mangta Bana Diya Hai Mujhe

Azal Mein Mere Thikaane Ka Jab Sawal Aaya
Guzar Basar Ko Dare Mustafa Diya Hai Mujhe

Yahan to Naqshe Qadam Mein Huzoor Ke Ya Rab
Diya Hai Qalb Ke Ghaare Hara Diya Hai Mujhe

Ajab Hai Roza -e- Aaqa Ki Noor Samani
Dikha Ke Jalwa Mujhi Se Chhupa Diya Hai Mujhe

Sallimu Tasleema

Junoone Ishhe Nabi Kya Khabar Kahan Laya
Ye Rango Boo Ka Chaman dhoka Baadiya Hai Mujhe

Khud Apne Aap Ka Mujh Ko Shuoor Hi Kab Tha
Tumhare Faiz Ne Hoshe Ana Diya Hai Mujhe

Jahan Bhi Zulmatein Gehri Hui Zamane Ki
Shahe Huda Ne Ujala Hara Diya Hai Mujhe

Rahay Ga Shauq Na Daman Mera Kabhi Khaali
Nabi Ne Sadqa -e- Aale Iba Diya Hai Mujhe

Dil Ke Sajdon Ko Wo Naqshe Kafe Pa Hona Hai

Har Ibadat Se Khud Apna Hi Bhala Hona Hai
Deen Darasal Shahe Deen Pe Fida Hona Hai

Jazba -e- Ishhe Nabi Itna Siwa Hona Hai
Jo Bhi Sar Se Nah Utre Woh Nasha Hona Hai

Aap Ke Qadmon Ne Ghaaro Ko Ujala Bakhsha
Kabhi Roshan Mere Dil Ka Bhi Hira Hona Hai

Sir Ke Sajde to Kahin Bhi Kiye Ja Sakte Hain
Dil Ke Sajdon Ko Wo Naqshe Kafe Pa Hona Hai

Baabe Rehmat to Shabo Roz Khula Hai Un Ka
Pehle Darwaaza -e- Dil Apna Khula Hona Hai

Sallimu Tasleema

Un Ke Ehsanon Ka Haq Hum Se Ada Kya Hoga
Shukar Ada Ho Nah Saka Jitna Ada Hona Hai

Chhod Kar Raahe Nabi Ghir Gaye Afaat Mein Hum
Naam Ghaflat Ka Giriftare Balaa Hona Hai

Manzil Qurbe Nabi Sahal Nahi Hai Koi
Apne Honay Ka Tasawwur Bhi Fanaa Hona Hai

Rooh Mein Un Ki Mohabbat Ka Ujala Bhar Lo
Ek Din Jism Ko Mitti Ki Ghiza Hona Hai

Saans Le Shauq Andheron Ki Fiza Mein Kab Tak
Dil Ka Zulmat Kada Anwaar Kada Hona Hai

Un Se Doori Khud Apne Se Juda Hona Hai

Ghame Duniya Se Agar Ohda Bar Aa Hona Hai
Dil Bah Har Haal Madeeney Se Juda Hona Hai

Itna Mehka Hua Damaane Wila Hona Hai
Meri Saanson Ko Madeeney Ki Hawa Hona Hai

Sabz Gumbad Hai Khayalon Par Musallat Itna
Har Nazara Meri Nazron Ko Hara Hona Hai

Sallimu Tasleema

Zindagi Roz Ki Ik Taaza Qayamat Hi Sahi
Un Se Doori to Khud Apne Se Juda Hona Hai

Haath Phailaye Hue Dar Pay Khada Hona
Lekin Khud Mujhe Hosh Nahi Hai Mujhe Kya Hona Hai

In Charaghoon Se Nah Hogi Meri Dunya Raushan
Noor Sarkar Ke Qadmon Ka Zara Hona Hai

Aye Ghame Hijre Nabi Aur Karam Kar Itna
Be Zuba Aansuo Ko Dil Ki Sada Hona Hai

Hum Ko Itna Bhi Shuoore Karam Aaqa Ka Nahi
Karam Unka Hai Har Ik Haal Mein "Ya Hona Hai"

Shauq Mar Kar Bhi Yahan Se Kahin Jane Ka Nahi
Jo Bhi Hona Hai Isi Dar Se Ataa Hona Hai

Dunya Ka Hai Dastoor Unhein Deewana Samajhna

Taiba Ko Faqat Shehre Nabi Ka Na Samjhna
Toheed Ki Manzil Hai Yeh Rasta Na Samjhna

Aye Gumbade Khazra Tujhe Kya Kya Na Samjhna
Qausain Ki Sarhad Ke Nabi Khanah Samjhna

Sallimu Tasleema

Jalva Woh Hai Un Ka Ke Nazar Jim Nahi Sakti
Parde Ka Woh Aalam Hai Ke Parda Na Samjhna

Khoye Hue Rehtay Hain Jo Anwaare Nabi Mein
Duniya Ka Hai Dastoor Unhein Deewana Samjhna
Kya Hum Pe Khule Azmate Sultane Madina
Hai Jab Ke Samajhney Se Ziyada Nah Samjhna

Faizane Nubuwat Az Azal Ta Ba Abad Hai
Pabande Zamana Use Kehna Na Samjhna

Aaqa Ki Judai Ka Jo Gham Janna Chahe
Be Chaargiye Ustun Hannana Samajhna

Sarkar Kisi Rukh Se Samajh Mein Nahi Aate
Yaksaa Hai Zamane Ka Samjhna Na Samajhna

Jis Dil Mein Nah Ho Jalwagiri Shahe Huda Ki
Bhoolay Se Bhi Ghar is Ko Khuda Ka Nah Samjhna

Jitni Hai Samajh Jis Ki Samjhta Hai Woh Utna
Sarkar Bhi Itne Hi Hain Aisa Nah Samjhna

Aaqa Ke Taaruf Ka Talluq Hai Jahan Tak
Miyaar Nazar Sab Ka Judagana Samjhna

Woh Zaat Bhi Noori Hai Woh Kirdaar Bhi Noori
Kis Tarah Ujale Ko Ujala Nah Samajhna

Nabiyo Se Bhi Samjhe Na Gaye Jab Shahe Taiba
Kya Cheez Hai Shauq Un Ko Hamara Na Samjhna

Khuda Paraston Ko Kya Kaam Aisho Raahat Se

Zuhoor Paaya Hai Be Soorati Ne Soorat Se
Hua Hai Haq Mutaarif Rasoolo Rehmat Se

Uthega Parda Kahan Chehra -e- Haqeeqat Se
Tajallii Pehli Hai Mosoom Khud Nubuwwat Se

Kise Thi Aagahi Quran Ki Manwiyat Se
Khuka Hai Lafzon Ka Batin Nabi Ki Seerat Se

Ho Kaun Bakhabar is Noor Ki Jasamat Se
Lateef Hai Jo Rooho Ki Bhi Latafat Se Hai

Woh Zaat Jo Hai Ibarat Khuda Ki Qudrat Se
Bharam Hai Kono Makan Ka Usi Ki Nisbat Se

Samajh Mein Aata Hai Qausain Ki Isharat Se
Wo Qurb Jis Ka Talluq Nahi Wazahat Se

Kahin Bhi Surkhuru Insaan Ho Nahi Sakta
Guraiz Kar Ke Madine Ki Markaziat Se

Sallimu Tasleema

Us Ummiyat Par Tassaduq Hai Ilmiyat Saari
Khudai Raaz Khule Jis Ki Qabliyat Se

Khuda Ke Deen Ko Kya Kya Na Aitbaar Mila
Rasoole Pak Ki Tareekh Saaz Hijrat Se

Hayaate Pak Ka Har Rukh Hai Kitna Noorani
Pata Yeh Chalta Hai Quran Ki Aayat Aayat Se

Dilo Nazar Mein Hai Taiba Ki Roshni Jab Tak
Darega Kaun Andheron Ki Aksariyat Se

Rasoole Pak Ki Meeras Shauq Yeh Bhi Hai
Khuda Paraston Ko Kya Kaam Aish O Raahat Se

Un Ka Jalwa Dekhne Ko Aankh Wala Chahiye

Jazba -e- Ishqe Nabi Itna to Aana Chahiye
Apni Hasti Ka Taaruf Bhi Madinah Chahiye

Chahane Ko to Bahut Kuchh Hai Magar Kya Chahiye
Dekh Kar Jalva Nabi Ka Kis Ko Dekha Chahiye

Bandagi Se Kaamilul Imaan Koi Hota Nahi
Hubbe Aaqa Jaan Se Apni Ziyada Chahiye

Sallimu Tasleema

Rooh Ko Kya Jagmagayenge Yeh Duniya Ke Chiragh
Do Jahan Roshan Hain Jis Se Woh Ujala Chahiye

Toor Ka Manzar Alag Qausain Ka Manzar Alag
Jaisa Jalwa Dekhne Wala Bhi Waisa Chahiye

Silsila Sadiiyon Se Jaari Hai Samajhney Ka Unhein
Kon Jane Aur Abhi Kitna Zamana Chahiye

Makhzane Anwaare Haq Sara Madina Hai Magar
Sabz Gunbad Ka Woh Aalam Hai Ke Dekha Chahiye

Khalq Ne Allah Ko Jana Rasoolullah Se
Haq Rasa Hone Ko Bhi Unka Waseela Chahiye

Hai Har Ek Aalam Mein Aaqa Ki Juda Jalwa Gari
Hum Ko Hosh Itna Kahan Jitna Ke Hona Chahiye

Man Raani Se Khuli Shaane Jamale Mustafa
Noor Jalwe Ke Liye Bhi Noor Chehra Chahiye

Har Nazar Sarkar Ka Deedar Kar Sakti Nahi
Un Ka Jalwa Dekhne Ko Aankh Wala Chahiye

Jiski Manzil Hai Azal Se Noor Ki Be Saayegi
Ya Nabi Damane Rehmat Ka Woh Saaya Chahiye

Shauq Raahe Ishq Mein Hoshe Fanaa Darkaar Hai
Pehlay Jeena Aa to Aa Jaaye Baad Marna Chahiye

Seerate Shaah Rasoola Kis Qadr Tehdaar Hai

Sabz Gumbad Woh Khudai Noor Ka Miyaar Hai
Farsh Se Taa Arsh Jis Ka Halqa -e- Anwaar Hai

Kitni Miyaari Hayaate Syede Abrar Hai
Jo Kalaam Pak Hai Woh Aap Ka Kirdaar Hai

Zindah Ho Jata Hai Har Insaan Ka Murda Zameer
Aap Ke Afwo Karam Ka Waar Aisa Waar Hai

Apni Apni Aql Ki Had Mein Sana Khwan Hain Sabhi
Woh Kise Maloom Jo Sarkar Ka Miyaar Hai

Ek Rukh Bhi Aaj Tak Poora Na Samjha Ja Saka
Seerate Shahe Rasoolan Kis Qadr Tehdaar Hai

Sirf in Kuntum Tuhibbuni Ka Rasta Hai Khula
Isse Hat Kar Haq Rassi Ki Baat Hi Bekar Hai

Ho Ke Reh Jata Hai Gum Sum Jo Bhi Aata Hai Yahan
Aap Ka Darbaar Aisa Rahmati Darbaar Hai

Zindagi Chahe Kisi Manzil Mein Bhi Ho Ya Nabi
Aap Ki Chasham Karam Har Haal Mein Darkaar Hai

Shauq Kya Kya Jaanisaraane Rasoolullah the
Soch Bhi Satke Nahi Hum Un Ka Woh Miyaar Hai

Dil Agar Bedaar Hai to Zindagi Bedaar Hai

Ishqe Sarwar Mein Ana Sabse Badi Deewar Hai
Yeh Na Ho to Waadi -e- Dil Khude Hira Ka Ghaar Hai

Zikre Shahe Deen Se Ghaflat Mout Ka Bazaar Hai
Dil Agar Bedaar Hai to Zindagi Bedaar Hai

Har Hadeese Pak Agarce Makhzane Asraar Hai
Yeh Kahan Miyaare Aaqa Aql Ka Miyaar Hai

Noor Ke Markaz Se Hat Kar Dhoondta Hai Roshni
Jo Nabi Ko Rakh Ke Bhi Minnat Kash Aghyar Hai

Azdaha Banna Asaa -e- Mooswi Ki Shaan Thi
Aake Daste Pak Mein Shaakh Shajar Talwar Hai

Mout Achhi Hai Ke Ho Jata Hai Deedare Nabi
Deed Ki Hasrat Mein Jeena Mustaqil Azaar Hai

Saaray Miyaraate Insani Jahan Par Khatm Hain
Seerat Shahe Umam Woh Aakhri Miyaar Hai

Sallimu Tasleema

Husne Yusuf Dekh Kar to Kuchh Kati Thi Ungliya
Sir Yahan Be Dekhe Kat'te Hain Yeh Wo Shahkar Hai

Ek Pal Mein Shauq Sadiyo Ka Safar Tay Ho Gaya
Kis Qadar Wo Noore Qausaini Nazar Raftar Hai

Sab Kuch Unhi Ka Tha Yahan Sab Kuch Unhi Ka Hai

Izhaar Jin Ki Zaat Se Ganje Khafi Ka Hai
Maqsad Sadaye Kun Ka Taaruf Nabi Ka Hai

Daar O Madaar Jis Pay Khuda Aagahi Ka Hai
Kaunain Mein Maujood Woh Tanha Nabi Ka Hai

Ghaib O Shuhood Dono Pe Qabza Nabi Ka Hai
Sab Kuchh Unhi Ka Tha Yahan Sab Kuchh Unhi Ka Hai

Aana Pada Bashakle Bashar Jibreel Ko
Nisbat Se Aap Ki Woh Sharf Aadmi Ka Hai

Khote Zamane Bhar Ke Jo the Ho Gaye Khare
Kitna Karam Huzoor Ki Jalva Giri Ka Hai

Har Lafz Mein Hai Seerat Suroor Ki Roshni
Quran Woh Suboot Hayaatunnabi Ka Hai

Sallimu Tasleema

Jhulsa Sakegi Dhoop Hawadis Ki Kya Humein
Saaya Saro Pe Aap Ki Be Saayegi Ka Hai

Sooraj Se Roshni Ka Talluq Hai Jis Tarah
Aisa Hi Rabt Khalq Se Noore Nabi Ka Hai

Hum Jee Rahay Hain Sadqe Mein Unke to Kya Ajab
Takhleeq Kaayenaat Ki Sadqa Unhi Ka Hai

Shauq Apne Paas is Se Bada Wasita Hai Kya
Sara Bharam Madeeney Se Wabastagi Ka Hai

Sirf Us Ko Kaayenaat Mein Haq Zindagi Ka Hai

Ishqe Rasool Naam Khuda Aagahi Ka Hai
Jis Par Bina Hai Deen Ki Kalma Nabi Ka Hai

Noore Khuda Hi Noore Shahe Hashmi Ka Hai
Tauheed Ke Khilaaf Tasawwur Doi Ka Hai

Maqsad Dare Rasoole Khuda Jis Kisi Ka Hai
Sirf Usko Kaayenaat Mein Haq Zindagi Ka Hai

Misle Bashar Ke Jab Se Qadam Arsh Par Gaye
Is Din Se Aasman Pe Dimagh Aadmi Ka Hai

Sallimu Tasleema

Khud Umre Kaayenaat Taweel is Qader Nahi
Jitna Zamana Aap Ki Paigambri Ka Hai

Islam Dushmani Mein Wahi Pesh Pesh Hain
Jazba Dilon Mein Jin Ke Nabi Dushmani Ka Hai

Duniya Mein Kaise Kaise Ujalay Nahi Magar
Aijaz Hi Kuch Aur Hari Roshni Ka Hai

Naapi Gayi Na Qaamate Kirdaar Aaj Tak
Andaza Kis Ko Aap Ki Qad Aawri Ka Hai

Qibla Bana Diya Gaya Baitul Haraam Ko
Kitna Khayaal Haq Ko Tumhari Khushi Ka Hai

Anwaare Baatini Ka Pata Shauq Abhi Kahan
Shaida Har Aik Roshni Zahiri Ka Hai

Faasla Kitna Madine Se Hai Jannat Ke Liye

Zaate Be Saaya Ka Faiz Aisa Hai Khalqat Ke Liye
Jaisay Barsaat Zaroori Hai Zara'at Ke Liye

Yahi Kya Kam Hai Shahe Dee'n Ki Fazeelat Ke Liye
Sab Ke Baad Aaye Hain Woh Sab Ki Imammat Ke Liye

Sallimu Tasleema

Hai Agar Hashr Hisabaat O Adalat Ke Liye
Konsa Din Hai Gunahgaaron Par Rehmat Ke Liye

Shabe Asra Jo Qadam Arsh Ne Hazrat Ke Liye
Rasta Pad Gaya Auje Bashriyat Ke Liye

Jis Se Chahein Woh Padha Lete Hain Kalma Apna
Kya Shajar Kya Hajar Iqraare Risalat Ke Liye

Saya Gumbade Khazra Mein Thehar Kar Dekho
Faasla Kitna Madeeney Se Hai Jannat Ke Liye

Hum Ko Ik Nisbat Sultane Madinah Bas Hai
Dono Aalam Mein Ujalon Ki Zamanat Ke Liye

Naat Jis Sanaf Mein Ho Naat Hi Kehlati Hai
Naat Makhsos Nahi Hai Kisi Hi'at Ke Liye

Aap Ke Baad Nabi Koi Nahi Ho Sakta Mohar Qudrat
Ki Lagi Hai Khatme Nubuwwat Ke Liye

Mushafe Rooye Nabi Qalb Ki Mehrab Mein Hai
Raat Din Mujh Ko Sahoolat Hai Tilawat Ke Liye

Naz Hai Shauq Mujhe Unke Karam Par Aisa
Khud Ko Becha Na Kabhi Doulat O Shohrat Ke Liye

Husn Takhleeq Hua Hai Isi Soorat Ke Liye

Ashk Aankhon Mein Gunaaho Ki Nadamat Ke Liye
Dar Rehmat Pay Sabhi Atay Hain Rehmat Ke Liye

Harfe Aakhir Hain Woh Har Azmato Rif'at Ke Liye
Qibla Tabdeel Hua Jin Ki Ibadat Ke Liye

Qable Aadam Shahe Dee'n Kyun Na Ho Bisat Ke Liye
Pehlay Bunyaad Zaroori Hai Imarat Ke Liye

Moujza Hai Woh Jamale Rukhe Anwar Kya Hai
Husn Takhleeq Hua Hai Isi Soorat Ke Liye

Kaam Deewano Ko Kya Khulde Baree Se Waaiz
Woh Bhi Darkaar Hai Sarkar Ki Qurbat Ke Liye

Haq Ka Mansha Kahan Alfaaz Bata Satke the
Seerate Pak Hai Quran Ki Wazahat Ke Liye

Kin Ki Taamer Hai Thehri Hui Hai Wajhe Kun Par
Chhat Nahin Rehti Sahara Jo Na Ho Chhat Ke Liye

Un Ki Khidmat Ko Mein Ehsaas Nahi Kehta Apna
Inka Ahsaa Hai Jo Rakkha Mujhe Khidmat Ke Liye

Sallimu Tasleema

Aaj Ummat Usi Aaqaa Ko Bhula Baithi Hai
Uth Ke Raato Ko Woh Rote the Jis Ummat Ke Liye

Mojzaati Shabe Asra Ka Safar Hai Kitna
Sirf Ik Pal Laga Sadiyo Ki Masafat Ke Liye

Sirf Wabastagi -e- Damane Aqdas Ke Siwa
Konsi Cheez Hai Imaan Ki Hararat Ke Liye

Sir Rakho Shauq Nishanaate Qadam Par Un Ke
Sajda Wajib Hai Har Ik Sajde Ki Aayat Ke Liye

Jaan Jaye Gi Magar Dil Se Na Jalwe Jayenge

Kya Hain Aamaal Apne Jo Mehshar Mein Taule Jayenge
Hum Faqat Sarkar Ke Sadqe Mein Bakhshs Jayenge

Log Aik Ik Baat Ki Tehqeeq Karte Jayengay
Yeh Nah Samjhoo Sarware Deen Phir Bhi Samjhay Jayengay

Be Tavassut Ghar Khuda Ke Bhi Na Jaya Jaayega
Jayenge Kaabe Ko to Taiba Se Hote Jayenge

Sab Ko Kamli Ki Zaroorat Mahsoos Hogi Usi Ghari
Dhoop Mein Mahshar Ke Jab Ke Paseene Jayenge

Jaano Dil Mein Bas Gaye Hain Unke Jalwe is Qadr
Jaan Jaegi Magar Dil Se Na Jalwe Jayengay

Sallimu Tasleema

Jitni Qurbat Jinko Hogi Sahib Lawlaak Se
Haq Ki Qurbat Se Woh Log Utne Nawaze Jayenge

Qalb Ko Roshan Rakho Ishqe Sarapa Noor Se
Qalb Dekhe Jayenge Chehre Na Dekhe Jayenge

Aap Se Zinda Hai Naam Insaaniyat Ka Deher Mein
Apke Ahsaan Aaqa Kis Se Bhooley Jayenge

Sabz Gumbad Ke Tasawwur Ko Mujassam Karlo Shauq
Deeda Dil Ke Andhere Jaate Jayenge

Kya Hai Apne Paas Jayenge To Kya Le Jayenge

Dil Mein Arman to Bahut Hai Hum Madeeney Jayengay
Kya Hai Apne Paas Jayengay to Kya Le Jayengay

Hum Kahan Hat Kar Nabi Ke Astane Jayengay
Unke Saaye Mein Jiyenge Un Par Sadqe Jayengay

Parda -e- Misle Bashir Par Jab Nazar Jamti Nahi
Shah Deen Parde Ke Andar Kis Se Dekhe Jayenge

Kon Apna Aasra Un Ke Siwa Aalam Mein
Hai Dam Bah Dam Humya Rasoolallah Bole Jayenge

Damane Seerat Pe Dhabba Lag Nahi Sakta Koi
Khaak Udane Waale Hardam Khaak Udate Jayenge

Sallimu Tasleema

Zindagi Allah Ne Di Jinke Sadqe Mein Humein
Zindagi Bhar Hum Unhi Qadmon Pay Sadqe Jayenge

Woh Hijabomein Hain Jab Tak Hosh Mein Hai Har Koi
Be Hijaab Aa Jayenge to Hosh Udate Jayenge

Daaghe Ishq Sahibe Qosain Hain Jin Mein Nihaa
Noore Mutlaq Se Wahi Dil Shauq Ujalay Jayengay

Ishhq Sarkar Mein Har Gham Se Guzar Jana Hai

Zindagi Mein Hamein Ik Kaam Yeh Kar Jana Hai
Ishhq Sarkar Mein Har Gham Se Guzar Jana Hai

Har Nafs Khud Se Bichadna Hai Bikhra Jana Hai
Zindagi Doori -e- Sarkar Ka Harjana Hai

Noor Ko Jis Ne Libade Se Bashra Jana Hai
Be Nazar Honay Ko Bhi Us Ne Nazar Jana Hai

Dare Sarkar Par Ba Deeda -e- Tar Jana Hai
Hum Ko Tay Kar Ke Har Ek Gham Ka Safar Jana Hai

Shehre Taiba Hai Woh Manzil Safare Hasti Ki
Shauq Se Jabr Se Jaana Hai Magar Jaana Hai

Log Kya Kya Yahan Jeene Ka Hunar Jante Hain
Hum Ne Sarkar Pe Marne Ko Hunar Jaana Hai

Sallimu Tasleema

Rahe Aaqa Mein Qadam Rakhne Ke Maayene Yeh Hain
Nasha -e- Za'ame Ana Sar Se Utar Jana Hai

Dekh Kar Sarware Konain Ke Jalwe Dil Mein
Ghar Ko Allah Ke Sarkar Ka Ghar Jana Hai

Qadre Taiba Ke Ujalon Ki Usi Se Puchho
Jis Ne Dunya Ko Andhere Ka Safar Jana Hai

Hai Hijbaate Tajallii Se Ibaarat Dunya
Hashr Chehre Se Niqaab Unkay Utar Jana Hai

Hijre Sarkar Mein Jeena Nahi Jeena Aye Shauq
Dar Haqeeqat Kayi Aqsaat Mein Mar Janaa Hai

Wahi Ik Zaat Tanha Hai Har Ik Aaina Khane Mein

Chamakte Hain Woh Jalwe Noore Kul Ke Aastane Mein
Khudai Mahw Hai Sadiyon Se Jaano Dil Lutane Mein

Baseerat Tak Pareshan Hai Un Ki Haqeeqat Paane Mein
Ajab Hai Raaze Qudrat Meem Ko Parda Banane Mein

Ujala Deen Ka Yuhin Nahi Phaila Zamane Mein
Lagi Jaano Ki Baazi Kaabay Ko Kaaba Bananay Mein

Nazar Un Ki Shuhodo Ghaib Par Hai Har Zamane Mein
Wahi Ik Zaat Tanha Hai Har Ik Aaina Khane Mein

Sallimu Tasleema

Ata Karte Hain Sab Kuchh Khalq Ko Khud Kuchh Nahi Rakhte
Khudai Naematain Kya Kya Nahi Unke Khazanay Mein

Wujoode Do Jahaan Min Noor Jalwo Se Ibarat Hai
Jamale Pak Hai Kono Makaan Ke Taane Baane Mein

Marey Aaq Ki Seerat Ke Charagh Aisay Firozaa Hain
Zamane Roshni Paate Rahenge Har Zamane Mein

Nubuwwat Unki Jab Takhleeq Adam Se Bhi Pehle Hai
Nubuwwat Ka Gharana Un Mein Hai Ya Woh Gharane Mein

Ghame Sarwar Mein Bhi Rone Ke Kuch Aadaab Hote Hain
Maza Ashkon Ke Peenay Ka Nahee Ansoo Bahane Mein

Unhi Ke Sar Pe Taaj Rehmatullil Aalamini Hai
Ujalay Un Ki Rahmat Ke Hain Har Ik Aastane Mein

Rakho Zikre Nabi Se Shauq Aisa Rabita Har Dam
Tasalsul Jis Tarah Hai Har Nafs Ke Anay Jaane Mein

Jab Tak Hai Kaayenaat Imamati Ali Ki Hai

Jazbe Nubuwwat Aisi Wilayat Ali Ki Hai
Seerat Jo Hai Nabi Ki Woh Seerat Ali Ki Hai

Tameere Deene Haq Mein Woh Khidmat Ali Ki Hai
Jab Tak Hai Kaayenaat Imamati Ali Ki Hai

Sallimu Tasleema

Jab Se "Abu Turab" Kaha Hai Huzoor Ne
Har Khitta -e- Zamee Pay Hukoomat Ali Ki Hai

Shaamil Kiya Na Nafs Ko Marhab Ke Qatal Mein
Khaibar Se Badh Ke is Mein Shujaiat Ali Ki Hai

Niklay Ali Ke Ghar Se Wilayat Ke Silsilay
Har Silsilay Ko Ab Bhi Zaroorat Ali Ki Hai

Chhoo Bhi Saken Na Fikre Bashar Ki Bulandiya
Qad Aawar is Qadr Bashriyat Ali Ki Hai

Darwaaza Shehre Ilm Ka Yuhin Nahi Ali
Noore Rasoole Pak Baseerat Ali Ki Hai

Mumkin Nahi Ali Se Mufar Haq Shanaas Ko
Imaan Ka Saboot Mohabbat Ali Ki Hai

Qaamat Se Unki Chhootay Hain Lafzon Ke Perhan
Woh Ilm Woh Shu'oor Woh Azmat Ali Ki Hai

Man Kuntu Ki Hadees Se Saaf Aashkaar Hai
Kya Be Panah Shaan Fazeelat Ali Ki Hai

Noore Najaf Nahi Hai Kahan Shauq Jalva Gar
Koi Ho Shama, Roshni Hazrat Ali Ki Hai

**Mustafa Hi Mustafa Shehzadi -e-
Kaunain Hain**

Jazbe Shahe Ambiya Shehzadi -e- Kaunain Hain
Mustafai Aaina Shehzadi -e- Kaunain Hain

Markaze Aale Ibaa Shehzadi -e- Kaunain Hain
Deeno Imaa Ki Jila Shehzadi -e- Kaunain Hain

Aalame Niswaniat Ki Aabroo Kaunain Mein
Sayeda Kherun Nisa Shehzadi -e- Kaunain Hain

Roshni Chhanti Hai Jis Se Jalwa -e- Min Noor Ki
Aisi Tatheeri Rida Shehzadi Kaunain Hain

Khoone Khatmul Mursaleen Jinki Ragon Mein Hai Rawan
Woh Batool Wa Fatima Shehzadi Kaunain Hain

Soorato Seerat Mein Andaazo Ada Mein Shaan Mein
Mustafa Hi Mustafa Shehzadi -e- Kaunain Hain

Mlite Hain Maayene Jahan Quran Ke Alfaaz Ko
Woh Gharana Noor Ka Shehzadi -e- Konain Hain

Faiz Ka Makhzan Hai Unki Zaat Kitno Ke Liye
Silsila Dar Silsila Shehzadi -e- Kaunain Hain

Sallimu Tasleema

Ramz La Yahzagoon Mein Jitni Bhi Hain Hastiyan
Un Sabhon Ki Walida Shehzadi -e- Kaunain Hain

Hain Kahan Shayane Shaan Alfaaz Midhat Ke Liye
Fikar Se Bhi Mawaraa Shehzadi -e- Kaunain Hain

Jinke Qadmon Tak Rasai Auliya Ki Bhi Nahi
Shoq Wo "Ainul Haya" Shehzadi -e- Kaunain Hain

Ghaus Azam Hain Nubuwwat Ke Gharane Walay

Ghausiyat Ko Jo Hain Saanson Mein Basanay Waale
Dar Haqeeqat Hain Wahi Dil Nabi Khaane Waale

Shaane Min Noor Tajallii Ki Dikhaane Waale
Ghaus Azam Hain Nubuwwat Ke Gharane Waale

Haadsay Jin Ko Samajhte Hain Zamane Waale
Yeh Waseele Hain Hamein Un Se Milaane Waale

Manzil Apni Dare Aaqa Ko Bananay Waale
Jaane Waale Hain Kahin Aur Na Aane Waale

Saans Roke Hue Aate Hain Tere Kooche Mein
Hukum Apna Meh Wa Anjum Pay Chalanay Walay

Ye Faqat Un Ka Karam Hai Ke Jiye Jata Hoon
Warna Jeene Kahan Dete Hain Zamane Waale

Sallimu Tasleema

Zarf Jitna Rahe Utna to Sabhi Dete Hain
Aap Hain Zarf Bada Kar Ke Pilane Waale

Jalwa Gar Gumbade Khazra Hai is Aaiine Mein
Ghause Aazam Hain Azal Se Harey Baane Waale

Shahe Jilaa'n Ke Maratib Ki Hade Tak Na Mili
Thak Gaye Koshishein Kar Ke Zamane Waale

Laakh Khush Rang Hon Lafzon Ke Libade Lekin
Mere Aaqa Nahin Lafzon Mein Samane Waale

Itna Ooncha Nahi Miyaare Nazar Har Ik Ka
Unkay Jalwe Nahi Sab Ko Nazar Aane Waale

Aam Har Daur Mein Hai Faiz Rasani Un Ki
Be Thikanon Ko Banate Hain Thikaane Wale

Saans Lete Hain Jo Baghdad Ke Anwaar Mein Shauq
Hain Charagh Unke Khud Aandhi Ko Bujhane Waale

Kon Aye Shahe Jilaa Teri Manzil Ka Pata De

Suntay Hain Barabar Jo Tahe Dil Se Sada De S
Sarkar Hussaini Hasani Hain Nabi Zaade

Duniya Mein Kisi Se Koi Kya Le Koi Kya De
Sau Den Ki Ik Den Hai De Jisko Khuda De

Sallimu Tasleema

Mein Daade Wafa Maamgne Walon Mein Nahi Hoon
Tera Hi Karam Hai Kisi Qabil Jo Banade

Raazi Ba Raza Kitne Hain Ghause Samadani
Jo Unke Irade Woh Mashiiyat Ke Irade

Baghdad Ke Kooche. Ki Hawa Tak Nahi Lagti
Jab Tak Na Koi Hoshe Ana Apna Mita De

Abdiyat Qadir Mein Hai Quadrat Ka Woh Aalam
Jis Rukh Ka Zara Jaiza Lo Hosh Uda De

Mushkil Hai Zamane Ke Andheron Se Niklana
Be Noor Hain Dil Roshni Qadmon Ki Zara De

Maloom Nahi Kab Ter Mehfil Se Utha Tha
Aik Marey Qadmon Se Hain Liptay Hue Jade

Parday Mein Wilayat Ke Nubuwwat Ke Hain Jalwe
Kon Ae Shahe Jilaa Teri Manzil Ka Pata De

Kaafi Hai Hamein Damane Sarkar Ka Saya
Hon Laakh Khatarnaak Zamane Ke Irade

Zaate Shahe Baghdad Hai Woh Markaze Irfaan
Mlitay Hain Jahan Haq Talabi Ke Kayi Jaade

Koi Nahi is Qaamate Azmat Ke Barabar
Lafzon Ki Qabaayen Ho Ke Fikron Ke Libade

Woh Shaan Woh Riffat Dar Sarkar Ki Hai Shauq
Bhaari Hain Sawaron Par Bhi is Dar Ke Pyaade

Kis Kis Ko Ghause Paak Ne Kya Kya Bana Diya

Allah Ne Kya Wasila Ghausul Wara Diya
Jeene Ka Hum Ko Sabse Bada Aasra Diya

Aijaze Mustafai Ko Naam Ik Naya Diya
Sunnat Ki Pairwi Ko Karamat Bana Diya

Hum Ko Gadai Di Unhein Data Bana Diya
Ye Den Hai Khuda Ki Jise Jo Diya Diya

Faizane Ghaus Ne Jo Ujala Hara Diya
Rishta Dilo Ka Ghaare Hira Se Mila Diya

Uska Pata Bhi Chal Na Saka Kainat Ko
Kis Kis Ko Ghause Paak Ne Kya Kya Bana Diya

Khaaif the Kitne Apni Zabu Haaliyo Se Hum
Irshad La Takhaf Ne Bada Hausla Diya

Kaafi Hai Saaya Damane Sarkar Ka Humein
Kya Gham Hai Waqt Ne Jo Nazar Se Gira Diya

Sallimu Tasleema

Azmat Zubaan Kya Bane Us Zaate Paak Ki
Jisne La Wujood Se Apna Pata Diya

Sarkar Hi Ko Apne Ghulamo Ki Laaj Hai
Dunya Ke Hadiso Ne Dilo Ko Hila Diya

Khutbaate Ghause Paak Hain Anwaare Ghaib Shauq
Kitni Haqeeqato Se Na Parda Utha Diya

Dil Ko Har Ke Kusha Kash Gham Se Chhuda Diya

Haq Ne Wo Rutba Tum Ko Shahe Auliya Diya
Chahe Jise Bhi Jaisa Banana Bana Diya

Aizaze Ghausiyat Tumhein Khaliq Ne Kya Diya
Paiham Tasarrufaat Ka Ek Silsila Diya

Khaki Bashar Ko Ghaus Ne Noori Bana Diya
Roohaniyat Ko Az Sire Nau Jagmaga Diya

Haq Ne Libase Abd Jo Qudrat Numa Diya
Za'eme Ana Mita Ke Shuoore Fana Diya

Lazim Nahin Hai Shart Sawal Unke Wasite
Be Maange Bhi Diya Jise Had Se Siwa Diya

Sallimu Tasleema

Jaagi Hai Zindagi Shahe Jeelan Ke Zikr Se
Jab Bhi Ghame Jahaan Ne Mujhe Dagma Diya

Bujhte Hain Aandhiyo Se Zamane Ke Sab Chiragh
Toofano Ko Bujhata Hai Sarkar Ka Diya

Faizane Ghaus Ne Mujhe Gum Gushtgi Wo Di
Dil Ko Har Ek Kusha Kashe Gham Se Chhuda Diya

Is Fasile Ka Naam Hai Shauq Apni Zindagi
Doori Ne Unke Qadmo Ki Jo Fasila Diya

Khulta Nahin Kisi Pe Jo Unka Maqam Hai

Haaza Wujoodo Jiddi Jo Ailane Aam Hai
Noore Nabi Mein Ghaus Ka Ye Inzemam Hai

Kya Shan Teri Aye Shahe Qudrat Nizaam Hai
Waliyo Ki Gardano Pe Qadam Ka Maqam Hai

Asrare Marfat Tere Khutbo Ka Naam Hai
Kirdar Kya Hai Sunnate Khairul Anaam Hai

Ya Ghaus Auliya Ka Tu Beshak Imam Hai
Bisat Teri Shahadate Maahe Siyaam Hai

Sallimu Tasleema

Un Ko Pukar Kar Hoon Ghamo Mein Bhi Mutmain
Dunya Ke Hadiso Ki Yahi Rokthaam Hai

Noore Nabi Ka Aisa Tayyun Hain Ghause Paak
Khulta Nahin Kisi Pe Jo Unka Maqaam Hai

Masroof Dil Ko Shauq Rakho Yaade Shah Mein
Jo Thamti Hai Nafs Ko Ye Wo Lagaam Hai

Faizane Ghaus Ab Bhi Zamane Mein Aam Hai

Dil Mein Nazar Mein Rooh Mein Jis Ka Qiyaam Hai
Ghausul Wara Ek Aisi Tajalli Ka Naam Hai

Ya Ghaus to Wo Noore Khuda La Kalaam Hai
Haatho Meon Tere Kauno Makaan Ka Nizaam Hai

Jalwa Giri Ka Teri Ajab Ehtimam Hai
Tera Khayal Hi Tera Qaaim Maqaam Hai

Warafta Unki Yaad Ne is Darja Kar Diya
Ab Subh Apni Subh Na Sham Apni Sham Hai

Faizane Ghaus Jab Bhi Zamane Mein Aam Tha
Faizane Ghaus Ab Bhi Zamane Mein Aam Hai

Sallimu Tasleema

Qaaim Hain Unke Zikr Se Saanso Ka Silsila
Jo Saans Zikr Se Rahe Khaali Haraam Hai

Unke Karam Se Shauq Hai Saara Bharam Mera
Jeena Mera Wagarna Khud Ik Itteham Hai

Jo Mila Ghausul Wara Se Wo Khuda Se Ja Mila

Daulate Dunya Mili Uqba Ka Sarmaya Mila
Aap Jis Ko Mil Gaye Sab Kuchh Use Aaqa Mila

Zaat Ka Sarkar Ki Kis Ko Pata Shaha Mila
Har Koi Apni Hado Mein Hosh Gum Karda Mila

Zindagi Ko Aastane La Ubaali Kya Mila
Ghausiyat Ke Faiz Ka Behta Hua Darya Mila

Haq Rasi Ka Wo Wasila Hain Shahe Ghausul Wara
Jo Mila Ghausul Wara Se Wo Khuda Se Ja Mila

Auliya Ki Gardano Par Kaun Rakh Sakta Qadam
Ye Sharf Mila to Aaqa Aapko Tanha Mila

Noore Be Saaya to Hai Idraak Ki Hadd Se Pare
Iska Partu Bhi Mila to Faham Se Baala Mila

Sallimu Tasleema

Ghause Aazam Ke Qadam Aise Wilayat Saaz Hain
Har Wali Sarkar Ke Qadmo Se Wabasta Mila

Aapke Farman Se Baahar Na Dunya Hai Na Deen
Har Jagah Nazm Wa Nasq Par Aap Ka Ghalaba Mila

Ghausiyat Par Sab Nubuwwat Ka Gumaan Karne Lage
Aapki Seerat Ka Har Rukh Itna Taabinda Mila

Partu Hasanain, Shane Mustafa, Anwaare Haq
Jalwa -e- Ghausul Wara Kis Kis Ka Aaina Mila

Ab Kisi Ki Bhi Ghulami Hum Se Hone Ki Nahin
Ghause Aazam Ki Ghulami Mein Maza Aisa Mila

Zindagi Jab Raah Ki Dushwariyo Se Thak Gai
Aapka Faizan Jaano Dil Ko Garmata Mila

Shukr Bhi Mujhse Ada Shauq Iska Ho Sakta Nahin
Meri Ik Ik Saans Par Unka Karam Aisa Mila

Aapka Dar Kya Hua Qudrat Ka Aiwaan Ho Gaya

Aaftabe Ghausiyat Jab Noor Afsha Ho Gaya
Qibla -e- Deen Kaaba -e- Dil Jaane Imaa'n Ho Gaya

Jis Ko Jitna Aapka Ya Ghaus Irfaan Ho Gaya
Chashme Haq Mein Motabar Utna Wo Insan Ho Gaya

Faize Ghause Paak Se Pukhta Jab Imaa Ho Gaya
Maut Bhi Aasan Hui Jeena Bhi Aasan Ho Gaya

Sunnate Khairul Bashar Ka Aks Poora Kya Pada
Har Amal Sarkar Ka Tafseere Quraa'n Ho Gaya

Jalwa -e- Haaza Wujoode Jaddi Ki Wo Shaan Hai
Rauza -e- Baghdad Taibai Gulistaan Ho Gaya

Kitni Roohein Kitne Dil Har Daur Mein Raushan Hue
Unka Jalwa Jab Chiraghe Bazme Imkaan Ho Gaya

Kis Qadr Hai Laaj Allah Ko Unke Naam Ki
Maine Di Unko Sada Allah Nigehbaan Ho Gaya

Aapke Dar Pe Wilayat Sar Jhukaye Kab Se Hai
Aapka Dar Kya Hua Qudrat Ka Aiwaan Ho Gaya

Sallimu Tasleema

Ho Na Paaya Gardishe Duraan Se Wo Khaaif Kabhi
Jo Koi Wabasta Tum Se Shahe Shahaan Ho Gaya

Kab Ke Toofane Hawadis Garq Kar Dete Mujhe
Mere Aaqa Ka Karam Jeene Ka Samaan Ho Gaya

Shauq Dunya Kya Samayegi Nigaho Mein
Zikre Ghause Paak Ka Jazbe Rage Jaan Ho Gaya

Na Ho Ye Log to Maidan Ka Maidan Khali Hai

Jamale Mustafai Har Jihat Mein Zuljalali Hai
Imamat Ho Ke Ghaisyat Ho Poshake Misali Hai

Ataye Ghause Paak Aale Ibaa Andaaz Waali Hai
Use Sab Kuchh Bana Daala Nazar Jis Par Bhi Daali Hai

Mureedi La Takhaf Kitni Tamaniyat Kamali Hai
Ke Main Waali Hoon Jiska Haq Ta'ala Uska Waali Hai

Ajab Aalam Mein Aaqa Bekaso Ki Paayemaali Hai
Ghamo Se Dil Bhara Hai Zindagi Khali Ki Khali Hai

Sarapa Kya Hai Jalwa Hai Shahe Alfakhro Fakhri Ka
Nazar Kya Hai Fahukmi Nafiz Fi Kulli Haali Hai

Sallimu Tasleema

Yun Hi Raushan Nahin Hai Raste Shehre Wilayat Ke
Baquadre Zarf Har Zarre Ne Sooraj Se Ziya Li Hai

Zamane Ke Andhero Ka Kahan Tak Saamna Karte
Wilaye Ghausiyat Ki Shama Seene Mein Jalali Hai

Ye Khaki Jism Ek Din Mitne Waala Hai to Mitne Do
Aqeedat Mitne Waali Hai Na Nisbat Mitne Waali Hai

Tumhara Damane Aqdas Hai Zaamin Manzile Haq Ka
Ye Daman Jis Ne Thama Manzile Haq Us Ne Paa Li Hai

Ghulamane Shahe Baghdad Se Aabad Hai Dunya
Na Ho Ye Log to Maidan Ka Maidan Khali Hai

Nahin Shauq Aas Kis Ko Bargahe Shahe Jeelan Se
Yahan Jo Sar Jhuka Hai Kaasa -e- Daste Sawali Hai

Buro Ki Zimmedari Ghause Aazam Ne Sambhali Hai

Shahe Taiba Se Zaate Ghaus Aisi Ittesali Hai
Wujoode Jaddi Ki Manzil Shanakht Apni Bana Li Hai

Karam Se Unke Koi Saans Khali Thi Na Khali Hai
Wagarna Apni Hasti Kya Hai Ik Naqshe Khayali Hai

Koi Gham Kya Agar Daaman Bhi Khali Dil Bhi Khali
H a i
Salamat Aap Hain to Kis Ko Fikre Khasta Haali Hai

Shahe Baghdad Ka Idraak Apni Khush Khayali Hai
Zameer Unka Hai Noorani Khameer Apna Safaali Hai

Zabu Haali Humari Kis Qadr Taqdeer Waali Hai
Buro Ki Zimmedari Ghause Aazam Ne Sambhali Hai

Nigehdare Do Aalam Zimmedare Nazme Aalam Mein
Jamali Aur Jalali Jo Jihat Hai Etidali Hai

Ye Gosha Sunnato Ki Pairwi Ka Kis Pe Raushan Tha
Karamat Aap Ne Kitne Naye Sanche Mein Dhaali Hai

Sage Dargah Bhi Kehlane Ke Qabil Nahin Hoon Main
Ghulami Ki to Nisbat Aapke Dar Se Laga Li Hai

Sallimu Tasleema

Tumhari Madh Se Rutba Tumhara to Nahin Badhta
Gadayaane Azal Ne Apni Izzat Khud Badha Li Hai

Dare Baghdad Se Taqseem Hoti Hai Muqaddar Ki
Isi Chaukhat Se Milti Hai Jo Nemat Milne Waali Hai

Yahi Deewangi Hai Shauq Maqsad Apne Jeene Ka
Ye Jaano Jism Kya Un Par Fida Jisme Misali Hai

Khayale Ghause Paak Aa Jaata Hai Be Sakhta Hum Ko

Zamane Waale Kya Jaane Bhala is Rabte Baaham Ko
Banaya Haq Ne Aaqa Aapko Dar Ka Gada Hum Ko

Agar Aaye Haqeeqat Ki Nazar Se Dekhna Hum Ko
Nazar Aayegi Ghausiyat Nabi Ka Aaina Hum Ko

Mitana Hi Agar Thehra Hai Aye Zauqe Fana Hum Ko
Tu Kar De Khake Rahe Tajdare Auliya Hum Ko

Bacha Lijiye Karam Se Apne Ya Ghausul Wara Hum Ko
Bahut Kuchh Mil Chuki Aamaal Ki Apne Saza Humko

Dikhaye Laakh Zor Apna Zamane Ki Hawa Hum Ko
Bade Sarkar Ke Dar Ka Sahara Hai Bada Hum Ko

Sallimu Tasleema

Kisi Se Hum Ko Kya Lena Kisi Se Kaam Kya Hum Ko
Unhi Se Maangte Hain Jo Bhi Kuchh Ho Maangna Hum Ko

Faqat Naame Shahe Jeelan Hai Apni Fikr Ka Mahwar
Na Zahir Ka Pata Hum Ko Na Batin Ka Pata Hum Ko

Na Jaane Unke Aizazaat Ka Qad Kitna Uncha Hai
Bahut Chhoti Nazar Aati Hai Lafzo Ki Quba Hum Ko

Sulooko Jazb Ki Raaho Se Shehre Ilmo Irfaan Tak
Nazar Aaye Tum Hi Tum Silsila Dar Silsila Hum Ko

Dare Sarkar Par Baithe Hain Mar Kar Bhi Na Uthenge
Utha Sakti Hai to Aye Gardishe Dauraa Utha Hum Ko

Maqamate Wilayat Ki Jahan Bhi Baat Chalti Hai
Khayale Ghause Paak Aa Jaata Hai Be Sakhta Hum Ko

Dare Aqdas Pe Aa Kar Khul Gaya Saara Bharam Apna
Nigaho Fikr Ki Wus'at Pe Kya Kya Naaz Tha Hum Ko

Zamana Chahe Kuchh Keh Le Haqeeqat Lekin Itni Hai
Mila Jo Kuchh Bhi Shauq Unki Ghulami Se Mila Hum Ko

Laakh Toofan Mein Bhi Jeete Hain Itmenan Se

Ya Mureedi La Takhaf Ke Mustaqil Faizan Se
Ahle Dil Be Khauf Takrate Hain Har Toofan Se

Noore Haq Jo Nikla Taiba Ke Jamalistan Se
Ho Gaya Mausoom Wo Baghdad Ke Aiwan Se

Kyun Na Aata Maahe Saum Untiswi Shaban Se
Ghausiyat Ka Chand Nikla Matla -e- Jeelan Se

Zeest Wabasta Hai Jinki Aapke Damaan Se
Laakh Toofan Mein Bhi Jeete Hain Itmenan Se

Aap Asrare Ilahi Ka Samandar Kyun Na Ho
Ilme Qurani Mila Hai Sahibe Quran Se

Mukhatalif Shaano Ki Haamil Zate Ghause Paak Hai
Aadmi Ho Ba Khabar Aaqa Ki Kis Kis Shan Se

Khatm Hoti Hai Jab Hadein Saare Imkanaat Ki
Sab Sada Dete Hain Unko Ik Na Ik Unwaan Se

Hum Zabur Haalo Par Bhi Aaqa Karam Ki Ik Nazar
Deene Haq Zinda Hua Hai Aapke Ehsaan Se

Sallimu Tasleema

Jab Chiraghe Ashk Sulgati Hai Baghdadi Hawa
Raushni Aati Hai Chhan Kar Dil Ke Raushandan Se

Hum Ghulamane Azal to Hain Ghulamane Azal
Kaun Wabasta Nahin Sarkar Ke Damaan Se

Shauq Ek Ek Saans Aaqa Ke Karam Ka Naam Hai
Warna Apni Zindagi Kuchh Kam Nahin Toofan Se

Sharf Unka Hai Mauroosi, Ghulami Apni Aabai

Iyaan Kya Lawujood Abde Qadir Ki Ho Gehrai
Libada Ek Ka Hai, Ek Ki Hai Jalwa Aarai

Lagi Hai Ghausiyat Fahmi Mein Sadiyo Ki Tawanai
Magar Naapi Gai Phir Bhi Na Unke Qad Ki Oonchai

Shahe Baghdad Ne Taqdeer Kis Kis Ki Na Chamkai
Talluq Jiska Jitna Utni Raushan Unki Beenai

Bayaane Haale Gham Karne Ko Tha Aawaz Bhar Aai
Sarapa Hoon Zubaane Ashk Ki Khamosh Goyai

Kahan Tak Kaam Degi Fikre Insani Ki Oonchai
Maqame Ghausiyat Hai Mawaraye Hadde Binai

Sallimu Tasleema

Mujhe Aye Tajdaade Auliya Kya Gham Andhero Ka
Tumhare Zikr Se Raushan Hai Meri Shaame Tanhai

Nigahein Qaal Se Jab Haal Ki Janib Palti Thi
To Ahle Bazm Ko Rehti Na Thi Taabe Shakibai

Kabhi Suraj Utar Aata Nahin Zarro Ko Chamkane
Faqat Kirno Se Hai Zarraat Mein Taabo Tawanai

Shahe Jeelan Ne Wo Darya Bahaye Ilmo Hikmat Ke
Nazar Ko Marifat Ki Ek Nai Dunya Nazar Aai

Nahin Hai Ghaus Ka Deedar Mumkin Chashme Zaahir Se
Unhein Ho Dekhna to Maang Unhi Se Dil Ki Beenai

Na Ho Faize Nazar Se Unke Jab Tak Zindagi Raushan
Nahin Aati Faqat Sajdo Se Imani Tawanai

Yahi Wabastagi Hai Shauq Asasa Apne Jeene Ka
Sharf Unka Hai Mauroosi, Ghulami Apni Aabai

Nahin Hai Dastgeeri Ghause Aazam Ki Alaqai

Nubuwwat Khatm Hai Lekin Baaqi Hai Jalwa Aarai
Numaya Hain Ba Shane Ghausiyat Anware Taibai

Kuchh Aisi Shan Se Untiswi Shaban Ki Aai
Hayate Aalame Islam Jaagi Le Ke Angdai

Kahin Se Bhi Pukaro Unko Hoti Hai Pazeerai
Nahin Hai Dastgeeri Ghause Aazam Ki Alaqai

Baqadre Aagahi Har Ik Ne Seerat Unki Nazmai
Magar Lafzo Mein Wo Nooraniyat Aai Na Gehrai

Jamale Abde Qadir Mein Hai Quدرات Ki Wo Ranai
Nazar Gum Ho Gai Jab Khud Kabhi Jalwo Se Takrai

Tumhari Raah Aye Shahe Wilayat Jisne Apnai
Mashiyat Ki Nigaho Mein Usi Ki Hai Pazeerai

Jinhein Hai Azmate Sarkare Jeela Se Shanasai
Khayalo Ko Bana Lete Hain Dil Aur Dil Ko Beenai

Nubuwwat Aaina Haq Ka Tum Aaina Nubuwwat Ka
Tumhari Zaat Mein Kis Kis Tajalli Ki Hai Ranai

Sallimu Tasleema

Nigahe Lutf Bar Man Aaye Shahe Mulke Wilayat Kun
Manam Khasta Dil Wa Dar Manda Tu Maawa Wa Maljaai

Karega Unke Meyaare Nazar Ka Kaun Andaza
Baladullah Saare Jinki Nazro Mein Hain Ek Raai

Khud Aagahi Ki Manzil Se Haq Aagahi Ki Manzil Tak
Sabhi Hain Har Qadam Par Dastgeeri Ke Tamannai

Khirad Ko Kya Pata Shauq Unki Doori Aur Qurbat Ka
Khayaal Aaq Ka Chha Jaaye to Doori Bhi Hai Yakjaai

Rabt Jaisa Faiz Waisa Hai Bade Sarkar Ka

Thaam Kar Daman Jo Chalte Hain Bade Sarkar Ka
Gham Nahin Hota Unhein Halaat Ki Raftar Ka

Iqtedar Aisa Hai Us Chashme Mashiyat Kaar Ka
Ahle Dil Chalte Hain Mansha Dekh Kar Sarkar Ka

Kyun Bada Rutba Na Ho Baghdad Ke Bade Darbar Ka
Noor Chhan Chhan Kar Yahan Aaya Hira Ke Ghaar Ka

Ghir Ke Toofan Mein Jab Diya Wasita Sarkar Ka
Mauje Toofan Kaam Karne Lag Gai Patwaar Ka

Sallimu Tasleema

Hai Badi Azmat Tarruf Khud Bade Sarkar Ka
Range Gul Khud Bolta Hai Main Hoon Kis Gulzar Ka

Kehte Hain Unke Karam Ko Hum Isliye Zindagi
Zindagi Bhar Kaam Deta Hai Karam Ik Baar Ka

Hadisaate Waqt Thak Kar Baith Jaate Hain Yahan
Kis Qadr Thanda Hai Saaya Aapki Deewar Ka

Dagmagate Hain Qadam Jab Mushkilo Ki Raah Mein
Be Irada Lab Pe Naam Aa Jaata Hai Sarkar Ka

Asal Mein Ek Silsila Wo Aap Ki Yaado Ka Hai
Naam Dete Hain Jise Hum Har Nafs Ke Taar Ka

Uski Shane Ghausiyat Ka Isse Chalta Hai Pata
Rabt Jaisa Faiz Waisa Hai Bade Sarkar Ka

Shauq Aise Mod Par Aai Hui Hai Zindagi
Jee Rahe Kya Hain Jilata Hai Karam Sarkar Ka

Haajate Mausam Nahin Rakhta Gulistaan Ghaus Ka

Hai Rasoole Paak Se Wo Rabte Pinhaa Ghaus Ka
Doob Sakta Hi Nahin Mehre Darakhsha Ghaus Ka

Hoshe Ghausiyat Shanasi Bhi Hai Ehsase Ghaus Ka
Uska Utna Martaba Hai Jitna Irfaan Ghaus Ka

Har Zamana Kyun Na Hoga Zere Farmaan Ghaus Ka
Faiz Aisa Hai Musalsal Qutbe Dauraan Ghaus Ka

Khud Chale Aate Hain Mausam Rango Boo Lene Yahan
Haajate Mausam Nahin Rakhta Gulistaan Ghaus Ka

Zindagi Halaat Ke Kitne Hi Toofano Mein Ho
Ghaus Ko Har Dam Sada Deta Hai Khwaha Ghaus Ka

Sahibe Quraa'n Se Paaya Raast Ilme Batini
Kaun Jaane Kis Qadar Hai Ilme Quraa'n Ghaus Ka

Hum Ghareebo Ko Do Aalam Mein Hai Kis Ka Aasra
Abde Qadir Muhye Deen Mahboobe Subhan Ghaus Ka

Baare Ehsaan Se Koi Bhi Sar Utha Sakta Nahin
Khalq Par Sadiyo Se Hai is Tarah Ehsaan Ghaus Ka

Sallimu Tasleema

Jaane Kitne Dil Dhadakte Hain Isi Ummeed Mein
Dekh Lein Ek Baar Jalwa Shahe Zee Shaan Ghaus Ka

Chalti Rehti Hain Madine Ki Hawayein Raat Din
Booye Wahdat Se Muattar Hai Gulistaan Ghaus Ka

Ghaus Aisi Azmato Ke Silsile Ka Naam Hai
Khud Kahan Rehta Hai Baaqi Martaba Daan Ghaus Ka

Ahmiyat Kya Hum Gadao Ki Dare Sarkar Par
Auliya Thame Hue Rehte Hain Damaan Ghaus Ka

Shauq Ka Itna Taarruf Bas Hai Dunya Ke Liye
Naat Go Sarkar Ka Hai Manqabat Khwan Ghaus Ka

Mere Jeene Ko Na Dekho Karam Un Ka Dekho

Di Hain Aankhein Allah Ne to Madina Dekho
Shehre Baghdad Mein Partu Hai Usi Ka Dekho

Noore Haq Shakle Bashar Mein Mutajalla Dekho
Kab Talak Ism Hi Dekhoge Musamma Dekho

Kis Ke Daaman Ka Mere Sar Pe Hai Saaya Dekho
Mujhko Kya Dekhte Ho Mera Waseela Dekho

Sallimu Tasleema

Zore Toofane Haadis Mein Hai Kitna Dekho
Ik Zara Unko Sada De Ke Tamasha Dekho

Naam Hai Unke Karam Ka Mera Jeena Kya Hai
Mere Jeene Ko Na Dekho Karam Un Ka Dekho

Ek Main Kya Hoon Do Aalam Hain Nazar Mein Unki
Wo Nahin Dekhte Hote to Main Kehta "Dekho"

Dekhna Unka Muqaddar Ko Badal Deta Hai
Sab Inhi Maano Mein Kehte Hain Ke Aaqqa Dekho

Sunnate Shahe Madina Ka Hai Partu Poora
Unke Kirdar Ka Tum Kar Ke Ihata Dekho

Har Jagah Un Ke Nishanaate Qadam Raushan Hain
Chahe Manzil Koi Dekho Koi Rasta Dekho

Unke Qadmo Ke Ujale Mein Wo Ranai Hai
Dekhte Rehne Ko Jee Chahega Jitna Dekho

Na Nazar Aane Ke Jalwe Bhi Nazar Aate Hai
Ik Nazar Unki Dikha Deti Hai Kya Kya Dekho

Hai Yahan Noore Nubuwwat Bhi Imamat Bhi Nihaan
Ghausiyat Kitno Ka Hai Aaina Khana Dekho

Shauq is Roze Ko Allah Salamat Rakhe
Be Thikano Ka Hai Sadiyo Se Thikana Dekho

Khulti Hai Saari Haqeeqat Parda Uthane Ke Baad

Kya Tasawwur Apna, Unke Jalwa Farmane Ke Baad
Tergi Rehti Nahin Suraj Nikal Jaane Ke Baad

Ghausiyat Ki Raushni Seene Mein Lehrane Ke Baad
Koi Bhi Khud Ko Nahin Paata Unhein Paane Ke Baad

Wasf Unki Khake Paa Ka Bhi Poora Na Ho Saka
Munfa'al Hoon Midhate Sarkar Nazmane Ke Baad

Sar Ke Rehne Tak Hi Ghause Paak Ki Ulfat Nahin
Aur Pukhta Hota Hai Sauda Ye Sar Jaane Ke Baad

Be Sahara Jaan Kar Dunya Udayegi Hansi
Main Kahin Jaaun Agar is Dar Ka Kehlane Ke Baad

Unke Dar Parda Karam Ka Kuchh Shuoor Aaya Humein
Raat Din Dunya Ke Toofano Se Takrane Ke Baad

Aitbaraate Nazar Hain Khud Hijabaate Nazar
Khulti Hai Saari Haqeeqat Parda Uthane Ke Baad

Unke Dene Ki Tasdeeq Dete Hain Har Haal Mein
Haath Phailane Se Pehle Haath Phailane Ke Baad

Sallimu Tasleema

Hausla Mera Badhate Hain Wo Chashme Lutf Se
Baith Jaata Hoon Jahan Bhi Paanu Thak Jaane Ke Baad

Be Shu'ooro Ko Maqame Ghausiyat Ki Kya Khabar
Aadmi Deewana Hota Hai Shuoor Aane Ke Baad

Shauq Hai Hukme Mashiiyyat Unka Farmaya Hua
Baat Kya Rehti Hai Baaqi Unke Farmane Ke Baad

Kis Ko Pinhaa Dekhiye Kis Ko Numaya Dekhiye

Teh Ba Teh Kitni Hai Zaate Shahe Jeelan Dekhiye
Batane Quraa'n Sirre Quraa'n Roohe Quraa'n Dekhiye

Ghausiyat Ki Shama Kitni Hai Faroza Dekhiye
Dekhne Waalo Ko Bhi Sar Dar Gireban Dekhiye

Ban Gai Hai Zindagi Har Gham Ka Zindaan Dekhiye
Dastare Bekasa Sooye Girebaa Dekhiye

Kainat Unki Hatheli Mein Hai Raai Ki Tarah
Dekhte Kis Ko Nahin Mahboobe Subhaan Dekhiye

Sunnate Khairul Bashar Ka Poora Poora Aks Hai
Jis Kisi Rukh Se Hayaat Shahe Shahaan Dekhiye

Sallimu Tasleema

Dekhiye Kehne Ke Mayene Wo Nahin Hain Dekhte
Ye Samajhte to Na Kehte Shahe Jeelan Dekhiye

La Wujood Abde Qadir Se Khirad Hairan Hai
Kis Ko Pinhaa Dekhiye Kis Ko Numaya Dekhiye

Hadde Imkaan Mein Nahin Mahdood Jalwe Ghaus Ke
Dekhne Ka Apne Jitna Bhi Hai Imkaan Dekhiye

De Ke Aawaz Al Madad Ki Dil Ko Ab Ye Fikr Hai
Shane Qudrat Dekhiye Ya Zore Toofan Dekhiye

Nisbate Ghausul Wara Hai Shauq Hasti Ka Bharam
Lakh Ghanwano Ka Hai Ye Ek Unwan Dekhiye

Jo Bade Hain Wo Wasila Bhi Bada Lete Hain

Shahe Taiba Se Jo Be Fasl Ziya Lete Hain
Dosh Par Unke Qadam Ahle Wila Lete Hain

Khake Paaye Shahe Baghdad Jo Pa Lete Hain
Wo Faqeerī Mein Bhi Shahi Ka Maza Lete Hain

Damane Ghaus Saro Par Urfan Lete Hain
Jo Bade Hain Wo Wasila Bhi Bada Lete Hain

Sallimu Tasleema

Raahe Aaqa Mein Jo Mitne Ka Maza Lete Hain
Manzile Haq Ko Wo Deewane Hi Ja Lete Hain

Aasra Hum Shahe Jeelan Tera Kya Lete Hain
Apni Tauqeer Do Aalam Mein Badha Lete Hain

Madhe Aaqa Ko Qalam Jab Bhi Utha Lete Hain
Khud Hi Kho Jaate Hain Hum Jaaiza Kya Lete Hain

Ghausiyat Shane Risalat Ka Wo Aaina Hai
Log Isi Dar Se Madine Ki Hawa Lete Hain

Lakh Ho Apni Jagah Hatime Dauraan Koi
Kis Ka Ehsaas Tere Dar Ka Fuqara Lete Hain

Zikr Kya Hai Maa Wa Shama Ka Hai Dare Aaqa Par
Saans Bhi Sehme Hue Ahle Wila Lete Hain

Unke Jalwo Se Nazar Rehti Hai Raushan Jinki
Aandhiyo Mein Wo Chiragh Apna Jala Lete Hain

Be Saharo Ka Hain Aap Aisa Sahara Ya Ghaus
Aasra Aap Ka Saare Ghuraba Lete Hain

Dastgeeri Bade Sarkar Ki Shauq Aisi Hai
Dil Ke Aaine Isi Dar Se Jila Lete Hain

Jo Bhi Ghulam Unka Hua Taajwar Hua

Dil Faize Ghaus Paak Ka Jab Mustaqar Hua
Ehsas Apne Hone Ka Namotabar Hua

Chor Aaya Ghar Mein, Den Hui, Haq Nagar Hua
Paani Ka Qatra Aa Ke Sadaf Mein Gehra Hua

Jeelan Ke Taajwar Ka Jidhar Bhi Guzar Hua
Aalam Dilo Nigah Ka Zero Zabar Hua

Kis Ko Nazar Se Ghaus Ki Mumkin Mafar Hua
Unki Nazar Jidhar Hui Aalam Udhar Hua

Milti Nahin Panah Kahin Kainat Mein
Is Dar Se Jo Bhi Door Hua Dar Ba Dar Hua

Phaili Jab Aaftabe Wilayat Ki Raushni
Har Dil Ba Qadre Zarf Wa Nazar Bahra War Hua

Shahi Ghulamiye Shahe Jeelan Ka Naam Hai
Jo Bhi Ghulam Unka Hua Motabar Hua

Dunya Mein Aap Reh Ke Bhi Dunya Se Yun Bache
Darya Mein Umr Kaat Di Daaman Na Tar Hua

Sallimu Tasleema

Be Sakhta Nazar Sooye Baghdad Uth Gai
Jeene Ka Hausla Jahan Be Baalo Par Hua

Unke Karam Se Paai Hai Beemar Ne Shifa
Dunya Samajh Rahi Hai Dawa Ka Asar Hua

Kitne Hi Maariko Se Guzar Aai Zindagi
Har Maarika Unhi Ki Inayat Se Sar Hua

Wo Aitbaf Unki Khuda Bee Nazar Ka Hai
Nazme Zamana Unka Mizaje Nazar Hua

Rakkha Bharam Huzoor Ne Shauq Apna Har Jagah
Kaafi Ye Naam Apne Liye Umr Bhar Hua

Naam Baghdad Hai Un Shara Ki Deewaro Ka

Chehra Hota Hai Zubaan Haq Ke Parastaro Ka
Haal Puchhta Nahin Baghdad Ke Maikharo Ka

Dum Jahan Ghut'ta Hai Batil Ke Hunarkaro Ka
Naam Baghdad Hai Un Shara Ki Deewaro Ka

Nek Allah Ke Hain Aur Bure Mere Hain
Yahi Irshad Sahara Hai Gunahgaro Ka

Do Jahan Raai Barabar Hain Nazar Mein Jin Ki
Sab Pata Unko Hai Seene Ke Chhupe Ghaaro Ka

Unke Marhoone Inayat Hain Salasil Saare
Noor Kis Jaa Nahin is Roze Ke Meenaro Ka

Dare Aaqa Ki Ghulami Hai Tarruf Apna
Ke Yahi Aastan Shahkar Hai Shahkaro Ka

Dil Mein Aao Ke Ye Ghar Waqai Ghar Ho Jaaye
Warna Ghar Naam to Hota Nahin Deewaro Ka

Shahe Baghdad Ka Pur Noor Sarapa Kya Hai
Chalta Phirta Hua Quran Hai Si Paaro Ka

Sallimu Tasleema

Ghause Aazam Ki Haqeeqat Ka Jo Irfaan Ho Jaaye
Paani Ho Jaaye Jigar Kitne Jigardaro Ka

Aapke Dar Pe Nazar Sab Ki Lagi Rehti Hai
Ke Ye Mahwar Hai Har Ek Daur Ke Deendaro Ka

Rauza Kya Rauza Hai Baghdad Ke Sarkar Ka Shauq
Zor Chalta Hai Na Shaho Ka Na Zardaro Ka

Kitne Zarrat Ko Khursheed Banaya Tum Ne

Ek Nazar Daal Ke Ghausus Saqalaina Tum Ne
Kar Diya Kitno Ko Khaliq Ka Shanasa Tum Ne

Apni Nisbat Ka Ata Kar Ke Sahara Tum Ne
Kaise Kaisw Na Dimagho Ko Ujala Tum Ne

Naqsh Tauheed Ka Jo Phir Se Ubhara Tum Ne
Kitne Zarrat Ko Khursheed Banaya Tum Ne

La Wujood Se Maqaam Bataya Apna Tum Ne
Sirf Murdo Ko Hi Kya Deen Ko Jilaya Tumne

Hukmaraa Kaisa Riaya Ka Lahu Peete Hain
Khoon Paa Zeb Se Tapka Ke Dikhaya Tum Ne

Sallimu Tasleema

Raushni Paati Hai Khutbaat Se Dunya Ab Tak
Ilmo Hikmat Ka Bahaya Hai Wo Darya Tum Ne

Raai Ka Daana Hain Kaunain Tumhare Aage
Kya Sharf Paaya Hai Aaqao Ke Aaqa Tum Ne

Khulne Paaya Na Ghulamo Ka Bharam Dunya Mein
Parda Poshi Ki is Andaz Se Shaha Tum Ne

Shauq Ko Khair Se Tha Hosh Kahan Jeene Ka
Har Jagah Girne Se Sarkar Bachaya Tum Ne

Ik Nazar Mein Kiya Har Gham Ka Madawa Tum Ne

Nigahe Lutf Se Jis Ko Bhi Nawaza Tum Ne
Uski Dunya Hi Badal Di Shahe Wala Tumne

Qadriyat Ka Chiragh Aisa Jalaya Tum Ne
Kar Diya Seeno Mein Imaan Ka Ujala Tum Ne

Hosh Arbabe Hukoomat Ke Thikane Aaye
Zor Toofano Pe is Tarah Chalaya Tum Ne

Haq Ne Bakhsha Hai Do Alam Pe Tasarruf Tum Ko
Kis Ko Rakhna Hai Kahan Dekh Ke Rakkha Tum Ne

Sallimu Tasleema

Hausla Haar Gai Sarkashi -e- Nafs Apna
Kar Diya Rooho Ko is Darja Tawana Tum Ne

Saare Beemar Dimagho Ne Shifa Paai Hai
Ik Nazar Mein Kiya Har Gham Ka Madawa Tum Ne

Beh Gaya Waqt Ki Maujo Mein Ghuroore Shahi
Haq Ki Janib Dile Insan Ko Jo Phera Tum Ne

Sirf Arbabe Baseerat Hi Tumhein Dekhte Hain
Parda Rakhne Ke Liye Kar Liya Parda Tumne

Shauq Aasi Kisi Qabil Hi Nahin Tha Lekin
Is Gunahgar Pe Kiye Ehsaan Kya Kya Tumne

Unke Qadmo Mein Wilayat Ke Hain Samaan Kitne

Hain Fidakaar Tere Aye Shahe Jeelan Kitne
Chaak Dil Kitne Hain Aur Girebaan Kitne

Aapki Zaat Mein Hain Asrar Pinha Kitne
Ik Quraan Mein Nazar Aate Hain Quraan Kitne

Gin Ke Bolo Zara Aaqa Ke Hain Ehsaan Kitne
Kitne Nazro Se Hain Poshida Numaya Kitne

Sallimu Tasleema

Saaya -e- Ghaus Mein Kya Khauf Ho Toofano Ka
Meri Kashti Mein Pala Karte Hain Toofan Kitne

Dil Ki Khalwat Se Aqeedat Ki Guzargaho Tak
Unke Jalwe Hain Gulista Ba Gulista Kitne

Jis Ke Kandhe Pe Qadam Rakh Dein Wali Ho Jaaye
Unke Qadmo Mein Wilayat Ke Hain Samaan Kitne

Hai Karamaat Ka Tifli Se Tasalsul Aisa
Jab Bhi the Ab Bhi Hain Angusht Ba Dandaa Kitne

Dekh Kar Ghaus Ki Yaado Ka Ujala Dil Mein
Ghame Dauraan Ke Andhere Hain Hiraasaan Kitne

Ghausiyat Naam Hai Khushbu -e- Shahe Taiba Ka
Unki Nisbat Se Mehekte Hain Dilo Jaan Kitne

Mere Aaqa Ka Karam Mujh Pe Rahe to Bas Hai
Aayenge Aur Guzar Jayenge Toofan Kitne

Dil Chamakta Hai Jo Zikre Shahe Jilani Se
Jhilmilate Hain Sitare Sare Mazgaan Kitne

Faiz Har Daur Mein Sab Paate Hain Shauq is Dar Se
Umara Kitne, Gada Kitne, Ghareebaan Kitne

Uska Iman Humesha Taro Taaza Dekha

Aankh Waalo Ne Bhi Kab Aapko Poora Dekha
Jiski Jitni Hai Nazar Usne Bas Utna Dekha

Jisne Ek Baar Bhi Baghdad Ka Rauza Dekha
Zindagi Bhar Use Deedar Ka Pyasa Dekha

Wo Sharf Aapka Ghausus Saqalain Dekha
Dil Kahe Jaata Hai Har Baar Abhi Kya Dekha

Jisne Sarkar Ke Qadmo Ka Ujala Dekha
Uska Iman Humesha Taro Taaza Dekha

Dekhna Kya Hai Faqat Dekhne Waala Jaane
Log Kehne Ko to Kehte Hain Jalwa Dekha

Aye Dare Ghaus Wasilo Ka Tu Wo Makhzan Hai
Jis Ko Dekha Tera Mujtaaje Wasila Dekha

Unki Azmat Ka Kitabo Se Tarruf Kya Ho
Jinke Har Khutbe Ko Ik Daftare Maana Dekha

Dekhna Kehte Nahin Nazro Ke Kho Jaane Ko
Jab Tajalli Mein Nazar Gum Ho to Phir Kya Dekha

Sallimu Tasleema

Dare Aqdas Ki Ghulami Se Bharam Hai Apna
Apne Jeene Ka Yahi Hum Ne Asasa Dekha

Jinke Deedar Se Beenai Ke Hosh Udte Hain
Kis Ko Maloom Ke Kisne Unhein Kitna Dekha

Dekhne Aur Samajhne Mein Bada Farq Hai Shauq
Ye Zaroori Nahin, Jisne Unhein Samjha Dekha

Ye Dil, Dil Nahin Unka Naqshe Qadam Hai

Ghulamo Pe Kya Kam Tumhara Karam Hai
Hazaaro Ghamo Mein Bhi Jeene Ka Dam Hai

Zuhoore Tajalli Ba Shane Atam Hai
Ye Dil, Dil Nahin Unka Naqshe Qadam Hai

Jo Hasti Nabi Ke Qadam Bar Qadam Hai
Usi Se Wilayat Ka Saara Bharam Hai

Sabhi Sange Dar Par Hai Sar Rakhne Waale
Jo Sar Unke Qadmo Mein Hai Muhtaram Hai

Nahin Hai Mujhe Hosh Tak Mangne Ka
Huzoor Aap Jo Bhi Nawazein Karam Hai

Zamane Ke Toofan Mein Sab Ladkhadaye
Jise Tumne Thama Wo Saabit Qadam Hai

Bayaan Kya Ho Anwaare Ghausul Warai
Talluq Haqeeqat Ka Lafzo Se Kam Hai
Dar Shahe Baghdad Hai Shauq Wo Dar
Jo is Dar Se Mansoob Hai Muhtaram Hai

Har Wali Sarkar Ka Daman Girafta Ho Gaya

Chand Ki Ruyat Mein Shak Jis Waqt Paida Ho Gaya
Jalwa -e- Ghausul Wara Ailane Roza Ho Gaya

Ik Nazar Se Sarkar Aapki Kya Kya Ho Gaya
Rooh Jaagi Zehan Jaaga Qalb Beena Ho Gaya

Hum Tasawwur Bhi Na Kar Sakte the Jis Ka Ho Gaya
Faize Ghause Paak Fazle Haq Ta'ala Ho Gaya

Jis Qadr Mujhe Dunya Barbad Karne Par Tuli
Rabta Sarkar Se Utna Tawana Ho Gaya

Dil Ki Basti Mein Siwa Veeraniyo Ke Kuchh Na Tha
Aap Kya Aaye Dil Aaina Khana Ho Gaya

Unke Raste Mein Wujood Apna Mita to Gham Nahin
Unke Sadqe Mein Mila Tha Un Pe Sadqa Ho Gaya

Sadre Bazme Auliya Ki Shano Azmat Dekh Kar
Har Wali Sarkar Ka Daman Girafta Ho Gaya

Sallimu Tasleema

Samne Suraj Ke Zulmat Saans Le Sakti Nahin
Jis Taraf Unki Nazar Utthi Ujala Ho Gaya

Aql Waale Rasto Ki Justju Mein Reh Gaye
Unke Deewane Jidhar Chal Nikle Rasta Ho Gaya

Hum Azal Se Aastane Ghaus Ke Parwarda Hain
Kab Na Tha Jo Rabt Aaj Unse Paida Ho Gaya

La Wujood Abde Qadir Se Nazar Hairan Hai
Kis Ke Parde Mein Numaya Kis Ka Jalwa Ho Gaya

Le Rahi Hain Kitni Sadiya Saans Unke Saaye Mein
Unka Dar Kitno Ke Jeene Ka Sahara Ho Gaya

Mutmain Hoon Shauq Unke Saaya -e- Nalain Mein
Jo Meri Takhleeq Ka Maqsad Tha Poora Ho Gaya

Mujhe Apne Hone Ka Ehsaas Kam Hai

Khayal Unka Jabse Mere Hum Qadam Hai
Mujhe Apne Hone Ka Ehsaas Kam Hai

Wilayat Nubuwwat Mein is Tarah Zamm Hai
Zasare Ta Qadam Akse Noore Qidm Hai

Tumhara Karam Zindagi Ka Bharam Hai
Wagarna Ye Hasti Sarasar Adam Hai

Sallimu Tasleema

Tera Noor Kya Zehan Par Murtasam Hai
Ujalo Se Mamoor Dil Ka Haram Hai

Tere Dar Pe Sadiya Lutati Hain Sajde
Tera Faiz Ya Ghaus Namahntam Hai

Wo Har Dil Ki Aawaz Pehchante Hain
Ke Kis Kis Ki Aawaz Mein Kitna Dum Hai

Chhupe Unse Kya Haale Baatin Kisi Ka
Nazar Mein Har Saans Ka Zero Bam Hai

Duayein Wahan Tak Rasa Shauq Kya Ho
Dikhawa Zyada Hai Ikhlaas Kam Hai

Har Wali Sarkar Ka Daman Girafta Ho Gaya

Chand Ki Ruyat Mein Shak Jis Waqt Paida Ho Gaya
Jalwa -e- Ghausul Wara Ailane Roza Ho Gaya

Ik Nazar Se Sarkar Aapki Kya Kya Ho Gaya
Rooh Jaagi Zehan Jaaga Qalb Beena Ho Gaya

Hum Tasawwur Bhi Na Kar Sakte the Jis Ka Ho Gaya
Faize Ghause Paak Fazle Haq Ta'ala Ho Gaya

Jis Qadr Mujhe Dunya Barbad Karne Par Tuli
Rabta Sarkar Se Utna Tawana Ho Gaya

Sallimu Tasleema

Dil Ki Basti Mein Siwa Veeraniyo Ke Kuchh Na Tha
Aap Kya Aaye Dil Aaina Khana Ho Gaya

Unke Raste Mein Wujood Apna Mita to Gham Nahin
Unke Sadqe Mein Mila Tha Un Pe Sadqa Ho Gaya

Sadre Bazme Auliya Ki Shano Azmat Dekh Kar
Har Wali Sarkar Ka Daman Girafta Ho Gaya

Samne Suraj Ke Zulmat Saans Le Sakti Nahin
Jis Taraf Unki Nazar Utthi Ujala Ho Gaya

Aql Waale Rasto Ki Justju Mein Reh Gaye
Unke Deewane Jidhar Chal Nikle Rasta Ho Gaya

Hum Azal Se Aastane Ghaus Ke Parwarda Hain
Kab Na Tha Jo Rabt Aaj Unse Paida Ho Gaya

La Wujood Abde Qadir Se Nazar Hairan Hai
Kis Ke Parde Mein Numaya Kis Ka Jalwa Ho Gaya

Le Rahi Hain Kitni Sadiya Saans Unke Saaye Mein
Unka Dar Kitno Ke Jeene Ka Sahara Ho Gaya

Mutmain Hoon Shauq Unke Saaya -e- Nalain Mein
Jo Meri Takhleeq Ka Maqsad Tha Poora Ho Gaya

Har Zamane Ko Tera Taabe Farman Dekha

Aastan Aapka Kya Aye Shahe Jeelan Dekha
Saans Leta Hua Ik Aalame Imkaan Dekha

Sar Se Ooncha Jo Kabhi Waqt Ka Toofan Dekha
Faize Aaqa Se Dilo Jaan Ko Farozaa Dekha

Noore Haq Kitne Libaso Mein Darakhsha Dekha
Farq Ye Hai Kahin Zahir Kahin Pinhaa Dekha

Kisne Har Rukh Se Tumhein Aye Shahe Shahan Dekha
Jis Qadr Jis Ko Hai Deedar Ka Imkaan Dekha

Damane Rahmat Haq Hai Tera Daman Kya Hai
Jisko Dekha Tera Wabasta -e- Daaman Dekha

Zindagi Uski Kabhi Be Saro Samaan Na Rahi
Jis Kisi Ne Tumhein Apna Saro Samaan Dekha

Dastgeeri Teri Jeene Ka Bharam Rakhti Hai
Har Kisi Ko Tera Sharminda -e- Ehsaan Dekha

Dono Aalam Pe Hai Sadiyo Se Hukumat Teri
Har Zamane Ko Tera Taabe Farman Dekha

Sallimu Tasleema

Jinka Iman Ghulami Dare Sarkar Ki Hai
Un Pe Mit Jaane Ko Sarmaya -e- Imaan Dekha

Dekhata Rehta Hoon Main Shane Karam Ko Unki
Maine Daman Kabhi Dekha Na Gireba Dekha

Apne Hone Ka Bhi Ehsaas Na Hone Paaya
Aapki Yaad Ko Jab Jazbe Rage Jaan Dekha

Shauq Hairan Hain Sab Dekhne Wale Ab Tak
Mujh Se Zarre Ko Jo Suraj Ka Sana Khwan Dekha

Ghareebo Ko Dare Sarkar Hi Kaaba Nazar Aaya

Tarruf Ye Jamale Ghause Aazam Ka Nazar Aaya
Nazar Aaya Bahut Bhi to Bahut Thoda Nazar Aaya

Jise Bhi Hoshe Deedar Aapka Shaha Nazar Aaya
Wo Dunya Se Kya Khud Se Bhi Begana Nazar Aaya

Wo Rutba Jalwa Gaahe Shahe Jeelan Ka Nazar Aaya
Nazar Jis Samt Utthi Noore Illallah Nazar Aaya

Sulooko Jazb Dono Raste Hain Unki Khilwat Ke
Har Ik Majzoob Wa Salik Unka Karinda Nazar Aaya

Nazar Aate Nahin Hai Khaas Jalwe Aam Nazro Mein
Jamale Ghausiyat Jisko Nazar Aaya Nazar Aaya

Sallimu Tasleema

Jab Aankhein Band Thi Aaqa Hai Parde Mein Samajhte the
Aankhein Khuli to Parda Khud Wujood Apna Nazar Aaya

Nazar Mahboobe Subhani Ki Kya Hai Nabze Dauraan Hai
Nazar Badli to Dhaara Waqt Ka Badla Nazar Aaya

Tawafe Kaba Karte Hain Jo Daulat Mand Hote Hain
Gharibo Ko Dare Sarkar Hi Kaaba Nazar Aaya

Shuoor Unki Sana Ka Main Unhi Se Maang Leta Hoon
Ata Jin Ki Badi, Daman Mera Chhota Nazar Aaya

Bahut Oonchi Nazar Waalo Ki Nazrein Bhi Yahan Gum Hain
Ye Rauza Har Nazar Se is Qadr Ooncha Nazar Aaya

Kahan Tak Hain Hadein Anwaare Ghausiyat Ki Kya Jaane
Yahan Ka Gosha Gosha Noor Ka Darya Nazar Aaya

Mashiyyat Ahle Dil Unki Nazar Se Jaan Lete Hain
Nazar Jaisi Mizaje Waqt Bhi Waisa Nazar Aaya

Dare Ghausul Wara Se Shauq Nisbat Hai Hayat Apni
Yahi Ek Rabt Jaano Jism Ka Rishta Nazar Aaya

Kitni Haqeeqato Ka Ujala Kahoon Tujhe

Toore Wila Ke Barqe Tajalla Kahoon Tujhe
Aaqa Tu Hi Bata Mujhe Kya Kya Kahoon Tujhe

Qibla Dilo Ka Jaano Ka Kaaba Kahoon Tujhe
Aye Noore Kul Ke Noor Bata Kya Kahoon Tujhe

Lafzo Mein Teri Shan Na Aai Na Aayegi
Phir Kyun Na Ek Aalame Maana Kahoon Tujhe

Kehna to Chahta Hoon Bahut Kuchh Tujhe Magar
Kam Hai Wo Teri Shan Se Jitna Kahoon Tujhe

Sab Kuchh Bhi Tujh Ko Keh Kar Yahi Aarzu Rahi
Jaisa Haqeeqatan Hai Tu Waisa Kahoon Tujhe

Itni Bhi Haisiyat Nahin Meri Tere Huzoor
Qatra Kahoon Main Apne Ko Darya Kahoon Tujhe

Dunya -e- Ilm Wa Aagahi Raushan Tujhi Se Hai
Kitni Haqeeqato Ka Ujala Kahoon Tujhe

Beena Dilo Ko Karti Hai Khaake Qadam Teri
Kyunkar Na Jaano Dil Ki Tamanna Kahoon Tujhe

Sallimu Tasleema

Daman Girafta Tere Sabhi Haq Rasida Hain
Hairat Nahin Jo Urwatul Wusqa Kahoon Tujhe

Khud Bolta Hai Tera Har Andaze Ghausiyat
Aaina Siraje Munira Kahoon Tujhe

Is Fikr Mein Hai Shauq Bhi Hairan Aaj Tak
Kis Kis Ki Zindagi Ka Sahara Kahoon Tujhe

Aastan Kya Hai Tera Markaze Roohani Hai

Mustafai Ba Libase Shahe Jilani Hai
Ghaus Ki Madh Nubuwwat Ki Sana Khwani Hai

Unke Jalwo Ki Wo Aijaz Ba Damani Hai
Aql Kya Shay Hai Nazar Waalo Ko Hairani Hai

La Wujood Aapki Wo Azmat La Sani Hai
Deed Aasan Hai Na Idraak Ba Aasani Hai

Kitni Maa Aazama Shani Teri Sultani Hai
Kham Tere Dar Pe Har Ek Daur Ki Peshani Hai

Maa Wara Aap Hain Har Fikro Nazar Ki Hadd Se
Aur Har Shakhs Khayalat Ka Zindani Hai

Sallimu Tasleema

Hosh Hota to Tere Dar Pe Fida Ho Jaata
Apne Jeene Se Mujhe Sakht Pashemani Hai

Dil Ke Aaine Tasawwur Se Chamak Uthte Hain
Shahe Baghdad Ke Jalwo Ki Wo Tabani Hai

Faiz Paate Hain Tere Dar Se Salasil Saare
Aastan Kya Hai Tera Markaze Roohani Hai

Teri Azmat Ko Zubaan Dene Ki Koshish Ki Thi
Khanda Zan Mujh Par Mere Aql Ki Nadani Hai

Tere Khuddam Pareshan Nahin Dunya Se
Tere Khuddam Se Dunya Ko Pareshani Hai

Jo Chaheete Hain Tere Unka Gadaye Dar Hoon
Yahi Nisbat Mera Sarmaya -e- Imkani Hai

Seerate Ghaus Ka Kya Jaaiza Le Shauq Koi
Sancha Sunnat Ka Hai Aur Raushni Qurani Hai

Faiz Saara Hai Ye Kis Ka Khwaja Ajmer Ka

Hosh Udaye Kyun Na Jalwa Khwaja Ajmer Ka
Noore Haq Ne Naam Paaya Khwaja Ajmer Ka

Khalq Par Ehsaan Hai Kya Kya Khwaja Ajmer Ka
Hai Fidai Har Zamana Khwaja Ajmer Ka

Dekhne Waala Hi Jaane Khwajgi Ki Azmatein
Ahle Dunya Ko Pata Kya Khwaja Ajmer Ka

Hukmarani Har Jagah Hai Khwaja Ajmer Ki
Hind Hai Daarul Khilafa Khwaja Ajmer Ka

Kitni Sadiyo Se Hai Jeene Ka Sahara Aaj Bhi
Marja -e- Khalq Aastana Khwaja Ajmer Ka

Raushni Islam Ki Phaili Jo Hindustan Mein
Faiz Saara Hai Ye Kis Ka Khwaja Ajmer Ka

Khwajgi Ke Faiz Se Mahroom Koi Bhi Nahin
Mil Raha Sab Ko Sadqa Khwaja Ajmer Ka

Rahmate Haq Ki Nazar Rehti Hai Us Par Har Jagah
Paak Daman Jisne Thama Khwaja Ajmer Ka

Sallimu Tasleema

Zindagi Ke Hausle Reh Jaate Hain Thak Kar Jahan
Kaam Aata Hai Wasila Khwaja Ajmer Ka

Kya Samajh Kar Gardishe Dauraan Darati Hai Mujhe
Hai Salammat Sar Pe Saaya Khwaja Ajmer Ka

Puchhne Waala Ghareebo Ka Nahin Koi to Kya
Hai Gharibo Ko Sahara Khwaja Ajmer Ka

Ek Jhalak Bhi Dekh Le Koi to Kho Baithe Hawaas
Mustafai Hai Sarapa Khwaja Ajmer Ka

Ye Muqaddar Sirf Daagh Dehelvi Ka Shauq Tha
Shaaire Darbar Hona Khwaja Ajmer Ka

Badshahi Tere Dar Ki Fuqara Dete Hain

Is Ada Se Wo Karam Apna Dikha Dete Hain
Ye Pata Tak Nahin Chalta Kise Kya Dete Hain

Nigahe Lutf Se Jis Dil Ko Jila Dete Hain
Isse Dunya Ke Hijabaat Utha Dete Hain

Ulfate Khwaja Mein Khud Ko Jo Mita Dete Hain
Mere Khwaja Unhein Kya Kya Na Bana Dete Hain

Jis Kisi Ko Bhi Wo Qadmo Mein Jagah Dete Hain
Apna Gham De Ke Har Ek Gham Se Chhuda Dete Hain

Aisi Azmat Tere Rauze Ko Khuda Ne Di Hai
Badshahi Tere Dar Ki Fuqara Dete Hain

Bad Aqeeda Ko Yahan Kuchh Nahin Milne Waala
Tujh Ko Khwaja Se Aqeedat Hai to Aa Dete Hain

Den Par Aati Hai Jab Banda Nawazi Un Ki
Be Talab Bhi Wo Tawaqqo Se Siwa Dete Hain

Gham Ki Shiddat Mein Zubaan Jab Nahin Khulne Paati
Be Zubaan Ashk Bhi Aaqa Ko Sada Dete Hain

Sallimu Tasleema

Ghuraba Parwari Aisi Hai Mere Khwaja Ki
Ab Bhi Khwaja Ki Duhai Ghuraba Dete Hain

Kya Bujhenge Teri Yaado Ke Chiragh Aandhi Se
Ye Chiragh Aise Hain Aandhi Ko Bujha Dete Hain

Tajdaraane Zamana Jo Nahin De Sakte
Aisi Daulat Teri Rauze Ke Gada Dete Hain

Shauq Mujh Par Karam Aisa Hai Mere Khwaja Ka
Jo Bhi Dete Hain Mujhe Sab Se Juda Dete Hain

Bande Hain Sab Tu Ek Hi Banda Nawaz Hai

Gulbarga Jab Se Unki Qadam Gaahe Naaz Hai
Ye Sarzameen Sadiyo Se Tarikh Saaz Hai

Pairahane Bashar Mein Khuda Karsaaz Hai
Bande Hain Sab Tu Ek Hi Banda Nawaz Hai

Kya Rutba Aapka Shahe Gesudaraaz Hai
Jo Aapka Mureed Hai Wo Ishqbaaz Hai

Khwaja Tumhari Khwajgi Kya Dil Nawaaz Hai
Daaman Tumhare Samne Sab Ka Daraaz Hai

Sallimu Tasleema

Utna Hi Usko Faiz Hai Banda Nawaz Se
Jise Jitni Aqeedat Banda Nawaz Se

Jo Bekhabar Hai Uski Zubaan Hai Khuli Hui
Wo Bolta Nahin Jo Aagahe Raaz Hai

Ho Jaaye Bekhudi Mein Jo Us Paaye Naaz Par
Wo Ek Sajda Haasile Umre Daraaz Hai

Dunya Ko Chahe Naaz Kisi Par Bhi Ho Magar
Hum Ko Tumhare Dar Ki Gadai Par Naaz Hai

Utni to Umr Maangne Waalo Ki Bhi Nahin
Unki Ata Ka Silsila Jitna Daraaz Hai

Milti Nahin Hai Shauq Ye Daulat Har Ek Ko
Sabse Bada Karam Dilo Jaan Ka Gadaaz Hai

Unki Nazar Hai Jis Pe Wahi Sar Buland Hai

Toofan Dardo Gham Ka Agarche Do Chand Hai
Dil Faize Khwajgi Se Magar Behra Mand Hai

Har Dil Tumhare Faiz Ka Ehsanmand Hai
Jiska Hai Jitna Hausla Itni Gazand Hai

Sheeraza -e- Hayaat Hai Bikhra Hua to Kya
Chashme Karam Huzoor Ki Sheeraza Band Hai

Jab Chahe Kheenchte Hain Ghulamo Ko Apne Paas
Unki Nigahe Lutf Nigaho Ki Kamand Hai

Ashko Ke Ho Chiragh Ke Zakhmo Ke Phool Ho
Wo Cheez Kaam Ki Hai Jo Unko Pasand Hai

Sarmaya Gham Ke Maaro Ka Hota Hai Aur Kya
Ek Damane Tahai Hai Dile Dard Mand Hai

Dunya Ke Maalo Zar Se Nahin Sarbulandiya
Unki Nazar Hai Jis Pe Wahi Sarbuland Hai

Sallimu Tasleema

Jo Haq Ka Haal Hai Wahi Haq Dosto Ka Haal Hai
Gaahe Barjand Aur Gahe Khal'at Dahand Hai

Hum Shauq Unke Saaya -e- Daman Mein Shad Hain
Dunya Humare Waste Kyun Fikr Mand Hain

**Manqabate Qutbe Deccan Hazrate
Sayyiduna Baba Sharfuddin
Suharwardi**

Ho Jaaye Inayat Ki Bas Ek Nazar Baba

Darbar Mein Aaye Hain Hum Daste Nigar Baba
Ho Jaaye Inayat Ki Bas Ek Nazar Baba

Har Haal Mein Tum Ko Hai Hum Sab Ki Khabar Baba
Kis Tarah Ghulamo Ki Hoti Hai Basar Baba

Kitno Ka Sahara Hai Rahmat Ka Ye Dar Baba
Hote Hain Fida Tum Par Sab Shamo Sehar Baba

Hum Aapki Chaukhat Ke Qabil to Nahin
Ummeede Karam Le Kar Aaye Hain Baba

Tum Chaho to Pal Bhar Mein Taqdeer Sanwar Jaaye
Wo Shan Tumhari Hai Wo Faize Nazar Baba

Jaise Bhi Hain Jo Bhi Hain Hum Aapke Khadim Hain
Hum Chhod Ke is Dar Ko Jayenge Kidhar Baba

Din Raat Baraste Hain Anwaar Khudai Ke
Darbaar Tumhara Hai Anwaar Ka Ghar Baba

Sallimu Tasleema

Taqdeer Ke Maaro Ki Jab Koi Nahin Sunta
Dete Hain Sada Tum Ko Badeeda -e- Tar Baba

Sadqa Shahe Jeelan Ka Aur Peer Ka Kuchh De Do
Sarkare Madina Ke Manzoore Nazar Baba

Aankh Waalo Ko Nazar Aate Hain Anwaare Qadeer

Ahle Irfan Par Khule Kya Kya Na Asrare Qadeer
Kalime Ki Tehqeeq Hai Ek Zinda Shahkare Taqdeer

Range Gul, Mauje Saba, Khushbu -e- Gulzare Qadeer
Aashkar Kitne Pardo Se Hain Anwaare Qadeer

Be Sada Hota Hi Kab Hai Saaze Bedaar Qadeer
Saans Ki Soorat Chala Karte Hain Azkaare Qadeer

Zindagi Halaat Ke Kitne Hi Toofano Mein Ho
Hausla Haara Nahin Karte Parastare Qadeer

Ek Aisa Bhi Maqam Aata Hai Jazbe Ishq Mein
Khud Bakhud Matloob Banta Hai Talabgaare Qadeer

Raushni Ko Dekhne Raushan Nazar Darkaar Hai
Aankh Waalo Ko Nazar Aate Hain Anwaare Qadeer

Sallimu Tasleema

Jab Sambhalne Ki Koi Soorat Nazar Aati Nahin
Zindagi Ko Karte Hi Banti Hai Iqrare Qadeer

Gard Bhi Aalaishe Dunya Ki Daman Par Na Thi
Is Qadr Be Daagh Hai Damane Kirdare Qadeer

Ahle Dil Hi Jaante Hain Ahle Dil Ki Azmatein
Ahle Dunya Kya Samajh Sakte Hain Meyaare Qadeer

Shauq Jab Tak Har Jagah Fazlo Karam Uska Na Ho
Ghair Mumkin Hai Ke Tay Ho Raahe Dushware Qadeer

Jab Tak Hai Sar Pe Saaya -e- Daaman Qadeer Ka

Taare Nafs Hai Rishta -e- Daaman Qadeer Ka
Karti Hai Zikr, Qalb Ki Dhadkan Qadeer Ka

Kyun Ho Nazar Nawaz Na Gulshan Qadeer Ka
Har Jalwa Hai Bahaar Ba Daaman Qadeer Ka

Tha Waqf Haq Ki Raah Mein Tan Man Qadeer Ka
Maidane La Ilah Hai Ghar Aangan Qadeer Ka

Parwah Hai Kis Ko Kashmakashe Rozgaar Ki
Jab Tak Hai Sar Pe Saaya -e- Daaman Qadeer Ka

Sallimu Tasleema

Beena Agar Ho Dil to Ujalo Ki Kya Kami
Naqshe Qadam Kahan Nahin Raushan Qadeer Ka

Haq Dosto Se Bair Hai Haq Ki Mukhalifat
Dushman Apna Aap Hai Dushman Qadeer Ka

Dil Ki Taho Mein Dekh Qadeeri Tajalliya
Deewaro Dar Mein Dhoond Na Maskan Qadeer Ka

Tehqeeqe Kalima Ki Jahan Hoti Hai Guftagu
Karte Hain Log Zikr Khususan Qadeer Ka

Har Rang Mein Hai Jalwa -e- Be Rang Ka Zuhoor
Kyunkar Hara Bhara Na Ho Gulshan Qadeer Ka

Qudrat Qadeer Ki Nazar Aayegi Baad Mein
Pehle Khuloose Qalb Se Tu Ban Qadeer Ka

Kuchh Bhi Na Ho Ke Shauq Jo Sab Kuchh Hai Zindagi
Har Haal Mein Karam Hai Yaqeenan Qadeer Ka

Our Books In Roman Urdu :

- (1) Bahaar -e- Tehreer (14 Parts)
- Abde Mustafa Muhammad Sabir Qadri
- (2) Allah Ta'ala Ko Uparwala Ya Allah Miyan Kehna Kaisa? - Abde Mustafa Muhammad Sabir Qadri
- (3) Azaan -e- Bilal Aur Suraj Ka Nikalna
- Abde Mustafa Muhammad Sabir Qadri
- (4) Ishq-e Majazi (Muntakhab Mazameen Ka Majmua)
- Abde Mustafa Official
- (5) Gaana Bajana Band Karo, Tum Musalman Ho!
- Abde Mustafa Muhammad Sabir Qadri
- (6) Shabe Meraj Ghause Paak
- Abde Mustafa Muhammad Sabir Qadri
- (7) Shabe Meraj Nalain Arsh Par
- Abde Mustafa Muhammad Sabir Qadri
- (8) Hazrate Owais Qarni Ka Ek Waqiya
- Abde Mustafa Muhammad Sabir Qadri
- (9) Dr. Tahir Aur Waqar -e- Millat
- Abde Mustafa Muhammad Sabir Qadri
- (10) Taqreer Karne Waala Kaisa Ho?
- Abde Mustafa Muhammad Sabir Qadri
- (11) Ghair-e Sahaba Mein Radiallaho Ta'ala Anho Ka Istemal - Abde Mustafa Muhammad Sabir Qadri
- (12) Ikhtelaf Ikhtelaf Ikhtelaf
- Abde Mustafa Muhammad Sabir Qadri
- (13) Chand Waqiyaat -e- Karbala Ka Tehqeeqi Jaayeza
- Abde Mustafa Muhammad Sabir Qadri
- (14) Binte Hawwa (Ek Sanjida Tehreer)
- Kanize Akhtar

Sallimu Tasleema

- (15) Sex Knowledge (Islam Mein Sohbat Ke Aadab)
- Abde Mustafa Muhammad Sabir Qadri
- (16) Hazrate Ayyoob Alaihissalam Ke Waqiye Par Tehqeeq - Abde Mustafa Muhammad Sabir Qadri
- (17) Aurat Ka Janaza - Janabe Ghazal Sahiba
- (18) Ek Aashiq Ki Kahani Allama Ibne Jauzi Ki Zubaani
- Abde Mustafa Muhammad Sabir Qadri
- (19) Huzoor Ki Shaan In The Quraan
- Mufti Ahmad Yaar Khan Nayeemi
- (20) Husne Mustafa Aur Kalame Raza
- Maulana Sajjad Ali Faizi
- (21) Afzaliyate Siddique -e- Akbar Wa Farooqe Aazam
- Tajushshariah, Mufti Akhtar Raza Khan
- (22) Kya Hazrate Bilal Radiallaho Ta'ala Anho Ka Rang Kaala Tha?
- Abde Mustafa Muhammad Sabir Qadri
- (23) Hazrate Bilal Ke Islam Laane Ka Waqiya Kya Tha?
- Abde Mustafa Muhammad Sabir Qadri
- (24) Sharah Mishkaat (Kitabul Iman)
- Mufti Ahmad Yaar Khan Nayeemi
- (25) Chand Ghair Motabar Kitabein
- Maulana Hasan Noori
- (26) Tirmizi (Part 1) - Muhammad Bin Eisa Tirmizi
- (27) Aaiye Namaz Seekhein (Part 1)
- Abde Mustafa Muhammad Sabir Qadri
- (28) Sharah Mishkaat (Kitabul Ilm)
- Mufti Ahmad Yaar Khan Nayeemi
- (29) Sahih Bukhari Aur Ilme Ghaib
- Allama Muhammad Abdul Qadir
- (30) Difa -e- Kanzul Iman
- Tajushshariah, Mufti Akhtar Raza Khan
-

Sallimu Tasleema

- (31) Pehle Farz Nafil Baad Mein
- Aala Hazrat, Imam Ahmad Raza Khan Bareilvi
- (32) Qiyamat Ke Din Logon Ko Kis Ke Naam Ke Saath
Pukara Jayega - Abde Mustafa Muhammad Sabir Qadri
- (33) Yaare Ghaar - Dr. Asif Ashraf Jalali
- (34) Tie Ka Mas'ala - Huzoor Tajushshariah
- (35) Sawaneh Tajushshariah - Mufti Dr. Yunus Raza
- (36) Huzoor Tajushshariah Aur Bukhari Shareef Ki Pehli
Hadees Ka Dars - Maulana Muhammad Raza Markazi
- (37) Huzoor Tajushshariah Ke Kalaam Mein Muhawraat
Ka Istemal - Muhammad Kashif Raza Shaad Misbahi
- (38) Hussamul Haramain - Aala Hazrat Imam Ahmad Raza
Khan Bareilvi
- (39) Haque Par Kaun? - Allama Muhammad Zafar Attari
- (40) Shirk Kya Hai? - Allama Muhammad Ahmad Misbahi
- (41) Qurbani Ka Bayaan From Bahaar -e- Shariat
- Allama Mufti Amjad Ali Aazmi
- (42) Zibah Ka Bayaan From Bahaar -e- Shariat
- Allama Mufti Amjad Ali Aazmi
- (43) Eisaiyat Se Islam Tak
- Allama Ghulam Rasool Qasmi
- (44) Zambik Ka Maana Aur Masla -e- Durood
- Allama Syed Ahmad Sayeed Kaazmi
- (45) Islami Taleem (Part 1)
- Allama Mufti Jalaluddin Ahmad Amjadi
- (46) Muharram Mein Kya Jaiz Aur Kya Najaiz?
- Allama Tatheer Ahmad Razvi
- (47) Muharram Mein Nikah
- Abde Mustafa Muhammad Sabir Qadri
- (48) Islami Zindagi
- Mufti Ahmad Yaar Khan Nayeemi
-

Sallimu Tasleema

- (49) Riwayato Ki Tehqeeq (Part 1)
- Abde Mustafa Muhammad Sabir Qadri
- (50) Riwayato Ki Tehqeeq (Part 2)
- Abde Mustafa Muhammad Sabir Qadri
- (51) Sharahe Kalaame Raza
- Al Hafiz Al Qaari Maulana Ghulam Hasan Qadri
- (52) Imamul Ayimma Abu Bakr Siddique
- Allama Ghulam Rasool Qasmi
- (53) Aulia -e- Rijalul Hadees
- Allama Abdul Mustafa Aazmi
- (54) Tamheede Imaan
- Aala Hazrat, Imam Ahmad Raza Khan
- (55) Sharah Qasida -e- Meraj
- Al Hafiz Al Qaari Maulana Ghulam Hasan Qadri
- (56) Imam Mahdi (Zamana -e- Zuhoor Aur Alamaat)
- Imam Ibne Hajar Haytmi Shafayi
- (57) Break Up Ke Baad Kya Karein?
- Abde Mustafa Muhammad Sabir Qadri
- (58) Ek Nikah Aisa Bhi
- Abde Mustafa Muhammad Sabir Qadri
- (59) Ali Wa Muawiya - Allama Ghulam Rasool Qasmi
- (60) Kafir Se Sood - Abde Mustafa Muhammad Sabir Qadri
- (61) Main Khan Tu Ansari
- Abde Mustafa Muhammad Sabir Qadri
- (62) Riwayato Ki Tehqeeq (Part 3)
- Abde Mustafa Muhammad Sabir Qadri
- (63) Jurmana - Abde Mustafa Muhammad Sabir Qadri
- (64) La Ilaha Illallah, Chishti Rasoolullah?
- Abde Mustafa Muhammad Sabir Qadri
- (65) Hazrate Ali Ki Wiladat Kahan Hui?
- Allama Qari Luqman Shahid
-

Sallimu Tasleema

- (66) Sarkar Ka Hulya Mubarak Ba Riwayate Umme Mabad
- Abde Mustafa Muhammad Sabir Qadri
- (67) Qanoon -e- Shariat - Allama Qazi Shamsuddin Ahmad
- (68) Saniha -e- Karbala - Allama Ghulam Rasool Qasmi
- (69) Shirk Ki Haqeeqat - Allama Asif Abdullah Qadri
- (70) Be Peer Ka Peer Shaitan Hai
- Aala Hazrat, Imam Ahmad Raza Khan Barelvi
- (71) Islami Aqaid - Allama Mufti Faiz Ahmad Owaisi
- (72) Zarbe Haidari - Allama Ghulam Rasool Qasmi
- (73) Saltanat -e- Mustafa
- Allama Mufti Ahmad Yaar Khan Nayeemi
- (74) Badmazhabo Se Rishte
- Allama Mufti Jalaluddin Ahmad Amjadi
- (75) Main Nahin Jaanta - Maulana Hasan Noori Gondavi
- (76) Safarnaama Bilaade Khamsa
- Abde Mustafa Muhammad Sabir Qadri
- (77) Mansoor Hallaj
- Abde Mustafa Muhammad Sabir Qadri
- (78) Tehqeeqe Imammat
- Imame Ahle Sunnat, Aala Hazrat Rahimahullahu Ta'ala
- (79) Gustakhe Nabi Kafir Hai
- Imame Ahle Sunnat, Aala Hazrat
- (80) Gustakhe Nabi Ke Qatl Ki Hadees Par Tehqeeq
- Zubair Jamalvi
- (81) Seerate Mustafa
- Allama Abdul Mustafa Aazmi Rahimahumullahu Ta'ala
- (82) Tablighi Jama'at Ka Fareb
- Allama Sayyid Shah Turabul Haque Qadri
- (83) Sunni Kaun? Wahabi Kaun?
- Abde Mustafa Muhammad Sabir Qadri
- (84) Farzi Qabrein - Abde Mustafa Muhammad Sabir Qadri
-

Sallimu Tasleema

(85) Imam Abu Yusuf Ka Difaa

- Imame Ahle Sunnat, Aala Hazrat Rahimahullahu Ta'ala

(86) Hindustan Daarul Harab Ya Daarul Islam?

- Abde Mustafa Muhammad Sabir Qadri

(87) Raza Ya Riza?

- Abde Mustafa Muhammad Sabir Qadri

(88) 786/92 - Abde Mustafa Muhammad Sabir Qadri

(89) Fitna Gauhar Shahi

- Abde Mustafa Muhammad Sabir Qadri

(90) Deeni Taleem - Allama Sayyid Turabul Haq Qadri

(91) Sallimu Tasleema - Khwaja Shauq

AMO

DONATE

ABDE MUSTAFA OFFICIAL

Abde Mustafa Official is a team from Ahle Sunnat Wa Jama'at working since 2014 on the Aim to propagate Quraan and Sunnah through electronic and print media. We're working in various departments.

Blogging : We have a collection of Islamic articles on various topics. You can read hundreds of articles in multiple languages on our blog.

amo.news/blog

Sabiya Virtual Publication

This is our core department. We are publishing Islamic books in multiple languages. Have a look on our library amo.news/books

E Nikah Matrimonial Service

E Nikah Service is a Matrimonial Platform for Ahle Sunnat Wa Jama'at. If you're searching for a Sunni life partner then E Nikah is a right platform for you.

www.enikah.in

E Nikah Again Service

E Nikah Again Service is a movement to promote more than one marriage means a man can marry four women at once, By E Nikah Again Service, we want to promote this culture in our Muslim society.

Roman Books

Roman Books is our department for publishing Islamic literature in Roman Urdu Script which is very common on Social Media.

read more about us on amo.news

For futher inquiry: info@abdemustafa.com

SABIYA
VIRTUAL PUBLICATION

enikah

niiii

BOOKS

PS
graphics

SCAN HERE



BANK DETAILS

Account Details :

Airtel Payments Bank

Account No.: 9102520764

(Sabir Ansari)

IFSC Code : AIRP0000001

 PhonePe  G Pay  paytm

9102520764

or open this link | amo.news/donate



Sallimu Tasteemaa

A

Abde Mustafa Official is a team from Ahle Sunnat Wa Jama'at working since 2014 on the Aim to propagate Quraan and Sunnah through electronic and print media. We're working in various departments.

Blogging : We have a collection of Islamic articles on various topics. You can read hundreds of articles in multiple languages on our blog.

blog.abdemustafa.com

Sabiya Virtual Publication

This is our core department. We are publishing Islamic books in multiple languages. Have a look on our library **books.abdemustafa.com**

E Nikah Matrimonial Service

E Nikah Service is a Matrimonial Platform for Ahle Sunnat Wa Jama'at. If you're searching for a Sunni life partner then E Nikah is a right platform for you. **www.enikah.in**

E Nikah Again Service

E Nikah Again Service is a movement to promote more than one marriage means a man can marry four women at once, By E Nikah Again Service, we want to promote this culture in our Muslim society.

Roman Books

Roman Books is our department for publishing Islamic literature in Roman Urdu Script which is very common on Social Media.

read more about us on **www.abdemustafa.com**

For futher inquiry: **info@abdemustafa.com**

M

O

AMO
ABDE MUSTAFA OFFICIAL

SABIYA
VIRTUAL PUBLICATION



ISBN: (N/A)



Khawaja
Shauq